

পাঞ্জাব-কেশরী  
বণজিৎসিংহ

—ফটার থিয়েটারে অভিনীত—

প্রথম অভিনয় রজনী—শনিবার, ১৩ই জুলাই, ১৯৪০  
নবপর্যায়ে অভিনয়—বৃহস্পতিবার, ১২ই আগস্ট, ১৯৪৩

শ্রীনরকুমার গুপ্ত

শ্রীমহেন্দ্রনাথ গুপ্ত, এম-এ

শ্রীগুরু লাইব্রেরী  
২০৪, বর্ণওয়ালিস্ স্ট্রীট, কলিকাতা

প্রকাশক—শ্রীভুবনমোহন মজুমদার, বি-এস-সি  
শ্রীগুরু লাইব্রেরী

২০৪, কৰ্ণওয়ালিস ষ্ট্রীট, কলিকাতা ৬,

*Shaba Kumar Garai.*

তৃতীয় সংস্করণ—শ্রাবণ ১৩৫৪

দেড় টাকা

প্রিণ্টার—শ্রীননীগোপাল সিংহ রায়

তারার প্রেস

১৪বি, শঙ্কর ঘোষ লেন, কলিকাতা

নাট্য জগতে মৌখিক শ্রদ্ধা, সৌজন্য যা পেয়েছি—  
তাকে বলা যায় বৈঠকখানা সাজাবার দায়ী  
ফার্মিচার ; মনের মনি-কোঠায় তার স্থান সঙ্কুলান  
হয় না। মর্শ্বলোকের মর্শ্ব-মধু জুগিয়েছেন যাঁরা—  
স্নেহ দিয়েছেন, প্রীতি দিয়েছেন, অনাড়ম্বর  
ভালবাসা দিয়েছেন যাঁরা... তাঁদের সংখ্যা খুব বেশী  
নয়। সেই অল্প ক'জন্যার মধ্যে যিনি অন্যতম—  
আমার এ নাটক অর্পণ করলুম সেই বন্ধুবৎসল,  
নাট্য-রসিক শ্রীযুত যশোদা নারায়ণ ঘোষের  
করকমলে ।

শিখ-ইতিহাসের কোনো ঘটনা অবলম্বনে নাট্যরচনা এবং তার অভিনয় বাংলা দেশে তথা সমগ্র ভারতবর্ষে সম্ভবতঃ এই প্রথম। এবং প্রথম বলিয়াই অত্যন্ত ভাবে ইহার অভিনয় কালে নানাদিক হইতে বাধাবিঘ্ন উপস্থিত হইয়াছিল। ষ্টার গিয়েটারের সত্বাধিকারী শ্রীযুত সলিলকুমার মিত্র, অধ্যক্ষ শ্রীযুত জ্ঞানেন্দ্রকুমার মিত্র এবং তদানীন্তন পরিচালক শ্রীযুত কালীপ্রসাদ ঘোষ মহাশয়ের তুর্দমনীয় প্রচেষ্টা ও অজস্র অর্থ ব্যয়ের ফলেই পাঞ্জাব-কেশরীর এই জীবন-নাট্য প্রকাশ্য রঙ্গমঞ্চে অভিনয় করা সম্ভবপর হইয়াছিল। বাধা না থাকিলে এই সঙ্গে শিখ-সম্রদায়ের কয়েকজন মনস্বী ব্যক্তিরও নামোল্লেখ করিতাম—যাঁহারা অভিনয়ে নানাভাবে সাহায্য করিয়াছেন। ইহাদের সকলের কাছে আমি কৃতজ্ঞ।

এই নাটক শ্রীযুত কালীপ্রসাদ ঘোষ মহাশয়ের পরিচালনাধীনে ষ্টারে প্রথম অভিনীত হয় শনিবার, ১০ জুলাই—১৯৪০ সালে। ইহার অসামান্য সফল-সাফল্য ও জনপ্রিয়তার জন্ত ১৯৪৩ সালের ১৪ই আগষ্ট—বৃহস্পতিবার ষ্টারে ইহার পুনরাভিনয়ের ব্যবস্থা হয়। নবপর্যায়ে রণজিৎসিংহের এই দ্বিতীয় অভিনয় হয় আমার নিজস্ব পরিচালনায়। এ সময়ে আমি নাটকখানিকে যে ভাবে পরিবর্তিত করিয়াছিলাম—রণজিৎসিংহের এই দ্বিতীয় সংস্করণ ঠিক সেইরূপেই মুদ্রিত হইল।

# প্রথম অভিনয় রজনীর পাত্রপাত্রীগণ

## পুরুষগণ

রণজিৎ সিংহ	...	শ্রীজীবনকুমার গাঙ্গুলী
খড়্গ সিংহ	...	শ্রীঅমল বন্দ্যোপাধ্যায়
নওনিহাল সিংহ	...	শ্রীমতী শেফালী ( ছোট )
দলীপ সিংহ	...	শ্রীমতী শান্তি
মোকাম চাঁদ	...	শ্রীবিমল চন্দ্র ঘোষ (২নং)
কর্ণেল ভেঙ্কুরা	...	শ্রীজয়নারায়ণ মুখোপাধ্যায়
ক্যাপ্টেন ওয়েড	...	শ্রীউমাপদ বসু
কান সিংহ	...	শ্রীরণজিৎ রায়
সাহেব সিংহ	...	শ্রীবঙ্কিম চন্দ্র দত্ত
চৈৎসিংহ	...	শ্রীগোপাল চন্দ্র ভট্টাচার্য
শাহনুজা	...	শ্রীভূপেন্দ্র নাথ চক্রবর্তী
আবুতোরাব	...	শ্রীবানী মুখোপাধ্যায়
গোলাপ সিংহ	...	শ্রীপঞ্চানন চট্টোপাধ্যায়
শিখ নাগরিকগণ,	...	রতন সেন, বিষ্ণু সেন,
সৈনিক, প্রহরী	...	প্রসাদ বিশ্বাস, নলিন বাগ

অনিল রায়, গোষ্ঠ ঘোষাল, অনন্ত,  
সুবোধ ভট্টাচার্য, কেষ্টদাস  
বন্দ্যোপাধ্যায়, সন্তোষ বাকচী,  
সন্তোষ মুখোপাধ্যায়, রবি চক্রবর্তী,  
মণি চট্টোপাধ্যায়, ভোলানাথ চৌধুরী ।

প্রাচ্য নৃত্যে

দিব্যেন্দু কুমার

## স্বীগণ

রাজ কোড়	...	শ্রী: তী নিভাননী
বিন্দন কোড়	...	„ লাইট
চাঁদ কোড়	...	„ দুর্গারানী
মোহরা বান্দিজি	...	„ রাজলক্ষ্মী ।

সখীবৃন্দ—তারকবালা, সরসীবালা, ছনিয়াবালা, লীলাবতী, আশালতা, ইরা, হাসি, বীণা ( ৩ জনা ), শান্তি ( ২ জনা ), সত্য ২নং, রাণী, পারুল, রবি, কমলা ।

## সংগঠনকারীগণ

সভাপ্রধান	...	শ্রীমলিলকুমার মিত্র বি, কন্
অধ্যক্ষ	...	„ জ্ঞানেন্দ্র কুমার মিত্র
প্রয়োগশিল্পী	...	„ কালীপ্রসাদ ঘোষ বি, এন্-সি
সুরশিল্পী	...	„ সঙ্গীতাচার্য্য কৃষ্ণ চন্দ্র
নৃত্যশিল্পী	...	„ নৃত্যাচার্য্য সাতকড়ি গাঙ্গুলী
মঞ্চশিল্পী	...	„ শ্রীপরেশ চন্দ্র বসু ( পটল বাবু )
মঞ্চতত্ত্বাবধায়ক	...	„ ষতীন্দ্র নাথ চক্রবর্তী
স্বায়ক	...	„ স্কুমার কাজীলাল
রূপসজ্জাকর	...	„ নন্দলাল গাঙ্গুলী
যন্ত্রীসভ্য	...	বিদ্যাভূষণ পাল, কালিদাস ভট্ট, মথুরা মোহন শেঠ, ললিত মোহন বসাক, বন বিহারী পান, বসন্তকুমার মুখোপাধ্যায় ।

## চরিত্র পরিচয়

রণজিৎ সিংহ	...	শিখ নামক
খড়গসিংহ	...	ঐ পুত্র
দলীপ সিংহ	...	ঐ পুত্র
নওনিহাল সিংহ	...	খড়গসিংহের পুত্র
চৈৎসিংহ	...	খড়গসিংহের পারিষদ
মোকাম চাঁদ	...	রণজিতের সেনাপতি
কর্ণেল ভেঙ্কুরা	...	ঐ ফরাসী সেনাপতি
ক্যাপ্টেন ওয়েড	...	ব্রিটিশ পলিটিক্যাল এজেন্ট
কাগসিংহ	...	ভান্সীমিছিলের নেতা
সাহেবসিং	...	নুকিয়া মিছিলের নেতা
গোলাপসিংহ	...	কাগসিংহের ভ্রাতা
শাহনুজা	...	আফগানীস্থানের রাজ্যচ্যুত আশীর
আবুতোরাব	...	ঐ কোষাগার রক্ষী প্রুখ
রাজ কোড়	...	রণজিতের মাতা
বিন্দন কোড়	...	ঐ পত্নী
চাঁদ কোড়	...	খড়গসিংহের পত্নী
মোহরা	...	বান্ধিজি





# পাঞ্জাব-কেশরী রাজসিংহ

প্রথম অঙ্ক

প্রথম দৃশ্য

লাহোর দরবার

[ সর্দারগণ নিদ্রিষ্ট আসন সম্মুখে দণ্ডায়মান থাকিয়া জাতীয় সঙ্গীতের প্রতি সম্মাননা প্রদর্শন করিতেছিলেন ; সমবেত শিখ নরনারীর জাতীয় সঙ্গীত । ]

গীত

ওয়া গুরুজিকী কতে,                      ওয়া গুরুজিকী কতে

ওয়া গুরুজিকী কতে !

হে প্রভু, আশীষ দাও জাতির যাত্রা পথে ।

মুক্ত কৃপাণ অতি ধরমান অসি বাজে বন বন,

সঘনে গরজে পাঞ্জাবী শিখ 'অলখ নিরঞ্জন ।'

পঞ্চ নদের দৃপ্ত সিংহ জাগে,

হৃপ্ত জনেরে হৃদ্ভি নাদে ডাকে,

নবারুণ হাসে মৃত্যু-নদীর বাঁকে

কনক-কিরণ-রথে !

গীত শেষে সকলে সমবেত কণ্ঠে মেঘমল্ল ধ্বনি করিয়া উঠিল—

ওয়া গুরুজিকী ফতে                      ওয়া গুরুজিকী ফতে

ওয়া গুরুজিকী ফতে !

( রুগঞ্জিসিংহের প্রবেশ ও সিংহাসনে উপবেশন )

রুগ। ভাই সব, লাহোরে আজ আমার প্রথম দরবার। দরবারের সূচনায় একটা কথা আপনাদের স্মরণ করিয়ে দিতে চাই। আপনারা এ দরবারে ব্যক্তিগত ভাবে আমাকে সম্মান দেখাবার জন্তে আমন্ত্রিত হন নি! আমি মুক্তিকামী শিখ জাতির প্রতিনিধিরূপে আপনাদের আহ্বান করেছি। সূতরাং এখানে সমবেত হ'য়ে আজকে সম্মান দিচ্ছি আমরা একতাবদ্ধ শিখ জাতিকে, অভিবাদন কচ্ছি আমরা শিখের জাগ্রত জীবন-শক্তিকে।

সকলে। জয় জাগ্রত শিখ—জয় জাগ্রত শিখ!—

রুগ। ভাই সব, বিরাট কর্তব্য আজ আমাদের সম্মুখে। দুর্দর্ষ আফগান-রাজ আমেদ আবদালী সমগ্র পাঞ্জাবের স্বাধীনতা হরণ করেছিল। বহুকাল পরে সেই বিরাট পঞ্চনদের একাংশ এই লাহোরে আমরা স্বাধীনতার দীপ-বর্তিকা জ্বালাতে পেরেছি। এই আলোকে আমাদের ভবিষ্যৎজীবনের গতি পথ আলোকিত করতে হবে। আমাদের যাত্রা-পথে প্রধান বাধা—একদিকে সিন্ধিয়া পরিচালিত দুর্দর্ষ মারাঠা বাহিনী, একদিকে ভারতে ক্রমবর্ধমান ইংরাজ শক্তি, আর একদিকে রাজ্যলোলুপ হরস্ত আফগান জাতি। আমাদের বাঁচতে হ'লে— এই তিনটী প্রধান শক্তির প্রতি আমাদের সজাগ দৃষ্টি রাখতে হবে!—

মোকামচাদ। আমরা যুদ্ধ করব। মহারাজ রুগঞ্জিসিংহের নামকত্বে বহুকালের পরাধীনতা থেকে যদি আমরা মুক্তি পেরেছি—সে মুক্তির ঐশ্বর্যকে আমরা পথের ধূলায় লুটাতে দেব না। প্রয়োজন হ'লে আমরা ইংরেজ, মারাঠা, আফগান, সবার সঙ্গে লড়ব!—

সকলে । হ্যাঁ হ্যাঁ, বাইরের কোন শত্রুকে আমরা পাঞ্জাবে প্রবেশ করতে দেব না ।

রূপ । কিন্তু সেই বাইরের শত্রুদের জয় করতে হ'লে আগে চাই ঘরের শত্রুকে বশ করা !

মোকাম । ঘরের শত্রু ?

রূপ । শিখের ঘরের শত্রু তার শতধা-বিচ্ছিন্ন সমাজ, শিখের পরম্পর-বিরোধী সম্প্রদায় ! আমাদের অনুভূমি এই পাঞ্জাব প্রদেশ যেমন ক'রে পাঁচটা খরস্রোতা নদী-প্রবাহকে বজ্রমুষ্টিতে আঁকড়ে ধরে আছে, তেমনি ক'রে সবল বাহু দিয়ে বেঁটন ক'রে ধরতে হবে শিখের বিভিন্ন মিছিলকে—গতি নিয়ন্ত্রিত করতে হবে তার একই লক্ষ্য পানে—সে লক্ষ্যের নাম স্বাধীনতা । সেই উদ্দেশ্যেই আমি বিভিন্ন শিখ মিছিলের নেতাকে এই দরবারে আহ্বান করেছি । যারা এ দরবারে উপস্থিত হন নি আজ হ'তে তাঁদের মানবো আমরা শিখের জাতীয় জীবনের পরম শত্রু ব'লে ।

সকলে । নিশ্চয়—নিশ্চয়—

রূপ । দেওয়ান মোকামচাঁদ !

মোকাম । মহারাজ !

রূপ । দরবারে সমস্ত ঈপ্সিত ব্যক্তি উপস্থিত ?

মোকাম । হ্যাঁ—কেবল লুকিয়া মিছিলের নেতা কাণসিংহ এবং ভাস্কী মিছিলের সর্দার সাহেবসিংহ উপস্থিত না হ'য়ে দূত প্রেরণ করেছেন !

রূপ । হ্যাঁ, দূতের বক্তব্য পরে শুনব, কিন্তু আর সকল আমন্ত্রিত ব্যক্তি উপস্থিত ? সকল শিখ সর্দার ? আমার প্রত্যেক আমন্ত্রিত রাজকর্মচারী ?

মোকাম । সকলে । কেবল—

রণ । কেবল ?

মোকাম । যুবরাজ খড়্গসিংহ এখনও উপস্থিত হন নি ।

রণ । যুবরাজ খড়্গসিংহ কি জ্ঞাত নন যে আজ লাহোরে এই দরবারে সমস্ত রাজভৃত্যকে উপস্থিত থাকতে হবে ?

মোকাম । তাঁকে আমি মহারাজের অভিপ্রায় জ্ঞাপন করেছি, কিন্তু যুবরাজ হয়ত ভেবেছেন তাঁর উপস্থিতির প্রয়োজন হবে না !

রণ । কেন ? যুবরাজ কি রাজভৃত্য নন ? তিনি কি আমার অর্থে উদরপূর্তি করেন না ? পুত্র ব'লে রঞ্জিৎসিংহ তাঁর প্রতি স্বতন্ত্র ব্যবস্থা করবে এই কি তিনি প্রত্যাশা করেন ? কৈ হয় ?—

( প্রহরীর প্রবেশ )

রণ । যুবরাজ খড়্গসিংহ !—যদি আসতে ইতস্ততঃ করে—অপদার্থকে শৃঙ্খল পরিয়ে এই দরবারে হাজির করবে !—

মোকাম । দোহাই মহারাজ, যুবরাজ খড়্গসিংহ তরলমতি যুবা, তার অপরাধ মার্জনীয় ।

রণ । না—না, আমি কোন কথা শুনতে চাই না মোকামচাঁদ । যুবরাজকে এই দরবারে হাজির হ'তে হবে—এই সর্দারবর্গের কাছে তাঁর আচরণের কৈফিয়ৎ দিতে হবে ।—

( নও নিহালসিংহের প্রবেশ )

নও নিহাল । যুবরাজের আচরণের কৈফিয়ৎ দিতে আমি উপস্থিত হয়েছি মহারাজ !

রণ । একি ! নও নিহালসিংহ ?

নও । হ্যাঁ মহারাজ, আমি আমার পিতা যুবরাজ খড়্গসিংহের প্রতিনিধি-রূপে এই দরবারে উপস্থিত থেকে শিখ জাতির ভাগ্যনিয়ন্তাকে অভিনন্দন জানাচ্ছি ! আমার অভিনন্দনে কি আপনি তৃপ্ত নন

মহারাজ ! প্রতিনিধিরূপে আমাকে উপস্থিত দেখেও কি আমার পিতার প্রতি আপনার ক্রোধের উপশম হবে না ?

রণ । নও নিহালসিংহ, তুমি বালক ! শিখের ভাগ্য গগনে বিরাট বিপ্লবের ঝড় ঘনায়মান । এ সময় যুবরাজের প্রতিনিধিত্ব কতখানি গুরুতর সে তুমি জান নও নিহালসিংহ ? রণ-দামামা নির্ঘোষে যুদ্ধক্ষেত্রে ঝাঁপিয়ে পড়বার অণ্ণে নিরুদ্ধশ্বাসে দণ্ডায়মান এই শিখ জাতির কর্ণে কোন্ মন্ত্র উচ্চারণ কর্তে হবে জান তুমি বালক ? তা যদি জান, তবে এ প্রতিনিধিত্বের দাবী আছে তোমার ! ক্ষমা করব তাহ'লে তোমার পিতার গুরু অপরাধ ! আর না জান যদি সে মন্ত্র—

নও । জানি মহারাজ ! বালক হ'লেও আমি রণজিৎসিংহের পৌত্র, আমি জানি সে পবিত্র মন্ত্র !—

রণ । কি সে মন্ত্র ?

নও । সে মন্ত্র হ'ল—গুরু গোবিন্দসিংহের শিষ্য শিখ জাতি যুদ্ধকে ভয় করে না ; এক এক জনে তারা সওয়া লক্ষ শত্রুর উপর সিংহ বিক্রমে ঝাঁপিয়ে পড়ে । “সওয়া লাখ পর এক চঁড়াউ, যব গুরু গোবিন্দ নাম শুনাউ ।”

রণ । চমৎকার ! বালক, এ মন্ত্র তুমি কোথায় পেলে ?

নও । পেয়েছি আমার দেশের মাটিতে, পেয়েছি আমার মাতৃস্তনে, পেয়েছি আমার দেহের উচ্ছ্বসিত শোণিত ধারায় ।

রণ । হাঁ হাঁ, বালক নও নিহালসিংহ, তুমিই যুবরাজের প্রতিনিধিত্বের যোগ্য অধিকারী ! খড়্গসিংহ অপদার্থ হ'লেও এমন পুত্ররত্নকে সে জন্মদান করেছে, তাই তার সহস্র অপরাধ মার্জনা করলাম । এস শিখবীর, দরবারে তোমার যোগ্য আসন গ্রহণ কর ।

( নও নিহালসিংহকে আসনে প্রতিষ্ঠিত করিলেন )

দেওয়ান মোকামচাঁদ ! এইবার দরবারে কাণসিংহ ও সাহেব-  
সিংহের প্রতিনিধিকে আনয়ন কর !

( মোকামচাঁদের প্রস্থান ও গোলাপসিংহকে লইয়া পুনঃ প্রবেশ )

গোলাপ । সুফিয়া মিছিলের নেতা কাণসিংহ বাহাদুর এবং ভান্সী  
মিছিলের নেতা সাহেবসিংহ বাহাদুরের প্রতিনিধিরূপে আমি  
মহারাজ রুণজিৎসিংহকে অভিবাদন করি !

রুণ । দূতের পরিচয় ?

গোলাপ । আমি কাণসিংহের ভ্রাতা গোলাপসিংহ ।

রুণ । তাঁরা দরবারে হাজির না হ'য়ে তোমাকে প্রেরণ করলেন কেন ?

গোলাপ । তাঁরা উভয়েই অসুস্থ মহারাজ !

রুণ । ওঃ ! আজকাল তাঁরা উভয়েই একসঙ্গে অসুস্থ হচ্ছেন তা হ'লে ?  
অসুস্থতা দৈহিক না মানসিক ?

গোলাপ । মহারাজ !—

রুণ । সংবাদ পেলাম কাণসিংহ নাকি এখন ভান্সী মিছিলের নেতা  
সাহেবসিংহের আমন্ত্রণে অমৃতসরে অবস্থান করছেন ? সংবাদ  
সত্য ?

গোলাপ । হাঁ সত্য !—

রুণ । অমৃতসরে বাঈজির নৃত্যগীত ও সুরা-সন্তোগে অসুস্থতা বোধ  
করলেন না—যত অসুস্থতা তাঁর লাহোর দরবারে সম্মিলিত শিখ  
জাতির সম্মুখে উপস্থিত থাকতে ! কেমন না ? তাঁর এ হীন  
আচরণের কৈফিয়ৎ দেবে কে ?

গোলাপ । কৈফিয়ৎ ! মহারাজ যখন সকল সংবাদই সংগ্রহ করেছেন,  
তখন আমাদেরও বাক্‌চাতুরী বিস্তার নিশ্চয়োজন । আমি অকপট  
সত্য কথাই বাক্ত করব । শুনুন মহারাজ, প্রবলপ্রতাপ কাণসিংহ-

কিংবা সাহেবসিংহ বাহাদুর তাঁদের আচরণের জন্তে কারু কাছে কৈফিয়ৎ দেবার অপেক্ষা রাখেন না !—

নও । স্পর্ধিত দূত !

রগ । ( ইঙ্গিতে নও নিহালকে নিরস্ত করিয়া ) উত্তম ! শোন দূত তোমার প্রভুদের আমি নুকিয়া মিছিলের এবং ভাঙ্গী মিছিলের নেতাক্রমেই স্বাধীন স্বতন্ত্র মত ব্যক্ত করবার জন্তে আমন্ত্রণ করেছিলাম এই দরবারে । সে ভাবে উপস্থিত থাকতে তাঁরা যখন প্রস্তুত নন, তখন তাঁদের আমার আদেশ জানাবে—এই লাহোর দরবারে শিখ সর্দারদের সেবা করবার জন্তে দুইজন আজ্ঞাবহ ভৃত্যের প্রয়োজন, এবং সেই ভৃত্যরূপে নির্বাচিত করেছি আমরা কাগসিংহকে ও সাহেবসিংহকে । আজ হ'তে সপ্তাহকাল মধ্যে তাঁদের উভয়কে আমাদের ভৃত্যের দায়িত্ব গ্রহণ করবার জন্ত লাহোরে উপস্থিত হ'তে হবে—এই আমাদের আদেশ !—

গোলাপ । মহারাজ !—

রগ । যাও দূত, আর দ্বিরুক্তি নয় । কিছু বলবার থাকে সে শুনবে আমরা—কাগসিংহ ও সাহেবসিংহ যখন অবনত মস্তকে এই দরবারকে অভিবাচন করতে উপস্থিত হবে—তাঁদেরি মুখে । তুমি ভৃত্যের ভৃত্য—তোমার মুখে নয় ; যাও । হ্যাঁ, আর এক কথা ; আমের আবদালীর বিখ্যাত জম্জমা কামান লুণ্ঠিত দ্রব্যের অংশস্বরূপ প্রাপ্ত হন আমারি পিতামহ ছত্রসিংহ ! সে কামান এখন সাহেবসিংহের অধিকারে । সাহেবসিংহকে আমি পত্র প্রেরণ করেছিলাম—সেই কামানটি প্রত্যর্পণ করবার জন্তে । পত্রের কোন উত্তর এনেছ তুমি ?

গোলাপ । কি উত্তর দেবেন সাহেবসিংহ ! জম্জমা কামান চান আপনি !

রগ । হ্যাঁ হ্যাঁ, দিগ্বিজয়ী আমের আবদালীর জম্জমা কামানে ভবিষ্যকালের দিগ্বিজয়ী রগজিৎসিংহেরই অধিকার !—)

গোলাপ। কিন্তু সাহেবসিংহ বলেছেন, সে কামান তিনি কিছুতেই হস্তচ্যুত করতে পারবেন না !

রণ। সে কামান কিছুতেই রণজিৎসিংহেরও হস্তভ্রষ্ট হ'তে পারবে না!—

গোলাপ। সাহেবসিংহের প্রতিজ্ঞা—প্রয়োজন হয় সাহেবসিংহ প্রাণ দেবেন—অমৃতসর ধ্বংস হ'তে দেখবেন—তবু জম্জমা কামান ছাড়বেন না।

রণ। তা হ'লে এই প্রকাশ্য দরবারে সর্দারমণ্ডলীকে সাক্ষ্য রেখে রণজিৎসিংহেরও প্রতিজ্ঞা—প্রয়োজন হয় সাহেবসিংহের প্রাণ নেব—অমৃতসর ধ্বংস ক'রব—তবু দিগ্বিজয়ী আমেদ আবদালীর বিজয়-চিহ্ন সেই জম্জমা কামান আমি কিছুতেই ছাড়ব না।

### দ্বিতীয় দৃশ্য

লাহোর—রাজ অন্তঃপুর

( চৈৎসিংহ ও খজ্জাসিংহের প্রবেশ )

চৈৎ। শুনেছেন সুবরাজ, আপনি লাহোর দরবারে উপস্থিত হন নি ব'লে আপনার পিতা মহারাজ রণজিৎসিংহ দরবার ভর্তি শিখ নেতাদের সামনে আপনাকে অপদার্থ বলেছেন।

খজ্জা। তাতে চট্‌বার কি আছে বন্ধু চৈৎসিংহ ! পর্কত যখন যুদ্ধিক প্রসব করতে পারে, তখন মহারাজ রণজিৎসিংহের পুত্রও যে একটি যুঁড়িমান অপদার্থ হ'য়ে জন্ম নেবে এতো স্বাভাবিক হে—

চৈৎ। স্বাভাবিক !

খজ্জা। হঁ, নিশ্চয় ! জগতের সব মহাপুরুষদের বংশতালিকা খতিয়ে দেখ—দেখবে বার আনি মহাপুরুষের ছেলেই আমার মত একেবারে ষোল আনি খাদ ছাড়া সোনার বাস্ত্যযুগু !



চৈৎ । (ব্যাপারের গুরুত্বটা একবার ভেবে দেখুন । আপনার প্রতি মহারাজের এই অবজ্ঞা—এই) আপনাকে নিয়ে পাঁচজনের সামনে ঠাট্টা-তামাসা, এর মানেটা কি আপনি উপলব্ধি করছেন ?

খজা । বুঝিয়ে বল—

চৈৎ । লাহোর গদি—মহারাজ রঞ্জিতের অবর্তমানে—ওই লাহোর গদি—আপনি যদি পাঁচজনের ঠাট্টা তামাসার পাত্র হন—তবে কি ও গদিতে বসতে পাবেন কোন দিন ? ও গদিতে বসবে নও নিহালসিংহ !

খজা । সে তো আমার ছেলে—

চৈৎ । ছেলে ! আর যদি বসে ওই পাঁচ বছরের শিশু দলীপসিংহ !

খজা । সে তো আমার ভাই !

চৈৎ । দলীপসিংহ আপনার বিমাতা বিন্দন কৌড়ের পুত্র—

খজা । আরে মুর্খ, বিমাতা হ'লেও—তিনি তো আমার মা ।

চৈৎ । বিমাতা ও মা—এক ?

খজা । (সোজা বুদ্ধিতে ভাব) কোনো মাতার ভিতর কখনও বিমাতাকে খুঁজে পাওয়া যায় না । কিন্তু বিমাতার ভেতর মাতাকে চেষ্টা করলেই খুঁজে পাওয়া যায় ! বিমাতার বি শব্দটাকে বিরোগ দাও—তবেই সোজা বিরোগফলরূপে দেখা দেবেন মাতা । দস্তুর মত ঝাঁক কষে প্রমাণ করেছি, অস্বীকার করবার উপায় নেই !

চৈৎ । আপনি তাহ'লে ঐ আনন্দেই থাকুন—আমি মোহরা বাঈজিকে খবর দিইগে—যুবরাজ তাঁর সঙ্গে সাক্ষাৎ করতে নারাজ—

খজা । অ্যাঁ, মোহরা বাঈজি ! সে কি হে ! তাঁর কোনো খবর আছে নাকি ?

চৈৎ । তার খবর শোনে কে ?

খজা । আরে মুর্খ, এতক্ষণ বলতে হয় । সুন্দরী মোহরা ! বলরাই

গোলাপের আধো বিকশিত পাপড়ির আতপ্ত অরুণিমা মাথানো সেই নিটোল যৌবন সুষমা পিলকের দেখা আমাদের অমৃতসরের হৃদ তীরে ; তার সেই এক লহমার স্মৃতি সে যেন আমার মনের হাঙ্কা রেশমী রুমালে আতরের মাতাল গন্ধ ঢেলে গেছে। বতই স্মৃতি নিরে নাড়া-চাড়া করি ততই তার অঙ্গ-গন্ধ যেন ছন্দে ছন্দে গেরে উঠে—“পিন্না পিউ কাঁহা পিন্না” ?

চৈৎ। সেই পিন্না অমৃতসরে—আপনার অঞ্জে মালা হাতে নিরে—  
খড়্গ! অ্যা, বল কি—আমার অঞ্জে মালা হাতে নিরে! না, তুমি  
রহস্ত কচ্ছ বন্ধু!

চৈৎ। রহস্ত! এই দেখুন—এই দেখুন তবে পত্র—  
( জেনারেল ভেঙ্কুরার প্রবেশ )

ভেঙ্কুরা। ব্যস্—Stop there you Chait Singh !

চৈৎ। ওরে বাবা, জেনারেল ভেঙ্কুরা!

ভেঙ্কুরা। Give me the letter—দেও চিঠি হামকো দেও।

খড়্গ। আহা থামো না সাহেব,—চিরকাল বন্দুক কানান ছুঁড়ে হাতে  
শক্ত কড়া ফেলেছ ; ও নরম হাতের গোলাপী চিঠি তোমায় মানাবে  
কেন? দাও তো বন্ধু, কি লিখেছে মোহরা—

ভেঙ্কুরা। 'No, stop Chait Singh! ) Your Royal Highness,  
excuse me for my behaviour. হামি ও চিঠি দাখিল করবে  
to His Majesty মহারাজ রণজিৎসিংহ!—

খড়্গ। কি বেরসিক তুমি সাহেব,—আমার প্রিয়তার চিঠি তুমি আমার  
বাবার হাতে তুলে দেবে?

ভেঙ্কুরা। কিস্কা চিঠি—

চৈৎ। খারাপ কিছু নয় সাহেব। সুবরাজকো পিন্নারাকা চিঠি এইটা হইতা

হায় । এর মধ্যে রাজনীতিকা গন্ধ টন্ধ কিছু নেহি হায় । এতে আছে কেবল—

খজা । ভূরভূরে আতরের গন্ধ.....পিঠ বেয়ে কাঁপিয়ে পড়া লীলায়িত  
বেণীলতার গন্ধ,—দাও না বন্ধ ! )

ভেকুরা । লেকেন—নেহি যুবরাজ—ও চিঠি হাম আভি দেনে নেহি  
শেকেগা । হামারা পাত্তা মিল গিয়া—অমৃতসরসে একঠো চিঠি  
আরা । সাহেবসিংহ of Amritsar is revolting against us...  
war is imminent. অমৃতসরকা কোই চিঠি হাম নেহি ছোড়েগা !  
First of all the letter must be presented before His  
Majesty রণজিৎসিংহ ! দেও ভেইরা,—চিঠি দেও ।

চৈৎ । যুবরাজ—

ভেকুরা । চিঠি দেও—

চৈৎ । যুবরাজ—

খজা । জেনারেল ভেকুরা, ওনছ আমি যুবরাজ ।

ভেকুরা । I know that Your Royal Highness ( অভিবাদন )  
—But am duty-bound.

খজা । তবে আর কি হবে ! সাহেব যখন নাছোড়বান্দা...তখন দাও  
চিঠি ওরই হাতে !

চৈৎ । ওরই হাতে—সর্বনাশ !

খজা । (সর্বনাশটা কিসের হে ! প্রিয়ার হাতের প্রথম চিঠি ফস্কে গেল—  
তা ব'লে প্রিয়ার হাত ছুথানি তো ফস্কাল না । চল বন্ধ, চিঠি ফেলে  
আমরা চিঠির রচয়িত্রীর হাতে হাত মিলাইগে ।

চৈৎ । কিন্তু তা ব'লে—এ চিঠি—এ চিঠি সায়েবের হাতে ! ঐ বা, কি  
ভুল, কি ভুল আমার দেখ দিকিনি সায়েব ! অমৃতসরের সাহেবসিংহ

আমাদের সঙ্গে শক্রতা কচ্ছে—তাই নয় ! অমৃতসর থেকে ষত চিঠি আসবে তার সব আগে তো মহারাজকেই জমা দিতে হবে ! কি ভুল ! আমি ভাবছিলাম সুবরাজের চিঠির সম্বন্ধে বুঝি অণ্ড ব্যবস্থা ! আরে তা কি হয় ! ধর্মাবতার মহারাজ রুণজিৎসিংহের রাজ্যে মুড়ি মিছরা সব যে এক দাম । চিঠি মহারাজকেই দিতে হবে ! সুবরাজ, তুমি মনঃক্ষুণ্ণ হয়ো না । আমি মহারাজকে চিঠিখানি একবার দেখিয়ে আসছি, তুমি এগোয়—আমি চিঠি নিয়ে গেলাম আর এখনি ছুটে এলাম ব'লে !— ( প্রস্থানোত্ত )

ভেঙ্কুরা । Halt you villain ( ঝাঁকা আওয়াজ )

চৈৎ । ওরে বাবা ( পতন ও চিঠি ভেঙ্কুরার গ্রহণ )

খড়্গা । কেন পীরের কাছে মামদোবাজী করতে যাও বন্ধু ! ঝাঁকা আওয়াজেই কূপোকাৎ, ফিরিন্দীর বাচ্চা যে রক্তপাত করেনি...এই মোহরার সতীত্বের জোর ! চলে এনো—সোজা অমৃতসর—

( উভয়ের প্রস্থান । ভেঙ্কুরা প্রস্থানোত্ত—বৃদ্ধা রাজকৌড়ের প্রবেশ )

রাজ । খড়্গাসিংহ !

ভেঙ্কুরা । He is not here mother,—মায় পছান্তা Prince Kharga Singh অমৃতসরমে start কিয়া?—

রাজ । অমৃতসর ! সেখানে যাবে কেন ?

ভেঙ্কুরা । নেহি জাস্তা mother,—একঠো চিঠি আয়া অমৃতসরমে ; ও হামি আট্কায়েছে । ঐ লিয়ে Prince গোস্না হো গিয়া ( Just now he has started for Amritsar 'with that naughty Chait Singh

রাজ । চিঠি আটক করেছ ব'লে রাগ হয়েছে ? কেন ? কিসের চিঠি ? আটকালে কেন ?

ভেঙ্কুরা । Of course for political reasons. চিঠি হামি মহারাজ  
রণজিৎসিংহকো বরাবর দাখিল করিবে ।—

রাজ । তাই তো ! চিঠি আটকালে ব'লে রাগ ক'রে সোজা অমৃতসর !  
সেনাপতি, চিঠিখানি একবার আমার হাতে দেবে ?

ভেঙ্কুরা । Of course mother,—I am the servant of the king  
and you are his mother.

( ভেঙ্কুরার পত্রদান ও রাজকৌড়ের পত্রপাঠ )

রাজ । কি আশ্চর্য্য ! কি আশ্চর্য্য !

ভেঙ্কুরা । Mother.

রাজ । সাহেব, এ চিঠি খজাংসিংহ পড়েছে ?

ভেঙ্কুরা । No—

রাজ । ষাক্, তবু রক্ষা ! কিন্তু সে অমৃতসর গেল কেন তবে ?

ভেঙ্কুরা । Mother, what's the rub ! Is anything wrong ?

রাজ । জেনে রেখো সাহেব, রণজিৎসিংহের হাতে এ চিঠি প'ড়লে (বিষম  
বিপত্তি ঘটবে) খজাংসিংহের সমূহ বিপদ হবে ! এ চিঠি আপাততঃ  
আমারই কাছে থাক ! যথা সময়ে এ চিঠি আমিই মহারাজের কাছে  
পৌঁছে দেব, কিন্তু তার পূর্বে ঘুণাকরে এ চিঠির বিষয় যেন রণজিৎসিংহ  
জানতে না পারে—আমার অনুরোধ !

ভেঙ্কুরা । Mother !

রাজ । (কি সাহেব) আমার অবিশ্বাস হচ্ছে ?

ভেঙ্কুরা । নেহি Mother !

রাজ । বুঝেছি । কর্তব্যনিষ্ঠ রাজকর্মচারী কর্তব্যবিচ্যুতির আশঙ্কায়  
বিচলিত হ'য়ে উঠেছে ! ভয় নেই সাহেব ! চেয়ে দেখ আমার হাতে  
এই রাজদত্ত অঙ্গুরী । মহারাজ রণজিৎসিংহের প্রদত্ত শ্রেষ্ঠ

অনুজ্ঞালিপি—রাজমাতার আজ্ঞা মহারাজ রণজিৎসিংহেরই আজ্ঞার  
 ণায় সর্বদা সর্বতোভাবে পালনীয়।

ভেঙ্কুরা। I obey you Mother.

রাজ। কিন্তু, রণজিৎ আজ দেশের রাজা ! এ পত্র তার কাছ থেকে  
 লুকানো মানে—রাজার কাছে অবিশ্বাসিনী হওয়া। এ আমার স্বদেশ-  
 দ্রোহ ! কিন্তু তবু স্নেহ—খজাসিংহের প্রতি আমার স্নেহের আকর্ষণ,  
 না-না—খজাসিংহকে আগে বাঁচাতে হবে—সে আমার স্নেহের পুতলী।  
 প্রয়োজন হয় পরে—পরে এ অপরাধের জন্ত প্রায়শ্চিত্ত করব !

( রণজিৎসিংহের প্রবেশ )

রণ। মা, আমি অমৃতসর যাত্রা করছি।

রাজ। অমৃতসর ! কেন ?

রণ। অমৃতসরের সাহেবসিংহ ও কাণসিংহ আমার বিরুদ্ধে দণ্ডায়মান !  
 একচ্ছত্র শিখ সাম্রাজ্য প্রতিষ্ঠার জন্ত তাদের দমন আজ প্রয়োজন !  
 জেনারেল ভেঙ্কুরা—

ভেঙ্কুরা। Your Majesty.

রণ। তোমার গোলন্দাজ সৈন্যগণ প্রস্তুত ?

ভেঙ্কুরা। Yes, Your Majesty.

রণ। তাদের বাহুবলে আমি নির্ভর করতে পারি ?

ভেঙ্কুরা। Certainly, Your Majesty. General এলার্ড, কর্নেল  
 কোট, কর্নেল এভিটেভাইল, গার্ডনার and myself—these five  
 European Commanders are serving under you. We  
 have trained up your Sikh soldiers in European  
 model. We are sure that to-day the Sikh has the  
 making of the finest soldiers of the world.

রণ। আচ্ছা, যুদ্ধক্ষেত্রেই প্রমাণ হবে তোমার উক্তির সত্যতা। যাও  
সাহেব, সুসজ্জিত করো তোমার সেনাবাহিনী! অভিযান করব  
আমরা কালই প্রত্যুষে অমৃতসর পানে! ( ভেঙ্কুরার প্রস্থান )

রাজ। রণজিৎ!

রণ। মা!—

রাজ। ~~তোমার~~ সময় তোমার কাছে আমার এক প্রশ্ন আছে।

রণ। কি প্রশ্ন মা?

রাজ। তোমার কাছে কে বড়? তোমার জননী, না তোমার জন্মভূমি?

রণ। কেন মা,—আবাল্য শুনেছি মহামন্ত্র—“জননী জন্মভূমিষ্ট স্বর্গাদপি  
গরীয়সী!” স্বর্গের চেয়েও শ্রেষ্ঠ ভূমি জননী,—স্বর্গের চেয়েও শ্রেষ্ঠ  
এই জন্মভূমি।

রাজ। তবু জানতে চাই আমি...এই দুই শ্রেষ্ঠজনার মধ্যে শ্রেষ্ঠতরা কে?  
তোমার জননী? না তোমার জন্মভূমি?

রণ। এ বড় কঠিন প্রশ্ন মা! জননী ও জন্মভূমির মূর্তি আমিতো কখনও  
ভিন্ন করে দেখিনি,—দুই জনাই যে আমার কাছে সমান পবিত্র।

রাজ। না বৎস, এ মহা মুহূর্তে, আমি তোমার নূতন মন্ত্র শেখাব। সে  
মন্ত্র হচ্ছে...জন্মভূমি জননীর চেয়েও গরীয়সী!

রণ। জননীর চেয়ে গরীয়সী—জন্মভূমি!

রাজ। জননী সম্মানকে ধারণ করেন...আর জন্মভূমি ধারণ করেন  
জননীকে। সহস্র পুত্রবতী জননীর সম্মিলিত মূর্তি এই তোমার  
চিরপবিত্র জন্মভূমি। তাই শপথ কর পুত্র, আজ হতে এই জন্মভূমিকেই  
ভূমি তোমার জীবনের শ্রেষ্ঠতম আরাধ্যা বলে গ্রহণ করবে।

রণ। তাই হবে মা। জন্মভূমিকেই আমার জীবনের শ্রেষ্ঠতম আরাধ্যা  
বলে বন্দনা করব!

রাজ। আরও শপথ কর পুত্র,—লক্ষ কোটি জননীরূপা এই জন্মভূমির  
সেবার...এই চির আরাধ্যা জন্মভূমির স্বার্থরক্ষার জন্ত যদি প্রয়োজন  
হয় কোন এক জননীকেও বলিদান দিতে তুমি দ্বিধা করবে না?

রণ। জননীকে বলিদান! মা—মা—

রাজ। এক জননীর স্বার্থ বড়—না লক্ষ কোটি জননীর স্বার্থ বড়!

রণ। বুঝেছি মা! প্রতিজ্ঞা করছি তোমার চরণ স্পর্শ করে—লক্ষ কোটি  
জননীরূপা জন্মভূমির স্বার্থরক্ষার জন্ত যদি প্রয়োজন হয় তবে আমি  
কোন এক জননীকেও বলি দিতে কুণ্ঠিত হব না!

### তৃতীয় দৃশ্য

অমৃতসরে মোহরা বাঈজীর গৃহ  
কাণসিংহ, সাহেবসিংহ ও গোলাপসিংহ  
নর্তকীদের নৃত্য-গীত

মোর মালঞ্চ মৌবনে  
গৌবন বিলাসী এলে কি ফুল মালী!  
ফুল পুঞ্জ ভরে লহ ডালি।  
কুঞ্জে কুঞ্জে গাহে-পাপিয়া

গুঞ্জরে চপল জমর।

চৈতালী চাদ হাসে মিঠে হাসি

মধুচোরা হ'ল মনচোর।

মন দেয়া নেয়া খেলা

চলে হেথা সারা বেলা

খেলা ছলে দিই কুমুম ধনুর

বাণে আগুন জ্বালি!!



কাণসিংহ । অশ্লীল—অশ্লীল ! বেরোও—বেরোও—বেরোও বলছি ।  
সাহেব । এঃ, ওদের তাড়িয়ে দিলে কাণসিংহ ! এদিকে যে যুবরাজের  
অভ্যর্থনার সময় হল !

কাণসিংহ । কোথায় যুবরাজ ? ডাকো না তাকে !

সাহেব । ডাকব কি হে ! যুবরাজ খজ্রসিংহ কি আমাদের হুকুমের  
তাঁবেদার ! সে নিজে যদি আসে তবেই তো ! গোলাপসিংহ,  
তুমি স্বয়ং যুবরাজের সাক্ষাৎ পেয়েছিলে ?

গোলাপ । যুবরাজ নিজে দরবারে হাজির ছিলেন না । দরবারে তাঁকে  
না পেয়ে ফিরে আসছিলাম, এই সময় যুবরাজের পরম স্নহদ  
চৈৎসিংহের সঙ্গে দেখা । চিঠি তাঁকেই দিয়েছি !

সাহেব । আর কেউ দেখেনি তো চিঠি দিতে ?

গোলাপ । না, কেবল রণজিতের ফিরিঙ্গী সেনাপতি কর্নেল ভেঙ্কুরাকে  
একটু পরে সেইখানে দেখেছিলাম মনে হয় । কিন্তু সে নিশ্চয়ই কোন  
সন্দেহের অবকাশ পায়নি । আর সন্দেহ করলেও সূচতুর চৈৎসিংহের  
নিকট হ'তে পত্রের বিষয় কিছু জানতে পারবে না—এ বিষয়ে  
আমি নিশ্চিত ।

সাহেব । তা যদি হয়—সত্যই যদি সে পত্র যুবরাজের হাতে পৌঁছে  
থাকে, তবে যুবরাজ আসতে এত বিলম্ব করছে কেন ?

কাণসিংহ । বললুম তোমায় তখনই কত ক'রে—চিঠিতে বাঈজীর ফাইজীর  
লোভ দেখিও না । ওই বাইজীর নাম জড়িয়েই অশ্লীলতার জট  
পাকিয়েছ । সে ছোড়া আসবে কি ? লাহোরে বিছানায় প'ড়ে  
হয় তো সেই অশ্লীল চিঠিখানা শুঁকছে... আর রোদে পোড়া শালিক  
ছানার মত কেবলই শুঁকছে !

সাহেব । না বন্ধু ! শুনেছি মোহরা বাঈজীর ওপর তার অনেকখানি

দৌর্ভাগ্য ! সে যদি অমৃতসরে আসে—তা হ'লে নিশ্চয় জেনো, ওই মোহরার নামের মোহই তাকে টেনে নিয়ে আসবে । আমি সব দিক না ভেবে এই ঐশ্বর্যময়ী চতুরা বাঈজীকে আমাদের দলভুক্ত করি নি ! কাণসিংহ । কোন দিকটা ভেবেছ শুনি ?

সাহেব । বাঈজীর মনে দেশব্যাপী প্রভাব প্রতিপত্তি লাভের দুর্বীর আকাঙ্ক্ষা । সে হরতো ভবিষ্যতে সুলতানা রিজিয়া বা নুরজাঁহা বেগম হবার স্বপ্নও দেগে । সন্ধানী-দৃষ্টি দিয়ে আমি তার সেই দুর্বলতাটুকু ধরে ফেলেছি । সম্মুখযুদ্ধে যদি রণজিৎসিংহকে বিদলিত করতে না পারি—তবে দ্বিতীয় ও অব্যর্থ অস্ত্র আমাদের ঐ অগাধ ঐশ্বর্যের অধিকারিণী বাঈজী । ওর অর্থের লোভে আকৃষ্ট করব আমরা দেশের বিশ্বাসঘাতকদের এবং রূপের লোভে যুবরাজ খড়্গসিংহকে ।

( দূতের প্রবেশ )

দূত । নাহোরের যুবরাজ খড়্গসিংহ সদর ফটকে ।

সাহেব । আ, এসেছে ! অভ্যর্থনা কর—গোলাপসিংহ, যুবরাজকে অভ্যর্থনা কর । কৈ ছায় ? সরাব—নাচওয়ালী—

কাণসিংহ । আহা-হা—ও-সব কেন ! ও-সব কেন !—

( নর্তকীদের নৃত্য করিতে করিতে প্রবেশ )

এ তে অশ্লীল—আবাব অশ্লীল ( নর্তকীরা সরাব লইয়া আগাইয়া আসিল ) সাহেব । একটু ধৈর্য ধর বন্ধু । যুবরাজকে ভুলিয়ে কাজ হাঁসিল করতে পারলেই এদের বিদেয় দেব । একটু সবুর কর মেওয়া ফলবে একুনি ।

( চৈৎসিংহ ও খড়্গসিংহের প্রবেশ )

খড়্গ । শুধু মেওয়ায় হবে না সুন্দরী ! আমি চাই—( সাহেবসিংহ ও কাণসিংহ অভিবাদন করিল )—একি, এরা কারা !

কাণসিংহ । ওই যে শুনলেন...মেওয়া ! আমরা এ ছুটি শুকনো মেওয়া,

আর ওই আছে একরাশ রঙীন এবং অশ্লীল মেওয়া :

সাহেব । দেখছ কি ? স্কুতিমে নাচ লাগাও—গানা লাগাও ।

খড়া । দাঁড়াও—দাঁড়াও বন্ধু ! সুন্দরীগণ, খানিকক্ষণ বাইরে অপেক্ষা কর । ( নর্তকীদের প্রস্থান ) । ব্যাপারটা আগে একটু বুঝে নিই ।

আমার সম্মুখস্থ এই শুকনো মেওয়া ছটীর পরিচয় ?

চৈৎ । ইনি নুকিয়া মিছিলের সর্দার কাণসিংহ বাহাদুর ।

কাণসিংহ । এবং শ্লীলতার একজন বিশিষ্ট পৃষ্ঠপোষক !

খড়া । তা ভুঁড়ির বহর আর কথাবার্তার ধরণ দেখে অনেকটা অনুমান করেছি বটে ! আর ইনি ?—

চৈৎ । ইনি ভান্সী মিছিলের নেতা সাহেবসিংহ বাহাদুর !

খড়া । শুনেছি এরা উভয়েই আমার পিতার শত্রু !

চৈৎ । কিন্তু আপনার পরম হিতাকাঙ্ক্ষী—

খড়া । হঁ ! এঁদের কাছে আমার নিরে আসবার হেতু ?

সাহেব । সেকি !—আপনি কি তাহ'লে আমাদের পত্র পান নি যুবরাজ ?

খড়া । আপনাদের পত্র ! না মোহরা বাঈজীর !—চৈৎসিংহ !

চৈৎ । ঐ হ'ল—এঁরা লেখাও যা—মোহরা লেখাও সেই কথা ।

খড়া । তাই নাকি ! এঁরা বুঝি উভয়েই তাহ'লে মোহরা বাঈজীর মাইনেকরা কেরণী অথবা আম-মোক্তার ! শুন্তে বড় কোতুহল হচ্ছে, বাঈজীর নিকট হ'তে মাইনে কি প্রকারে আদায় হয় কাণসিংহ বাহাদুর ? তক্ষা মেলে অথবা মাসকাবারে মিষ্টি ঠোঁটের একরত্তি অনুকম্পার হাসি ?

কাণসিংহ । এঃ, অশ্লীল—অশ্লীল !

খড়া । ইস, ঠোঁট ঝাঁকিয়ে পালাচ্ছেন যে বড় ! ঠোঁট বুঝি পাথুরে চুণে পুড়ে গেল ; অ্যা ? হাঃ হাঃ হাঃ—

সাহেব। শুনুন সুবরাজ, আপনার কথা শুনে ঠিক বুঝে উঠতে পারছি না—আপনি আমাদের পত্র আছোপান্ত পাঠ করেছেন কিনা! যাই হোক, তারই পুনরাবৃত্তি করছি—মোহরা বাঈজীকে আপনি পাবেন, যদি আমাদের প্রস্তাবে আপনি স্বীকৃত থাকেন।

খজা। কি সে প্রস্তাব?

সাহেব। সে প্রস্তাব—আপনি পত্রে পাঠ করেন নি?

খজা। পত্রই পাঠ করিনি মোটে।

সাহেব। সে কি!

খজা। শুধু পত্রের গন্ধ-মধুর আমেজটুকু হাতে নিয়ে অনুভব করেছি—

কাগসিংহ। কেমন কিনা, বলিনি? অশ্লীলতার জট পাকিয়েছে!

‘বিছানায় প’ড়ে গন্ধই শুঁকেছে শুধু।’

সাহেব। সে পত্র কোথায়?

খজা। গোয়ার ফিরিস্তী ভেঙুরা সাহেব কেড়ে নিলে গোয়ারতুমি ক’রে।

কত বললুম, প্রিয়ার চিঠি—তা বেরসিক ফিরিস্তী শুনলেই না। নিয়ে গেল চিঠি মহারাজের কাছে।

সাহেব। সেকি! তারপর!

খজা। তারপর সোজা চ’লে এলেন অমৃতসরে—মোহরার মিষ্টিমুখে তার চিঠির আখ্যানভাগ শুনতে। কিন্তু কোথায় মোহরা! পরিবর্তে এলেন শ্লীলতার ধ্বজা কাগসিংহ বাহাদুর—আর কট মট রাজনীতি ভজা সাহেবসিংহ বাহাদুর! চাইলাম দেখতে গোলাপী গাল, পরিবর্তে এল দুজোড়া ইয়া গোল গাল-পাট্টা! চল চৈৎসিংহ, এর চেয়ে আমরা লাহোরেই ফিরে যাই।

সাহেব। দাঁড়াও সুবরাজ, আমাদের বক্তব্য তো তোমাকে এখনও বলা হয় নি।

খড়গ। থাক, আমিও তো আপনাদের হেঁড়ে গলার কথা শুনতে  
অমৃতসরে আসিনি !

সাহেব। তবু তোমার) শুনতে হবে।

খড়গ। বটে ! হুকুম নাকি ! গলার আওয়াজ আর একটু মিচি হ'লে  
ও বায়না চলতো বন্ধ ! চড়া সুরে আমার বীণা বাজে না।

( প্রস্থানোত্ত )

সাহেব। দাঁড়াও যুবরাজ ।

খড়গ। চৈৎসিংহ, চোখ দুটো লাল যেন হচ্ছে না ? সর্দারজিকে বল—  
রাঙা চোখের শাসন মানি আমি তখনই... যখন সে চোখের অধিকারিনী  
হয়, সুন্দরী তরুণী, আর সেই চোখ রাঙা হয় যখন অনুরাগে। ও  
চোখরাঙানী তুলে রাখুন গুঁর মাইনে-করা সেপাই শাস্ত্রীদের অগ্রে।  
যুবরাজ খড়গসিংহকে ও দেখিয়ে ফল হবে না।

চৈৎ। ( সাহেবসিংহের কানে কানে কথা বলিয়া ) চ'লে যাবেন না  
যুবরাজ ! দাঁড়ান—দাঁড়ান ( পুনঃ ইঙ্গিত )।

খড়গ। কেন বন্ধ !

চৈৎ। সর্দার সাহেবসিংহ আপনার স্বভাব না জেনে অপরাধ করেছেন।  
উনি অনুতপ্ত ! দয়া ক'রে গুঁর অনুরোধ যদি শোনেন—

সাহেব। যদি শোনেন যুবরাজ, আপনার সব আকাজকা আমরা মিটিয়ে  
দেব। আপনার সকল দাবী আমরা—

খড়গ। দাবী ! অমৃতসরে এসেছিলাম অমৃতের সন্ধানে—পারো মেটাতে  
তার দাবী ?

সাহেব। অমৃত ! এই যে প্রচুর পরিমাণে সঞ্চিত আছে। গ্রহণ  
করুন। ( মগ্ধমান )

খড়গ। ( পান করিয়া ) উহ, এ তো মিঠে সরবৎ ! এ তো অমৃত নয়।

অমৃতসরেব অমৃত কোণাস—অমৃত কোণাস! দিতে পার এই তৃষাতুর  
 বুকে সেই অমৃতের প্রলেপ! পার দিতে সেই অমৃতময়ীর চন্দন স্পর্শ!  
 সাহেব। বাঈজী মোহরা—বাঈজী মোহরা!  
 গজগ। বাঈজী মোহরা—বাঈজী মোহরা!  
 কাণসিংহ। অশ্লীল! অশ্লীল! আমি পাশের ঘরে বাই। (প্রস্থান)

(মোহরার নৃত্যছন্দে প্রবেশ ও নৃত্য। নৃত্য শেষে খজগসিংহ  
 মোহরার হাত ধরিয়া প্রস্থানোত্ত )

সাহেব। শোন যুবরাজ, এইবার শোন।  
 গজগ। আর কি শুনব, যা শোনবার সে শুনেছি। আমার যা পাবার—  
 সেতো আমি পেয়েছি। (উভয়ের প্রস্থান)

সাহেব। যুবরাজ! যুবরাজ!  
 চৈৎ। থাক, ডাকবেন না এখন। কালসাপের বাচ্চা, খেলিয়ে তুলবেন  
 পরে; এখন যেতে দিন না। আগে অমৃতসর রক্ষার উপায় ভাবুন।  
 চিঠি যদি রগজিৎসিংহের হাতে পড়ে থাকে?

সাহেব। তবে বিপদের আশঙ্কা আছে সত্য। বাই হোক, আমি  
 আমার সেনাদলকে নগর-রক্ষার জ্ঞান প্রস্তুত হ'তে আদেশ করি।  
 (নেপথ্যে বন্দুকের আওয়াজ)

সাহেব। ওকি! কিমের আওয়াজ!  
 (কাণসিংহের প্রবেশ)

কাণসিংহ। অশ্লীলতার জট চারিদিকেই ছড়িয়ে পড়ল। কতবার  
 নিষেধ করলুম মোহরার নাম দিয়ে চিঠি দিও না—ও তো অমঙ্গল  
 হবেই। এখন? বলি, এখন তাল সামলাবে কে?

সাহেব। কেন, কি হয়েছে?

কাণসিংহ। ঐ শুনে না বন্দুকের আওয়াজ! রগজিৎসিংহের সেই

ফিরিঙ্গী সেনাপতিটা লাল ফৌজ নিয়ে অমৃতসর আক্রমণ করেছে।  
সাহেব। অ্যা! এমন অতর্কিতে! এর জন্তে তো প্রস্তুত ছিলাম না!  
এ তো কল্পনাও করিনি! চল—চল কাগসিংহ, আমরা সৈন্তসজ্জা  
করি, সৈন্তসজ্জা করি।

( প্রহরীর প্রবেশ )

দূত। হজুর, শত্রুর ফৌজ নগর-পথ অতিক্রম ক'রে এই মহলের দিকে  
ছুটে আসছে।

সাহেব। আর কাল বিলম্ব নয় কাগসিংহ, এসো—

কাগসিংহ। চল—চল— ( প্রস্থান )

চৈৎ। তাইতো! ব্যাপারটা যে বড় সঙ্গীন হ'য়ে দাড়াল! ভেঙ্কুরা হঠাৎ  
সেপাই শাস্ত্রী নিয়ে অমৃতসর আক্রমণ করলো; তা আক্রমণ করবি  
তো কর—সোজা এই মহলের দিকে কেন? আমরা এখানে আছি  
খবর পেল নাকি? যুবরাজকে নিয়ে শেবে এই বাঘের খপ্পরে  
পড়লুম! যাই, পৈতৃক প্রাণ নিয়ে এই বেলা পিছে লম্বা দেওয়ার  
পথ দেখি—

( প্রস্থানোত্তর ও রাজকোড়ের প্রবেশ )

রাজ। চৈৎসিংহ!

চৈৎ। কে! একি! যারি রাজকোড়! আপনি হঠাৎ এখানে?

রাজ। খজ্জাসিংহ কোথায়?

চৈৎ। যুবরাজ খজ্জাসিংহ! সে তো আমি জানি না যারি! আপনি এ  
শত্রুর মহলে কেন এলেন?

রাজ। এ আমার শত্রুর মহল নয়! শত্রু আমার মহলে!

চৈৎ। যারি!

রাজ। সত্য বল—খজ্জাসিংহকে কোথায় লুকিয়ে রেখেছ।

চৈৎ । হুলাপ ক'রে বলছি, আমি তাঁর কথা—

রাজ । সেনারেল ভেঙ্কুরা মহল আক্রমণ করেছে, তাঁর সৈন্যদল পুরী প্রবেশ করেছে—তাদেরই সঙ্গে আমি এখানে এসেছি । মুহূর্ত্ত বিলম্ব করলে ক্ষিপ্ত সেনাদল এখানে পৌঁছে তোমায় গ্রেপ্তার করবে ।

চৈৎ । আমার রক্ষা কর মাগি, আমার রক্ষা কর ।

রাজ । বাঁচতে চাও তো এখনো বল মুখ, খড়্গসিংহ কোথায় ?

চৈৎ । এই দক্ষিণ দিকের ফটক দিয়ে গেছেন—

রাজ । শীঘ্র যাও, তাকে অনুসরণ কর—তার পার্শ্ব রক্ষা কর ।

[ চৈৎসিংহের প্রস্থান

( ভেঙ্কুরার প্রবেশ )

ভেঙ্কুরা । কোন্ ভাগতা, এই—

রাজ । দাঁড়াও ভেঙ্কুরা ।

ভেঙ্কুরা । কোন্ ! মাগি !

রাজ । ভেঙ্কুরা ! দক্ষিণ ফটক হ'তে তোমার সেনাদলকে অপসৃত হ'তে আদেশ কর ।

ভেঙ্কুরা । নেহি মাগি, ও হামি কচ্চি নেহি শেকেগা । ছুসমণ ভাগিয়া বাইবে ! No, No, হামি সব ফটক একদম bombard করিয়া দিবে ।

রাজ । না, দক্ষিণ দিকে গুলি চালিও না ; সৈন্যদের সরিয়ে আনো ।

ভেঙ্কুরা । Please, don't interfere mother ! I can't obey this order.

রাজ । শুনবে না কথা—

ভেঙ্কুরা । দেখো মাগি,—মহারাজকে ছুসমণ ভাগিয়া বাইবে । হামলোগকা সব tactics বিলকুল নষ্ট হইয়া বাইবে । I am the servant of the king. হামলোক মহারাজকে নিমক খায়া ! I can't do it.



রাজ। তুমি মহারাজের নোকর—আর আমি মহারাজের মা ! মহারাজের

কিসে হিত, কিসে অহিত—সেকি আমি জানি না বলতে চাও ?

ভেঙ্কুরা। Mother !

রাজ। সর্বনাশ হবে—দক্ষিণ অংশে গুলি চালালে রঞ্জিতের সর্বনাশ

হবে—তোমার মহারাজ সর্বহারা হবে ! সাহেব, আমার অনুরোধ—

ভেঙ্কুরা। Mother, please—the enemy has not yet surrendered—সব ষারগা ! হামি ফটক ছোড়তে পারিবে না ।

রাজ। নেহি ছোড়েগা ! অয় ফিরিঙ্গী, মহারাজ রঞ্জিতসিংহকী আন্মা,

মায়ি রাজকৌড় তুবে হুকুম দেতি হায় । সারি পঞ্জাবমে কিস্কা এতনা

তাগদ্ হায় ষো ইয়ে বুড্ টি সিঙ্গিনীকো হুকুম নেহি তামিল করে গা !

ভেঙ্কুরা। Mother, Mother, I obey ( বংশীধ্বনি ), General Venchura can face millions of lions; but he is helpless as a child before the lioness of the Punjab.

রাজ। ওই ফটক হ'তে সৈন্যদল সরে গেল । এইবার ওরা পথ মুক্ত

পাবে । আমার বংশ-প্রদীপ অকালে নির্বাণ হবে না ! ওয়া

গুরুজিকী ফতে ! ওয়া গুরুজিকী ফতে !

ভেঙ্কুরা। Mother, what makes you tremble ?

রাজ। কাঁপছি—বুঝি আনন্দে, আমার বংশরক্ষার আনন্দে । না না, আমি

বিশ্বাস ভেঙ্গেছি—রাজার বিশ্বাস ভেঙ্গেছি—দেশের সর্বনাশ করেছি।

( রঞ্জিতসিংহের প্রবেশ )

রঞ্জিত। কোথায় সেই দেশদ্রোহী, যে আজ এত বড় বিশ্বাস-ঘাতকের

কাজ করল ? এই যে ভেঙ্কুরা ! বিশ্বাস ঘাতক !

ভেঙ্কুরা। What Your Majesty ! বিশ্বাস-ঘাতক !

রঞ্জিত। ফৌজ দক্ষিণদ্বার হ'তে সরিয়ে এনে তুমি শত্রুদের পলায়নের পথ

পরিষ্কার ক'রে দিবেছ। অপরাধী, প্রস্তুত হও! বিশ্বাস-ঘাতকের  
কঠোর শাস্তি!—

রাজ। বিশ্বাস-ঘাতককে শাস্তি দেবে রণজিৎসিংহ! কি শাস্তি?

রণ। শাস্তি—মৃত্যুদণ্ড!

রাজ। মৃত্যুদণ্ড! তবে সে শাস্তি প্রাপ্য আমার।

রণ। যা!

রাজ। রাজমাতার আদেশে—ওধু রাজমাতার আদেশে, তোমার  
কর্তব্যনিষ্ঠ সেনাপতি দক্ষিণবার মুক্ত করেছে। সে বিশ্বাস-ঘাতক  
নয়—বিশ্বাসহন্ত্রী তোমার মা! দাও—মৃত্যুদণ্ড দাও রাজা।

রণ। মা! মা! তোমার মৃত্যুদণ্ড! কেন এ কাজ করলে মা!

রাজ। যখন ভেঙ্কুরাকে শাস্তি দিতে উত্তত হয়েছিলে তখন তো প্রশ্ন  
করনি তাকে—কেন একাজ করলে ভেঙ্কুরা? মা ব'লে বুঝি আমার  
বিচার হবে অগ্ররূপ! রণজিৎ, এই গুণনিষ্ঠা নিয়ে তুমি দেশের  
শাসনদণ্ড ধরেছ! দণ্ড দাও, বিশ্বাসহন্ত্রীকে মৃত্যুদণ্ড দাও!

রণ। মৃত্যুদণ্ড—মৃত্যুদণ্ড! হ্যাঁ, আমি রাজা, দেশের গুণনিষ্ঠ রাজা—  
বিদেশী ভেঙ্কুরাকে যেমন ক'রে বধ করতে উত্তত হয়েছিলাম—ঠিক  
তেমনি ক'রে তোমাকেও—না—না, পারবো না, আমি পারবো না!  
সহস্র অপরাধে অপরাধিনী হ'লেও তবু যে তুমি আমার মা, তুমি  
আমার জননী!

রাজ। জননীর চেয়েও জন্মভূমি শ্রেষ্ঠ রণজিৎ। স্মরণ কর সেই তোমার  
প্রতিজ্ঞা আমার পাদস্পর্শ ক'রে। মনে রেখো, তোমার জননীর  
স্বার্থে জন্মভূমির স্বার্থে আজ সংঘাত বেধেছে! জননী তোমার  
জন্মভূমির কাছে বিশ্বাসহন্ত্রী হয়েছে। রাজা, মহারাজা রণজিৎ,  
দেশবৎসল রণজিৎ, শিখ জাতির ভবিষ্যৎ আশা তুমি রণজিৎ!

জীবনের কঠোরতম পরীক্ষায় উত্তীর্ণ হও। দেশ-জননী পূজা মন্দিরে তোমার জননীকে বলিদান কর। ৩।

রগ। জননীকে বলিদান করব! মা জন্মভূমি, একি মহার্ঘ মূল্য চাস তুই আজ আমার যাত্রা-পথের প্রথম অর্ঘ্যরূপে! জননীকে বলিদান, জননীর মূল্যে জন্মভূমির অর্চনা!

রাজ। রগজিৎ! রগজিৎ!

রগ। তাই হবে মা। তোমার মস্তে উদ্ভূত রণাজৎ তোমার শাস্তিদান করবে। পুত্র হ'য়ে মাতৃহত্যা সাধন করতে পারব না—মাতৃরক্তে হস্ত কলঙ্কিত করতে পারব না। তোমার শাস্তি কারাবাস—লাহোরের কারাবাস।

ভেঞ্ঝুরা। রাজা—রাজা—

রগ। চুপ, কথা করো না ভেঞ্ঝুরা,—রাজাকে রাজার মত বিচার করতে দাও। যাও—মাকে আমার লাহোরের কারাগারে নিয়ে যাও। দেশ-জননী আমার সর্বাস্ত্রে লৌহ-শৃঙ্খল জর্জরিতা! গর্ভধারিণী জননী আমার আজ সে শৃঙ্খল নিজের দেহে বরণ ক'রে নিয়ে কারা-মন্দিরে চললেন। মা, মা,—শৃঙ্খলিতা দেশে জননীর পরাধীনতার প্রতীকরূপে তুমি থাকো শৃঙ্খলিতা হ'য়ে। তোমার ঐ বন্দিনী মূর্তি রাত্রিদিন শয়নে স্বপনে আমার স্বরণ করিয়ে দেবে—“ওরে হতভাগ্য রগজিৎসিংহ, জন্মভূমি তোর পর-পদানতা!” যে শুভদিনে সমগ্র শিখ জনপদকে আমি পরাধীনতা হ'তে মুক্ত করতে পারবো—লাহোর হ'তে সূদূর পেশোয়ার পর্যন্ত স্বাধীন শিখ রাজ্য স্থাপন করতে পারবো—সেইদিন, সেই পরম লগ্নে শৃঙ্খলিতা দেশমাতৃকার লগ্নে স্বহস্তে মুক্ত করব তোমার স্বেচ্ছাকৃত এই শৃঙ্খল! প্রতিষ্ঠিত করব তোমায় কোটা কঠোর বন্দনা মুখরিত রক্ত সিংহাসনে।

## দ্বিতীয় অঙ্ক

### প্রথম দৃশ্য

#### লুথিয়ানার প'ড়ো বাড়ী

( সাহেবসিংহ ও কাগসিংহ ভোজনরত )

সাহেব । খবর শুনলে কাগসিংহ ! ফৈজুলপুরীয়া মিছিলের নেতা  
বুধসিংহ রণজিতের কাছে পরাজিত হ'ল !

কাগ । হুম্—

সাহেব । পাঞ্জাবের আজ বহু স্থানে রণজিতের একচ্ছত্র আধিপত্য !  
তার নূতন উপাধি হ'য়েছে পাঞ্জাব-কেশরী রণজিৎ !

কাগ । হুম্—

সাহেব । মাস্কোর নবাব হাফিজ মহম্মদ খানের বারটী দুর্গ শুনছি  
রণজিতের অধিকারে এসেছে—এ খবরও শুনেছ ?

কাগ । হুম্—

সাহেব । তার পর মুলতান । হ্যাঁ, অদ্ভুত বীরত্ব দেখালে বটে মুজফর  
খাঁ ! রণজিৎ কি পারত কখনও মুলতান দুর্গ জয় করতে ?

কাগ । হুম্—

সাহেব । কি, পারত ? কখ'নো না !

কাগ । হুম্—

সাহেব । কি ক'রে ?

কাগ । ওঃ—উহ্—

সাহেব । আমার অমৃতসর লুট ক'রে নেওয়া জম্জমা কামান ছিল ব'লে  
রক্ষা ! রণজিতের সেনাপতি ফুলাসিংহ আকালী সেই কামানের

সাহায্যেই দুর্গ প্রাকার ভেঙ্গে দিয়ে মুলতান অধিকার ক'রেছে।  
পাঁচ পুত্র সহ বীর মুজফর খাঁ যুদ্ধক্ষেত্রে নিহত। রণজিতের এ  
বিজয়-গৌরব—রণজিতের এ দেশব্যাপী আধিপত্য আর আমরা কত  
দিন সহ্য করব কাণসিংহ !

কাণ। সহ্য করতেই হবে।

সাহেব। কেন সহ্য করতেই হবে ?

কাণ। অবিশিষ্ট আর বেশীক্ষণ সহ্য করব না। সহ্য করব শুধু ততক্ষণ—

সাহেব। কতক্ষণ ?

কাণ। যতক্ষণ পর্যন্ত আমার চাপাটা খাওয়া শেষ না হয় !

সাহেব। কাণসিংহ বিক্রম করছ ?

কাণ। ছিঃ, উদর নিয়ে কি বিক্রম চলে বন্ধু ? একবার তোমার কথায়  
গোঁয়ারতুমি করে পেটভর্তি খাবার ব্যবস্থা না রেখেই রণজিতের  
বিক্রমে দাঁড়ালাম, ফলে দল ভাঙ্গল, অমৃতসর গেল—জম্জমা কামান  
গেল—শেষ পর্যন্ত অশ্লীলতাময়ী মোহরা বার্জীদার দয়ার দান  
গোস্বরুটীতে উদরপূতি করতে হচ্ছে ! এখন কি আর সামনের  
খাবার ফেলে রেখে বোকার মত রাজনীতি চর্চা করি ! ( ঢেকুর )  
ওঃ—খুব খেয়েছি।

সাহেব। ( নিজের খালার দিকে নজর করিয়া দেখিল খালা শূন্য )

একি, আমার আহাৰ্য্য কি হ'ল ?

কাণ। আহাৰ্য্য আবার কি হবে ! আহাৰ্য্য আহার করাই হ'ল।

সাহেব। কে আহার করলে ?

কাণ। যার উদরে পর্যাপ্ত অনল, আহার করার মত পরিপাটি দস্ত এবং  
আহাৰ্য্য বস্তু সন্ধান করার মত তীক্ষ্ণদৃষ্টি আছে—সেই আহার করল।

সাহেব। তার মানে তুমি বলতে চাও আমি দৃষ্টিশক্তিহীন !

কাণ। তাতে বিশেষ সন্দেহ কি ?

সাহেব। কাণসিংহ, তোমার উপহাসের মাত্রা সীমা ছাড়িয়ে  
যাচ্ছে।

কাণ। তার কারণ তোমার নির্বুদ্ধিতাকেও সীমার নাগালে পাওয়া  
যাচ্ছে না।

সাহেব। কি, আমি নির্বোধ! কাণসিংহ!—কাণসিংহ! দেখছ কৃপাণ।

কাণ। সাহেবসিংহ, কৃপাণ আমারও আছে। বার ক'লে রক্তারক্তি  
হবে।

( চৈৎসিংহের প্রবেশ )

চৈৎ। সর্দার সাহেবসিংহ! একি, কি ব্যাপার ?

কাণ। উনি খাবার থালা সামনে নিয়ে রগজিৎসিংহকে হুমকি দিচ্ছিলেন,  
সেই ফাঁকে ইঁদুরে ঔঁর রুটী চুরি ক'রে খেয়ে গেছে এবং তার ফল-  
স্বরূপ নিরপেক্ষ রুটীখাদক আমার ঘাড়ের ওপর বন্ধু সাহেবসিংহ  
কৃপাণ তুলেছেন।

সাহেব। বন্ধু, আমি সহসা উত্তেজিত হ'য়ে জ্ঞান হারিয়েছিলাম—  
আমায় মার্জনা কর।

কাণ। তোমায় মার্জনা করবার আগে বরং এই ঘরখানাকে মার্জনা  
ক'রে ইঁদুরগুলোকে বধ করে আসি।

সাহেব। আহা থাক—থাকনা ইঁদুরে, কি হ'য়েছে তাতে !

কাণ। ঠিক, ঠিক! আমি তোমার জাত ভাই পাঞ্জাবী শিখ—আমি  
তোমার রুটী খেলে তোমার বরং আমায় বধ করা সম্ভব হ'ত ; কিন্তু  
ইঁদুর ত আর জাত ভাই পাঞ্জাবী শিখ নয়, সে হ'ল আলাদা জীব।  
সে আমাদের খাবার লুট ক'রলে আমরা চটব কেন ? নিজের লোকে  
না খেলেই হ'ল।

চৈৎ । লুধিয়ানার এই প'ড়ো বাড়ীতে ব'সে ও সব সামান্য ব্যাপার নিয়ে ঝগড়া-ঝাটী ক'রে লাভ নেই । এদিককার সংবাদ বলুন ।

সাহেব । নতুন খবর নেই । সুবরাজ খড়্গসিংহ বাইজী মোহরার প্রেমে মাতোয়ালী । প্রস্তাবটী বাইজী এখনও উত্থাপন করেনি । আজ আমাদের এখানে সুবরাজকে নিয়ে আসবার কথা—আমাদের উপস্থিতিতে কথা পাড়বে ব'লেছে ।

চৈৎ । এখনও কথা পাড়ে নি ! কিন্তু ওদিকে যে ব্যাপার দিন দিন সঙ্গীন হ'য়ে দাঁড়াচ্ছে ।

সাহেব । কি খবর ?

চৈৎ । লাহোরে গিয়ে দেখে এলাম, রগজিৎতের দেশব্যাপী অথও প্রতিপত্তি । সূর্যের তাপে বরফের চাকার মত শিখ মিছিলগুলো ভেঙ্গে গলে এক হয়ে গিয়েছে । সবার নেতা আজ রগজিৎ । পাঞ্জাব হ'তে ওদিকে মুলতান—এবার নাকি কাশ্মীরে বিজয় অভিযান !

সাহেব । কাশ্মীর জয়ের দুরাশা তার মনে উদয় হ'ল কি করে ? এমন দুঃসাহস—

চৈৎ । জানো না ? কাশ্মীর অভিযানে রগজিৎকে সাহায্য ক'রছে আফগান সেনাপতি ফতে খাঁ !

সাহেব । আফগান সেনাপতি ফতে খাঁ !

চৈৎ । হঁ । আফগানীস্থানের রাজ্যচ্যুত আমীর শাহসুজা কাশ্মীরে পলাতক ! (নূতন আমীর শাহমামুদ সন্দেহ ক'রছেন—কাশ্মীর-রাজ শাহসুজাকে রাজ্য উদ্ধারে সাহায্য ক'রছে) তাই সেনাপতি ফতে খাঁ এসেছে—কাশ্মীর জয় ক'রতে এবং শাহসুজাকে বন্দী ক'রতে । রগজিৎ তাদেরই সঙ্গে সন্ধি ক'রে সৈন্ত পাঠিয়েছে কাশ্মীরে ।

সাহেব । কিন্তু তাতে রগজিৎতের স্বার্থ ?

চৈৎ । বুঝলে না ? আফগানের সহায়তায় যদি একবার কাশ্মীর জয় করা যায় তবে ফাঁক বুঝে পরে আফগানদের তাড়িয়ে কাশ্মীর নিজের দখলে আনা রণজিতের পক্ষে অসম্ভব হবে না ।

সাহেব । হঁ—খলিফা লোক বটে রণজিৎ !

কাণ । কিন্তু আমরাও যে এদিকে দিন দিন খালি হাত পা হ'তে চলেছি—তার কি ব্যবস্থা হবে বল ?

চৈৎ । আমাদের ভাবনা কি ? রণজিৎ সর্বশক্তি ক্ষয় ক'রে দেশ জয় করুক, রাজ্যকে নিষ্কণ্টক করুক,—তারপর ভোগ করতে থাকব আমরা । জমিতে সে ফসল লাগুক—ফসল তোলবার ভার—  
হাঃ হাঃ হাঃ—

কাণ । কিন্তু ফসল ফলতে ফলতে আমরা না পটল তুলি ! এভাবে আর কতদিন চলে ?—

চৈৎ । আর বেশী দিন নয়, এইবার সুবরাজকে কোনমতে রাজী করাতে পারলেই হয় ।

কাণ । সুবরাজ ত এক বাঙ্গালীর আনুসঙ্গিক ব্যাপারগুলোতেই রাজী দেখছি, অন্য ব্যাপারে তেমন মাথা ঘামায় না যে ! আর—বাঙ্গালীও সুবরাজকে পেয়ে আমাদের আর তেমন টাকা পরসাদা দিয়ে খোঁজ খবর নিচ্ছে না ।

চৈৎ । চুপ্ ! ওই বুঝি তারা এসে প'ড়ল । আমি যাই,—লাহোর থেকে আমি ফিরে এসেছি—এ সংবাদ সুবরাজের নিকট এখন প্রকাশ ক'রবেন না । সুবরাজ যদি মোহরার কথায় রাজী হয়, উত্তম । না হয়, শেষ অস্ত্র রয়েছে আমার হাতে ! ( প্রস্থান )

কাণ । অস্ত্র !

সাহেব । চুপ (ইঙ্গিতে মোহরা ও খজগসিংহকে দেখাইয়া একপার্শ্বে অবস্থান



( মোহরা ও খড়্গসিংহের প্রবেশ )

খড়্গ । হঠাৎ এ প্রশ্ন কেন মোহরা বাঈজী ?

মোহরা । তোমায় বলতে হবে সুবরাজ, আমার জ্ঞে তুমি কি ক'রতে পার !

খড়্গ । তোমায় কাছে পেলে তোমায় বুকে নিয়ে সারা রাত না ঘমিয়ে থাকতে পারি । আর তোমায় কাছে না পেলে, তোমার ওই রাঙা ঠোঁটের মত রক্তীন সরাবের পেরালার দমাদম চুমো খেয়ে মাতোয়াল হ'য়ে থাকতে পারি ।

মোহরা । সে কথা নয় । আমি বলছি, তুমি আমার কি দিতে পার ?

খড়্গ । কি চাই ?

মোহরা । বল দেবে ?

খড়্গ । দেবার ক্ষমতা থাকলে নিশ্চয়ই দেব ।

মোহরা ! সত্যি বলছ !

খড়্গ । নিশ্চয় ।

মোহরা । তাহ'লে, আমার তুমি লাহোরে নিয়ে চল ।

খড়্গ । লাহোরে ?

মোহরা । আমার বড় সাধ, আমি তোমার পাশে লাহোরের গদীতে বসি ।

খড়্গ । কাণামাছিরও মনে সাধ মেঘের রাজ্যে উঠে নাচি, কিন্তু বরাতে জোটে তার আঁস্তাকুড় কিংবা বড় জোর ময়রা দোকানের ছুধের টাচি—

কাণ । ( সামনে আসিয়া ) কেমন খেলে বাঈজী ? হ'ল তো ?

খড়্গ । এই যে, মাণিকজোড় এখানে ?

কাণ । অশ্লীল—

খড়্গ । উহঁ !—নর-নারীর জোড় বাঁধাই জগতের সৃষ্টির নীতি, নর-নারীর মিলনেই—সব অশ্লীলতা, সব সভ্যতার উৎপত্তি । তাই নয় মোহরা ?

মোহরা । যাও, আমি জানি না ।

খড়্গ । ওঃ !—রাগ নাকি ?

কান । এখন ঠালা সামলাও । বাঈজীকে রাগিয়ে দিলে তো !

খড়্গ । রাগ ত হবেই ! যে অনুরাগে রাগ নেই, যে প্রেমে অভিমান নেই, তাকে বলি লাজকাটা মমুর । দেখতে সুন্দর হ'লে কি হবে ? কিন্তু পেথম মেলতে জানে ন' ! বাঈজী মোহরা, মেঘগর্জন গেমে গেছে ; আমার মন বাদলধারার মত গ'লে প'ড়েছে, এবার তোমার পেথম বন্ধ কর সুন্দরী ! ভাল ক'রে বুঝিয়ে বল কি চাই, আমি তোমার সব কথা শুনব ।

মোহরা । সত্যি ব'লছ !

খড়্গ । ই্যা শুনব, তবে খুব সজ্ঞেপে ব'লবে ।

মোহরা । আচ্ছা, স্থির হ'য়ে বসো এইখানে ।

খড়্গ । স্থির হ'তে হবে ! কিন্তু গলা বে এদিকে আমার শুকিয়ে আসছে ! (মোহরার ইঙ্গিতে বাঁদী সরাব আনিল; মোহরা সুবরাজকে উপযুক্ত পান করাইতে লাগিল) ওঃ !—বেজার কাঁক ! এত কড়া মদ কোথায় পেলো বাঈজী !

মোহরা । 'খেতে কষ্ট হচ্ছে ?

খড়্গ । না—আগে হয়ত কষ্ট হ'ত, কিন্তু তোমার প্রেমের কাঁখে মনে এখন এমন আশ্বন লেগেছে যে ঠিক এমনি কড়া মদেরই আজ দরকার ! আঃ আর একটু...আর একটু...ই্যা...এইবার বল ।

মোহরা । দেখ, আমি তোমার সঙ্গে লাহোরের গদিতে ব'সতে চাই ।

খড়্গ । আমি ব'সলে তবে ত ব'সবে ?

মোহরা । তুমি কবে ব'সবে ?

খড়্গ। মহারাজ রণজিৎসিংহ যখন আমার দান ক'রবেন।

মোহরা। তিনি যদি গদি তোমায় দান না করেন ?

খড়্গ। আমি তাঁর পুত্র !

সাহেব। মহারাজ আপনার প্রতি ক্রুদ্ধ, আপনাকে তিনি উচ্ছৃঙ্খল ব'লে  
স্বণা করেন।

খড়্গ। স্বণা করেন ?

সাহেব। ভেবে দেখুন না, অমৃতসরে সেদিন আপনাকে ধ'রতে পারলে,  
রণজিৎসিংহ আপনাকে পুত্র ব'লে ক্ষমা ক'রতো ?

খড়্গ। না—তী ক'রতেন না।

কাণ। মাথাটা একেবারে কুচ্ করে কেটে ফেলতো।

খড়্গ। তা হয়ত ফেলতেন, পালিয়ে খুব বেঁচে গেছি।

কাণ। বাপের ত এই স্নেহের নমুনা ছেলের প্রতি ! এখন ধরুন না কেন,  
সিংহাসন যদি আপনাকে না দিয়ে নও নিহাল কিংবা দলীপসিংহকে  
দেয়, তখন ?

খড়্গ। তখন ?

মোহরা। আমার আশা পূর্ণ হবে না, আমি লাহোরের গদিতে ব'সতে  
পারব না।

খড়্গ। তাই তো, আমি কি ক'রবো তবে ?

মোহরা। যে পিতা তোমাকে দুচক্ষে দেখতে পারে না, এমন কি  
অমৃতসরে ধ'রতে পারলে তোমায় বধ ক'রতেও দ্বিধা ক'রতো না,  
সেই পিতার ওপর কি আশায় বিশ্বাস রাখছ খড়্গসিংহ ? নিশ্চিত  
জেনো, লাহোরের গদি রণজিৎসিংহ তোমাকে দেবে না,—তুমি  
পিতৃস্নেহে বঞ্চিত, তুমি অভিশপ্ত !

খড়্গ। পিতৃস্নেহে বঞ্চিত আমি !—আমি অভিশপ্ত ! বাঙ্গলী, মাথার

রক্ত টগবগ করে কেন? বড় ঝাঁঝাল মদ! হোক...আরো দাও—  
আরো দাও। ( মৃগপান )

সাহেব। সুবরাজ, তুমি তোমার ঞ্চায়া অধিকার দাবী কর, তোমার  
সাহায্য ক'রবো আমরা।

খজা। অধিকার দাবী ক'রব ?

মোহরা। রাজপুত্র হ'য়ে এরূপ দীনাতিদীন ভিক্ষুকের ঞ্চায় তুমি পথে  
পথে বিচরণ ক'রতে পার না। তোমার সামনে ঐশ্বর্যময় সুন্দর  
জগৎ—তোমার সামনে ষৌভনমত্তা সুন্দরী-তরুণী,—তাদের পেতে  
হ'লে তোমার দাবী ক'রতে হবে...জোর ক'রে নিজের অধিকার  
কেড়ে নিতে হবে।

খজা। হাঁ, নেব...আমি অধিকার কেড়ে নেব! এমন ভোগের রাজত্বে  
আমি উপবাসী থাকতে পারি না...আমি চাই, আমি সবল বাহুবেষ্টনে  
সব আঁকড়ে ধ'রতে চাই। আমি প্রস্তুত...বল আমার কি ক'রতে হবে ?

মোহরা। পারবে?—পারবে সে কাজ ক'রতে ?

খজা। নিশ্চয় পারবো। বল, বল তোমারা, কি আমার ক'রতে হবে ?

মোহরা। এই শাণিত রূপাণ গ্রহণ কর।

খজা। ( রূপাণ লইয়া ) এখন ?

মোহরা। রূপাণ নিয়ে লাহোরে ছুটে যাও।

খজা। যাবো—তারপর ?

মোহরা। লাহোর এখন এক রকম অরক্ষিত। অধিকাংশ সৈন্ত কাশ্মীর  
অভিযানে গিয়েছে। নিশীথ রাতে তুমি রুণজিৎসিংহের শয়নগৃহে  
প্রবেশ ক'রে—

খজা। প্রবেশ ক'রে ?

মোহরা। তাকে হত্যা কর।

( খড়্গসিংহের হাতের কুপাণ মাটিতে পড়িয়া গেল )

মোহরা। একি ! কুপাণ প'ড়ে গেল কেন যুবরাজ ।

খড়্গ। কুপাণ প'ড়ে গেল ! পড়বার সময় ব'লে গেল—খড়্গসিংহ, তুমি  
যত নীচেই নেমে থাক না কেন, তবু একথা ভুললে চলবে না যে তুমি  
রণজিৎসিংহের পুত্র !

( প্রস্থান )

সাহেব । চ'লে গেল—বাজীজী, ওকে ধর—ধর—

মোহরা । খড়্গসিংহ ! যুবরাজ !

( ছুটিয়া গিয়া যুবরাজকে পুনরায় লইয়া আসিল )

খড়্গ । আবার কেন আমার নিরে এলে বাজীজী !

মোহরা । যুবরাজ, শোন, এ তোমার পিতৃভক্তি নয়—এ তোমার দুর্বলতা ।  
মনে রেখো—সিংহাসন—সাম্রাজ্য—মোহরা, একটা ছেলে খেলার  
বস্তু নয় ! মনে রেখো, রণজিৎকে হত্যা ক'রলে তুমি আমার পাবে—  
অগাধ ঐশ্বর্য পাবে—লাহোরের সিংহাসন পাবে ।

খড়্গ । ক্ষমা কর মোহরা বাজীজী ! সারা দুনিয়ার একচ্ছত্র সাম্রাজ্য নিয়ে  
লাখো মোহরা বাজীজী আমার পায়ের তলায় এসে মাথা কুটলেও  
আমি একথা ভুলতে পারবো না যে মহারাজ রণজিৎসিংহ—আমার  
অনুদাতা পিতা । পুত্র হ'য়ে আমি পিতৃরক্তে খঞ্জর রাঙাতে পারবো  
না—পারবো না—পারবো না । ( প্রস্থানোত্ত )

( চৈৎসিংহের ছুটিয়া প্রবেশ )

চৈৎ । সর্বনাশ হ'য়েছে যুবরাজ খড়্গসিংহ, মায়ি রাজকোড় বন্দিনী !

খড়্গ । কি ! কি ব'ললে ! মায়ি রাজকোড় বন্দিনী ? কে এমন দুঃসাহসী  
এ জগতে যে মহারাজ রণজিৎসিংহের মাতাকে বন্দিনী করে ! সত্য  
বল, কে সে ?

চৈৎ । সে স্বয়ং রগজিৎসিংহ ।

খড়্গ । রগজিৎসিংহ ! চৈৎসিং, মিথ্যাবাদী... শয়তান !

( গলা টিপিয়া ধরিল )

চৈৎ । মিথ্যা বলিনি যুবরাজ, লাহোর হ'তে নিজের চোখে দেখে এসেছি বন্দিরা রাজমাতাকে । তিনি আপনাকে ভালবাসতেন ; মনে সাধ ছিল তাঁর, লাহোরের গদিতে রগজিৎসিংহের উত্তরাধিকারী হবেন আপনি ;—এই অপরাধে—মাত্র এই অপরাধে, রাজমাতা আজ পুত্রের হস্তে শৃঙ্খলিতা !

খড়্গ । রাজমাতা আজ পুত্রের হাতে শৃঙ্খলিতা ! রাজসিংহাসন... রাজসিংহাসন ! সেকি এত বড়, এত মহাৰ্ষ ! পুত্র যদি গর্ভধারিণী মাতাকে সিংহাসন নিষ্কণ্টক করবার জন্য বন্দিরা ক'রতে পারে... তবে আমিই বা কেন সিংহাসনের জন্য সেই মাতৃদ্রোহী পিতাকে..... মোহরা বাজী, কুপাণ—কুপাণ— ( কুপাণ লইয়া ছুটিয়া প্রস্থান )

চৈৎ । হাঃ—হাঃ ।

কাণ । সাবাস—সাবাস চৈৎসিং ।

### দ্বিতীয় দৃশ্য

#### লাহোরের রাজ-অস্ত্রপুত্র

( চাঁদকোড়ের গীত )

আঁধার রজনী পোহাল জননী, খোল গো তোরণ দ্বার ।

আগরনী গাহে গিরি হিমাচল, গজ্জিছে পারাবার !

তিমির-দৈত্যে নাশিয়া খড়্গে আগো হে জ্যোতির্নয়ী ।

নিদ্রিতজন কর্ণে দেহ গো মন্ত্র মৃত্যুঞ্জয়ী ।

দেহ জয় প্রীতি দেহ গো মৈত্রী নবযুগ মৈত্রয়ী

( ওমা ) নীরব থেকে না আর !

( প্রস্থান )

( অপর দিক হইতে নও নিহালসিংহ ও দলীপসিংহের প্রবেশ )

নও । গাও তো চাচাজি, আমার সঙ্গে গাও—

আঁধার রজনী পোহাল জননী, খোল গো তোরণ দ্বার ।

আগর গাহে গিরি হিমাচল, গর্জিছে পারাবার ॥

( গাহিতে গাহিতে উভয়ে প্রস্থানোত্তত )

( রাণী বিন্দনের প্রবেশ )

বিন্দন । নও নিহালসিংহ !

নও । রাণী মায়ি—

বিন্দন । কোথায় চ'লেছ নও নিহাল ?

নও । ঐ গান শুনতে, চাচাজিকে নিয়ে ঐ গান শিখতে !

বিন্দন । গান শিখবে ? তুমি তো নাচ-গান পছন্দ কর না, নও নিহাল !  
দরবারের উৎসবে সেবার যখন সবাই নাচ-গান শুনছিল তুমি  
দরবার থেকে পালিয়ে তোপঘরে গিয়ে কর্ণেল ভেঙ্কুরার কামান নিয়ে  
খেলা ক'রতে শুরু ক'রলে !

নও । সত্যি ব'লতে কি—দরবারের বুড়ো ওস্তাদের খেয়াল ঠুংরিচেরে  
বন্দুকের মুখে যে দরবারী কানাড়া, কামানের মুখে যে ভৈরবী আগে  
—সে আমার চের ভাল লাগে রাণীমায়ি ! আর ভাল লাগে ওই  
জন্মভূমির আগরনী গান শুনতে ! চল চাচাজি, আমরা গান  
গাই গে ! একি চাচাজি ! তুমি ঘুমুচ্ছ !

দলীপ । ( উঠিয়া বসিল ) কৈ, না ।

নও । ছিঃ—ঘুমোয় না, ওঠো !

বিন্দন । রাত অনেক হ'য়েছে, তুমিও ঘুমোও গে নও নিহাল ।

নও । কোথায় রাত এমন বেশী ! আর হ'লই বা রাত । বীরপুরুষ বুঝি  
রাত হ'লে ঘুমোয় ! মনে নাই চাচাজি, নেপোলিয়ান বোনাপার্টের গল্প !

ঝিন্দন । নেপোলিয়ান বোনাপার্টের গল্প তুমি কোথায় শুনলে নও নিহাল !

ও । বা রে, কর্ণেল ভেঞ্জুরা যে নেপোলিয়ানের সেনাপতি ছিলেন ।

আমি তারি মুখে শুনেছি—যুদ্ধ ক'রতে চ'লতে চ'লতে নেপোলিয়ান  
আধ মিনিট ঘোড়ার পিঠে এমনি ক'রে ঘুমিয়ে নিতেন ।

দলীপ । হঁ ! আমিও বিছানায় ঘুমোই না । আধ মিনিট সিঁড়ির

পিঠে ঘুমিয়ে নিলুম । বাস্—চল এবার যুদ্ধে ।

ঝিন্দন । কার সঙ্গে যুদ্ধ দলীপসিংহ ?

দলীপ । বাঃ রে, মাগি তুমি কি বোকা ! শুধু দলীপসিংহ ব'লতে হয়  
বুঝি ?

ঝিন্দন । তবে কি ব'লব ?

দলীপ । ঘোড়ার পিঠে আধ মিনিট ঘুমুলে হয় নেপোলিয়ান বোনাপার্ট ;  
আর সিঁড়ির পিঠে আধ মিনিট ঘুমুলে তার নাম হয় দলীপসিংহ  
বোনাপার্ট ।

( ঝিন্দন ও নও নিহালের হাশ্ব...নেপথ্যে বিউগিল বাজিল )

নও । ওই কর্ণেল ভেঞ্জুরা বিউগিল বাজাচ্ছে,—আমি যাই রাণীমা ।

ঝিন্দন । কর্ণেল ভেঞ্জুরা বিউগিল বাজাবে কি ক'রে ! সে তো দেওয়ান  
মোকামচাঁদের সঙ্গে গেছে কাশ্মীর যুদ্ধে ! ও হয়ত আর কেউ ।

নও । না, না, তুমি জ্ঞান না রাণীমা ! সাপকে কখনও বাঁশীর আওয়াজ  
চেনাতে হয় না, আপনিই সে নেচে ওঠে বাঁশী শুনলে । আমার  
বুকের রক্ত নাচছে—তাজা বুনো ঘোড়ার মত কেশর ফুলিয়ে...ঘাড়  
হুলিয়ে নাচতে ইচ্ছে হচ্ছে ! ফরাসী বীর কর্ণেল ভেঞ্জুরা ছাড়া অমন  
বিউগিল লাগ ফোজে আর কেউ বাজাতে জানে না । নিশ্চয়  
ভেঞ্জুরা ফিরে এসেছে । আমি যাই, কাশ্মীর যুদ্ধের গল্প শুনে আসি  
রাণীমায়ি ! .

( ছুটিয়া প্রস্থান )



দলীপ। সামাল, সামাল—দলীপসিং বোনাপাট লড়াইয়ের ঘোড়া  
ছুটিয়েছে—খটা খট, খটা খট, সামনেওয়াল ভাগো—

( প্রস্থান )

বিন্দন। শিশু দলীপসিংহকে পর্যাস্ত নও নিহালসিংহ এখন হ'তেই  
যুদ্ধের উন্মাদনায় মেতে উঠতে শিখিয়েছে। নও নিহাল যেন এক  
মূর্ত্তিমান অগ্নিশিখা! চঞ্চলমতি খড়্গসিংহকে দিয়ে বংশের গৌরব  
রক্ষা হ'ল না। সে সুরাপায়ী... দূশচরিত্র,—যাসাবধিকাল লাহোর হ'তে  
নিক্রদেশ। খড়্গসিংহ না পারুক—কিন্তু একথা নিশ্চয়, ওই বালক নও  
নিহালসিংহই একদিন জাতির গৌরব-পতাকা বহনে সক্ষম হবে।

( প্রস্থানোত্ত )

( চাঁদকোড়ের প্রবেশ )

চাঁদ। য়া়ি !

বিন্দন। কে ! চাঁদকোড় ! এমন ব্রহ্মপদে ছুটে এলে যে ? একি ! একি

চাঁদকোড় ! তোমার ললাটে ক্ষতচিহ্ন, রক্ত ঝ'রছে ! কি হয়েছে যা ?

চাঁদ। ও কিছু নয়—সিঁড়ি বেয়ে নাবতে প'ড়ে গিয়েছিলাম, বেওয়ালে  
লেগেছে একটু—

( খড়্গসিংহের প্রবেশ )

খড়্গ। মিছে কথা,—পা পিছলে পড়ে নি। আমি—আমিই ওর কপাল  
কেটে দিয়েছি।

বিন্দন। খড়্গসিংহ !

খড়্গ। হঁ,—পিতার শরনাগারে যেতে আমার বাধা দিল। ধাকা দিয়ে  
ফেললাম জানালার ওপর—ঝম্ ঝন্ ক'রে কাঁচ ভেঙ্গে কপাল কেটে  
গেল। আর্ন্তনাদ ক'রে সিঁড়ির ওপর পড়তেই সিঁড়ি লালে লাল।  
হাঃ হাঃ হাঃ, কেমন বাধা দিলে না চাঁদকোড় !

বিন্দন । খড়্গসিংহ ! তুমি আবার সুরাপান ক'রে গৃহে প্রবেশ ক'রেছ  
কোন্ সাহসে ?

খড়্গ । আমি সুরাপান করি নি ।

বিন্দন । সুরাপান করনি ! প্রকৃতিস্থ অবস্থায় কেউ কখনো এমন কাজ  
ক'রতে পারে ?

খড়্গ । অবাধ্য স্ত্রীকে "প্রহার" কর্তার সব প্রকৃতিস্থ স্বামীরই গ্রামসঙ্গত  
অধিকার আছে । চাঁদকোড় আমার অবাধ্য স্ত্রী !

বিন্দন । খড়্গসিংহ ! খড়্গসিংহ !

চাঁদ । চল মাগি,—আমরা এখান থেকে যাই ।

বিন্দন । না—দাঁড়াও চাঁদকোড় ! ওর এতখানি অধঃপতন হ'য়েছে—  
তোমার গায়ে হাত তুলে আমারই সামনে দাঁড়িয়ে পৌরুষের স্পর্ধা  
করে ! আমি ওর অপরাধের বিচার ক'রব !

খড়্গ ! বিচার ক'রবে ! হাঃ হাঃ হাঃ ! মহারাজ রগজিৎসিংহ দেশজোড়া  
রাজত্ব পেয়ে অপূর্ব সুবিচার ক'রতে শুরু করেছেন—তঁারই যোগ্য  
সহধর্মিণী তুমি—তুমিও বিচার না ক'রলে চ'লবে কেন ? কি বিচার  
ক'রবে বল ?—

বিন্দন । কেন তুমি চাঁদকোড়ের অঙ্গে হস্তক্ষেপ ক'রলে ?

খড়্গ । চাঁদকোড় আমার বাধা দিল কেন পিতৃসন্দর্শনে যেতে !

বিন্দন । চাঁদকোড়, কি হ'য়েছিল মা ?

চাঁদ । বাইরে হ'তে পাগলের মত ছুটে আসছিলেন মহারাজের শয়ন-  
গৃহের দিকে । দুচোখ রক্তবর্ণ, হাতে উন্মুক্ত কুপাণ,—ওঁর চেহারা  
দেখে অমঙ্গল আশঙ্কার আমি শিউরে উঠলাম, মিনতি ক'রলাম, পায়ে  
জড়িয়ে ধরলাম—তবু কিছুতেই শুনলেন না ।

খড়্গ । কেন শুনব ? আমার হৃদপিণ্ডের তলা থেকে আমার পিতৃরক্ত

আমার উচ্চকণ্ঠে ডেকে ব'লল "পরিশোধ কর—খড়্গসিংহ, তোমার পিতৃঋণ পরিশোধ কর!" ঋণ পরিশোধ ক'রব ব'লে কুপাণ হাতে প্রবেশ করলাম পিতার শয্যাগৃহে—দেখলাম শূন্য শয্যা। রুদ্ধ আক্রোশে ফিরে এলাম কুপাণ হাতে নিয়ে। মহারাজ রুণজিৎসিংহ মাতাকে শৃঙ্খলিতা ক'রে মাতৃঋণ পরিশোধ ক'রেছেন, আমি রুণজিৎসিংহেরই যোগ্য পুত্র—এই শাণিত কুপাণ দিয়ে এবার পিতৃঋণ পরিশোধ ক'রব ! ( গমনোদ্ভূত )

চাঁদ । মা ?—

বিন্দন । দাঁড়াও খড়্গসিংহ ! মহারাজ রুণজিৎসিংহ মাতাকে বন্দি ক'রেছেন ব'লে যদি তাঁর প্রতি তোমার এই আক্রোশ,—জিজ্ঞাসা করি, মায়ি রাজকোড় কেন বন্দি হ'য়েছেন জান তুমি ?

খড়্গ । কেন ?

বিন্দন । কার জন্তে তাঁর বন্দি ব'লতে পার ?

খড়্গ । কার জন্তে ?

বিন্দন । যদি বলি শুধু তোমারই জন্তে !

খড়্গ । আমার জন্তে ! কেন, আমি কি ক'রেছি ?

বিন্দন । কি ক'রেছ ! মহারাজ রুণজিৎসিংহের জ্যেষ্ঠ পুত্র তুমি, তোমার এত মতিভ্রংশ ঘটেছে যে আবার প্রশ্ন ক'রছ—কি ক'রেছ ?

খড়্গ । হ্যাঁ, হ্যাঁ,—বল, আমি কি ক'রেছি ?

বিন্দন । মতিচ্ছন্ন খড়্গসিংহ, শুধু জেনে রেখো যে নীচুতে তুমি নেমেছ... এখনো চেষ্টা ক'রলে হয়ত সেখান থেকে ফিরতে পার। খড়্গসিংহ, ফেরো, তুমি ফেরো—

খড়্গ । ফেরো, ফেরো, ফেরো,—চিরদিন ওই এক নীতির কথা শুনিবে, কান ঝালাপালা ক'রে দিচ্ছ ; আমার ঘোষ ক্রটি দেখিয়ে নিজেদের

অপরাধ ঢাকবার চেষ্টা ক'রছ। আমি বুঝতে পেরেছি,—মারি  
রাজকোড়ের বন্দিত্ব সম্বন্ধে যখন কোন দেবার মত কৈফিয়ৎ খুঁজে  
পেলে না...অমনি সব দোষ চাপিয়ে দিলে এই চিরকালে দোষপুষ্টি  
খড়্গসিংহের ঘাড়ে। না, ওসব স্তোকবাক্যে আমি ভুলব না। চলুন  
আমি মহারাজ রণজিৎসিংহের কাছে—আমার এ ক্লপাণ তাঁর কাছে  
কৈফিয়ৎ জিজ্ঞাসা ক'রবে!

বিন্দন। খড়্গসিংহ! মহারাজের সাক্ষাৎ তুমি পাবে না, যাও বাইরে  
যাও।

খড়্গ। পিতার সাক্ষাৎ পাব না?

বিন্দন। না, বাইরে যাও। রণজিৎসিংহের অযোগ্য পুত্র, আমি তোমায়  
নির্বাসিত ক'রলাম! যাও—

খড়্গ। যদি না যাই!—

বিন্দন। মনে রেখো, আমি দুর্গ-স্বামিনী রানী বিন্দন কোড়। সহস্র  
সেনানী আমার আজ্ঞা প্রতীক্ষায় দুর্গ-প্রাকারে অপেক্ষা ক'রছে।  
আমার আদেশ পালনে মুহূর্ত্ত বিলম্ব ক'রলে আমি তোমায় বন্দী  
ক'রতে বাধ্য হব মূর্খ!—

খড়্গ। তঁ, আচ্ছা—( প্রস্থানোত্ত )

বিন্দন। আরো শোন, যেদিন মহাপুরুষ রণজিৎসিংহের পুত্র ব'লে পরিচয়  
দেবার অধিকার অর্জন ক'রবে, সেইদিন ফিরে এস। যতদিন তা  
না পার, লাহোর-দুর্গ প্রবেশ তোমার পক্ষে নিষিদ্ধ—যাও ( খড়্গসিংহের  
প্রস্থান ) এস চাঁদ : একি, তোমার চোখে জল?

চাঁদ। না মা, কোণায় জল? স্বামীকে আমার মানুষ হবার ব্রত  
উদ্ঘাপন ক'রতে ব'লেছ...তাতে আমার চোখে জল আসবে কেন?  
চল মা? যাই! ( উভয়ের প্রস্থান )

( অপর দিক হইতে রণজিৎসিংহ, ভেঙ্কুরা ও মোকামটাদের প্রবেশ )

রণ । কাশ্মীর অধিকার ক'রে আফগান সেনাপতি ফতে খাঁ আমাদের সঙ্গে এতখানি শত্রুতা ক'রল ?

ভেঙ্কুরা । কাশ্মীর জয় ! Who gave them কাশ্মীর ! This man— this মোকামটাদ ! He marched through hail storms and heavy showers of snow. দুশ্মনকা সাথ শেরকা মারফিক লড়াই ক'রল, আউর যখন দুশ্মনলোক হারিয়া গেল, ফতে খাঁ দৌলতখানাকা চাবি হাতমে লিয়ে দোঠ বাৎ বলিল—ভাগ যাও পাঞ্জাবী শিখ, তুম্কে হাম জানে না !

রণ । স্পর্ধা বটে ফতে খাঁর ! এই বেইমানির প্রতিশোধ...রণজিৎসিংহের সেনাপতি মোকামটাদ, তুমি কি ভাবে নিলে ?

মোকাম । বেইমানির প্রতিশোধ নিতে আমরা অবিলম্বে শাহসুজার অবরোধ উন্মোচন ক'রে দিলাম মহারাজ । অবরুদ্ধ শাহসুজাকে আফগান কবল হ'তে মুক্ত ক'রে নিরাপদে কাশ্মীর সীমান্ত পার ক'রে দিলুম ।

রণ । চমৎকার ! তারপর আমীর গেলেন কোথায় ?

মোকাম । শাহসুজা আমাদের সঙ্গেই কাশ্মীর পরিত্যাগ ক'রে লুধিয়ানা পর্যন্ত অগ্রসর হ'য়েছিলেন । আফগানিস্থানের দ্বার তাঁর কাছে রুদ্ধ । আমরা তাঁকে আমন্ত্রণ ক'রেছিলাম লাহোরে আগমন ক'রতে ; কিন্তু তিনি অস্বীকৃত হ'লেন ।

রণ । কেন ?

ভেঙ্কুরা । 'Because he has immense wealth with him— আমীরকা সাথ বহুৎ হীরা জহরৎ আছে, ঘরকা ডাকু উন্কে দৌলৎ লুটিয়া নিল,—কৈ কৈ বাহারকা ডাকুভি নিল । আমীরকা দিলতি বিগড়াইয়া গেল !

রণ। হ্যাঁ, আমিও শুনেছি শাহসুজার সঙ্গে আছে প্রচুর ঐশ্বর্য—আর তাঁর রাজমুকুটে আছে অগতের শ্রেষ্ঠ মণি কোহিনূর। এত ঐশ্বর্য নিয়ে পথে পথে বিচরণ করায় আমীরের জীবন বিপদাঙ্গু হ'তে পারে। যে ক'রে হোক তাঁকে আমাদের আশ্রয়ে আনয়ন ক'রতে হবে।

মোকাম। কিন্তু বিপদে হতবুদ্ধি আমীরের আশঙ্কা, পাছে তাঁর রত্নমাণিক্য লুণ্ঠন করি।

রণ। লুণ্ঠন ক'রব! এত বিপুল ঐশ্বর্যের সন্ধান পেলে...কার বা লোভনা যায় তা হরণ ক'রতে! মোকামচাঁদ, উপযুক্ত সেনাদলসহ আমার প্রতিনিধিক্রমে কোন যোগ্য ব্যক্তিকে আমীরকে লাহোরে আনয়ন ক'রতে প্রেরণ কর।

মোকাম। মহারাজ, যদি অভয় দেন তাহ'লে একটি অনুরোধ জানাই!

রণ। বল।

মোকাম। আমীরকে আনয়ন ক'রতে মহারাজের যোগ্য প্রতিনিধি মহারাজের জ্যেষ্ঠপুত্র সুবরাজ খড়্গসিংহ।

রণ। খড়্গসিংহ! সে তো লাহোরে নেই!

মোকাম। এসেছেন মহারাজ। আমরা লাহোরে ফেরবার সময় সুবরাজকেও নগরে প্রবেশ ক'রতে দেখেছি। আমীর অবস্থা বিপর্যয়ে ত্রিয়মান, লাহোরের সুবরাজকে স্বয়ং উপস্থিত দেখলে আমীর নিশ্চয়ই নিঃসন্দিগ্ধ চিন্তে তাঁর সঙ্গে লাহোরে আসবেন।

রণ। ঠিক ব'লেছ মোকামচাঁদ! চঞ্চলমতি, ছনীতি-পরায়ণ হ'লেও...এ ক্ষেত্রে খড়্গসিংহকে প্রেরণ করাই যুক্তিসঙ্গত। কর্ণেল ভেঙ্কুরা, উপযুক্ত সেনাদল সহ তুমি খড়্গসিংহের সঙ্গে থাকবে। আমীরের একটি স্বর্ণকণাও যেন স্থানান্তরিত হ'তে না পারে,—খুব চ'সিয়ার।

ভেঞ্ঝুরা। I understand Your Majesty.

রণ। কই ছায়, যুবরাজ খড়্গসিংহ! (প্রহরীর প্রস্থান)—আর মোকামচাঁদ, দূত প্রেরণ কর পেশোয়ারের শাসনকর্তা ইয়ারখাঁর নিকট। আমার সেনাদল পেশোয়ারের ভেতর দিয়ে কাবুল অভিমুখে অগ্রসর হবে। তিনি যদি নির্বিবাদে আমার পথ ছেড়ে দিতে স্বীকৃত না হন, তাঁকে স্মরণ করিয়ে দেবে—পক্ষকালের মধ্যে আমরা সমগ্র পেশোয়ার সমতল ভূমিতে পরিণত ক'রব!

মোকাম। যথা আজ্ঞা মহারাজ! (প্রস্থান)

(বিন্দনের প্রবেশ)

বিন্দন। মহারাজ!

রণ। রানী বিন্দন কোড়! খড়্গসিংহ কোণায় জান?

বিন্দন। খড়্গসিংহকে পাবেন না মহারাজ! সে লাহোর-দুর্গে নেই।

রণ। নেই?

বিন্দন। আমি তাকে দুর্গ হ'তে বহিষ্কৃত ক'রে দিয়েছি।

রণ। কেন? কি তার এমন গুরু অপরাধ?

বিন্দন। কি অপরাধ, সে আমি আপনাকে বলতে পারব না মহারাজ!

সে দুর্গে নেই, তাকে আমি নির্বাসিত ক'রেছি!

রণ। হুঁ! মাতা বন্দিনী, পুত্র নির্বাসিত,—এই আমার বাজত্ব!

বিন্দন। মহারাজ!

রণ। যাও ভেঞ্ঝুরা,—সেনাদল প্রস্তুত কর। আমি নিজেই লুধিয়ানায় যাত্রা ক'রব। (ভেঞ্ঝুরার প্রস্থান)

বিন্দন। মহারাজ! আপনি আমার এ আচরণে মর্দ্যাহত হবেন না।

রণ। না, মর্দ্যাহত হব কেন! আমার বৃদ্ধা মাতা আজ কারাগারে, আমার স্যেঠ পুত্র আজ নির্বাসনে! মাতাল, দুশ্চরিত্র খড়্গসিংহ,—

তবু—তবু'সে আমারি ছোঁষ্ঠপুত্র। না—না—তাতে কি হয়েছে !  
 মাতা যাক—পুত্র যাক, কিন্তু খড়্গসিংহের বিমাতা বিন্দন কোড়,  
 তুমি ত আমার পার্শ্বে আছ ! আমি মর্দাহত হব কেন,—মর্দাহত  
 হব কেন ! (প্রস্থান)

বিন্দন। মহারাজ, ছনিয়া শুদ্ধ আমার ভুল বুকু ক ক্ষতি নেই—কিন্তু তুমি  
 আমার খড়্গসিংহের বিমাতা ব'লে তিরস্কার কোরো না ! খড়্গসিংহকে  
 অঁঠরে ধরিনি, কিন্তু এ আমি জীবনে বিস্মৃত হব না যে সে আমারি  
 দলীপসিংহের মত মহারাজ রণজিৎসিংহের ঔরষজাত পুত্র।

## তৃতীয় দৃশ্য

### লুধিয়ানার কক্ষ

#### মোহরার গীত

মন্দ মন্দ বহিছে পবন—

বিলোল কোমল মধুছন্দা,

অঙ্গে অঙ্গে দেহ পরশন

জাগুক লাজুক নিশিগন্ধা ।

এমন গভীর রাতে পান্থবিহীন পথে

এলায়ে পড়েছে মূহু আলো,

সবার নয়নে ঘুম, কি সরম দিতে চুম

যারে সখা, বাসিয়াছ ভালো ।

এসো মম বাহুলতা বন্ধনে

এসো মম কামনার ত্রন্দনে

এসো যেথা স্মরভিত্ত নন্দনে

বহে অলকনন্দা ॥



( কাগসিংহের প্রবেশ )

কাগ। বান্ধী ?

মোহরা। আমার ডাকলেন ? ( অগ্রসর হইল )

কাগ। উহ—কাছে নয়, ওখান থেকেই শোনো।

মোহরা। কি ?

কাগ। এত ক'রে পোষ মানাতে চেয়েছিলে ষাকে—সেই পাখী তোমার পালিয়ে গেল !

মোহরা। পালিয়েছিল বটে—কিন্তু আবার ফিরে এসেছে।

কাগ। ফিরে এসেছে,—কখন ?

মোহরা। তাও জান না ? এই মাত্র।

কাগ। সত্যি। কাজ তা হ'লে হাসিল ক'রে এসেছে ?

মোহরা। দূর, তাকে নিয়ে আবার কাজ হাসিল হয় বুঝি ? সে একটা আকাট গোরুখা !

কাগ। এই রে ! পারেনি ! সে আমি আগেই বুঝেছিলুম। ওর দ্বারা কখনো কোনো কাজ উদ্ধার হয় ? সাহেবসিংহেরও যেমন হ'য়েছে মরণ ! আর তোকেও বলি বাপু, পারবি না যদি তবে আবার এখানে ফিরে এলি কোন্ মুখে ?

মোহরা। আর কোথায় যাবে বগ,—সে যে আমার নাগর !

কাগ। অশ্লীল ! নাগর—না আস্ত একটা বাঁদর।

মোহরা। হ'লই বা, আমার যে বাঁদর নিয়ে খেলা করাই পেশা।

কাগ। তাহ'লে এই বেলা নাকে দড়ি বাঁধো, নইলে পালিয়ে যাবে।

মোহরা। পালিয়ে যাবে ! ইস্ ! ব'ললেই হ'ল ! ( দরজার খিল দিল )

এই দরজা বন্ধ করে দিলুম, এবার পালাক দেখি কেমন !

কাগ। আরে, দরজা বন্ধ ক'রছ কেন ?

মোহরা । বাঁদরটা নাকি পালিয়ে যাবে শুনছি ?

কাণ । আরে, এ ঘরে তো আমিই আছি,—আবার বাঁদর কোথায় ?

মোহরা । এই একটা হ'লেই আমার চ'লবে ।

কাণ । তার মানে, তুমি আমার বাঁদর ব'লছ ?

মোহরা । আমি কেন ব'লব ! আর্শি থাকলে তোমার সামনে ধরতাম ;  
অবাব তোমার মুখেই ফুটত ।

কাণ । দেখ, আমার অপমান ক'রো না—আমি রেগে গেলে একটা  
কেলেঙ্কারি কাণ্ড হবে ।

মোহরা । সেই কেলেঙ্কারি হবে আমার দেহের অলঙ্কার, তোমার কলঙ্কের  
পশরা নিয়েই হবে মোহরা বাঈজীর বেসাতি । অনেক সুন্দর মুখের  
প্রিয়া ডাক শুনে শুনে ঘেন্না ধ'রে গেছে,—এইবার তোমার ঐ  
বাঁদরপানা মুখখানা নেড়ে আমার একবার 'প্রিয়া' ব'লে ডাক না বন্ধু !  
( অগ্রসর হইলেন )

কাণ । এই দেখ ! তফাৎ থাকো—এঁহে ছুঁয়ে দিও না । মেয়েছেলে  
হ'য়ে ব্যাটাছেলের গায়ে হাত ! একি অশ্লীলতা । দেশে দেশে হ'চ্ছে  
নারী নির্যাতন—আর ঘরে শেকল এঁটে সবলা নারী কর্তৃক এমন-  
ভাবে অবল নর-নির্যাতনের কথা তো কোথাও শুনি নি বাবা !  
কে আছ রক্ষা কর !

( নেপথ্যে দরজায় করাঘাত করিয়া সাহেবসিংহ 'বাঈজী' 'বাঈজী'— )

কাণ । ঐ সাহেবসিংহ এসেছে !

( দরজা খুলিল এবং সাহেবসিংহ প্রবেশ করিল )

বন্ধু সাহেবসিংহ ! আমার রক্ষা কর । এই প্রবলা নারী ঘরে শেকল  
এঁটে আমার উপর নির্যাতন ক'রছিল । আমার বাঁদর বলে  
অপমান ক'রছিল !  
( সাহেবসিংহ হাসিয়া উঠিল )

হাসছ ? মানে ওর কথার সার দিচ্ছ ! অর্থাৎ তাহ'লে আমি বাঁদর প্রতিপন্ন হ'লাম । বেশ, পথ ছাড়—তোমাদের সঙ্গে আর আমার কোনো সম্পর্ক নাই । ( প্রস্থানোত্ত )

সাহেব । আহা ! দাঁড়াও না—দাঁড়াও না কাণসিংহ !

কাণ । না কিছুতেই আমি দাঁড়াব না । আমি এ দল ছেড়ে চ'লে যাবো । ভারী তো পোড়া রুটী দিচ্ছে বাঈজী,—ও আমি অন্ত্র সংগ্রহ ক'রতে পারব ।

সাহেব । তৈরী হ'য়ে নাও বাঈজী ! ওদিকে বন্দোবস্ত ঠিক ।

( বাঈজীর প্রস্থান )

শোন বন্ধু ! সেই রুটীর সংস্থান হ'য়েছে, পাহাড় প্রমাণ রুটী ! এত দিন দুঃখনিশা ভোগ ক'রলে—আর একটু আমার সঙ্গে এগোলেই বংশপরম্পরায় গোস্তু রুটীর ব্যবস্থা হবে । প্রচুর আহাৰ্য্য—প্রচুর ভোজ্যবস্তু—একটু দাঁড়িয়ে শোন ।

কাণ । না, না, আমি দাঁড়াব না । বীর পুরুষ কথার নড়চড় করে না, আমি কিছুতেই প্রতিজ্ঞা ভঙ্গ ক'রে আর এখানে দাঁড়াতে পারি না—সুতরাং আমি এখন ব'সব । ( উপবেশন ) এইবার বল—কোথায় পাহাড় প্রমাণ গোস্তু রুটী ?

সাহেব । শোন,—খবর পেয়েছি কাবুলের রাজ্যচ্যুত আমীর শাহসুজা লুধিয়ানা এসেছেন ।

কাণ । ( উঠিয়া ) আমি চ'ললুম—এমন পরিহাস বিক্রম আমি সহ্য ক'রব না । না হয় খাণ্ডজব্য আমি কিছু অধিক পরিমাণে গ্রহণ ক'রে থাকি, তা ব'লে কাবুলের আমীরকে আমি খাণ্ডজব্য ব'লে ভোজন ক'রতে পারব না ।

সাহেব । আহা শোন ! আমীরকে ভোজন ক'রবে কেন ? বিপুল ভোজ্য-

বস্তুব সংস্থান র'য়েছে তাঁর সঙ্গে ! অগণন ঐশ্বর্য, অফুরন্ত হীরা  
জহরৎ—

কাণ। তা থাকলই বা ! ধন-দৌলৎ তো রগজিৎসিংহেরও আছে—

সিক্কিয়ারও আছে ; কিন্তু আমাদের তাতে কি ? আমাদের দিচ্ছে কে ?  
সাহেব । সব ব্যবস্থা ক'রেছি বন্ধু । আমীরের অগাধ ঐশ্বর্য পথে পথে  
চোর ডাকাতে লুটছে । এবার যাতে আর কেউ লুটতে না পারে  
তাই আমীরের কোষাগাররক্ষী আবু তোরাবকে হাত ক'রেছি ।  
বিশেষতঃ, রগজিৎসিংহ টের পাবায় পূর্বে সেই বিপুল ঐশ্বর্য যদি  
কোনক্রমে আমাদের করায়ত্ত হয় কাণসিংহ, তবে জেন, আমাদের  
ছঃখনিশার চির অবসান ! আর কারুর মুখাপেক্ষী হ'য়ে থাকতে  
হবে না ।

কাণ। এমন কি ঐ অশ্লীলা মোহরা বাদ্জীও না ?

সাহেব । না, কারুর নয় ! আমি বুঝতে পেরেছি, খজগসিংহের প্রেমের  
ছোঁয়াচ মোহরার মনেও লেগেছে । সে এখন আমাদের হিতের চেয়ে  
যুববাজের হিতই বেশী ক'রে চাইছে । আমীরের ঐশ্বর্য হাতে পেলেন  
মোহরাকে সেই মুহূর্তে দূর ক'রে দেব ।

কাণ। বটে ! তা না হয় খানিকক্ষণ কষ্ট ক'রে মুখ চেয়ে থাকব !  
নিদেন কাজ হাসিল ক'রে এমন মুখ ভ্যাঙচাবো—

( বাদ্জীর প্রবেশ )

মোহরা । কাকে মুখ ভ্যাঙচাবে ?—

কাণ। তো তো ( সাহেব ইঙ্গিত করিল )—না তো—আমি এই যে  
তোমার মুখ চেয়েই আছি ! আহা, পরিকার মনের ছাপ মুখে ফুটে  
বেরুচ্ছে ! তোমার মুখ যেন এক স্বচ্ছ আয়না !

মোহরা । তাহ'লে আমার চোখের পানে এলি তাকিয়ে থাক, এই

আগ্ননাতেই মুখ দেখতে দেখতে আমার অনুসরণ কর। কারণ অনেক  
সময় মুখ না দেখে তুমি নিজের পরিচয় ভুল কর। দেখছ নিজের মুখ?  
কাণ। হু—দেখছি—

মোহরা। দুঝতে পারছ—আমার কথা সত্যি !

কাণ। হ্যাঁ—এখন কিছুক্ষণের জন্তে সত্যি।

মোহরা। তবে নিজেই ব'লছ তুমি আস্ত বাদর !

কাণ। হ্যাঁ—এখন কিছুক্ষণের জন্তে বাদর তো বটেই, কাজটা হাঁসিল  
হ'লে তখন বাদরে কলা দেখিয়ে পগার পার হবে। (উভয়ের প্রশ্নান)

### চতুর্থ দৃশ্য

লুধিয়ানায়—আমীর শাহসুজার গৃহ

( পানমস্ত আবু তোরাব )

নর্তকীদের নৃত্য-গীত

আজ চাঁদিনীর নেশায় মাতাল : চামেলি আর হাসমুহানা,  
নিরালা মোর হিয়ার দোরে কোন বিরহী দিচ্ছে হানা ?

ভাবিতেছিলু মাধবী রাতে

কেন নামে জল আমার চোখে !

এমন কালে কহিল ওকে

বাদল সখী, আমারও সাথে।

চাহিয়া দেখি বিদেশী পথিক—

বিধুর অধর চাহে অনিমিত্ত

বাধিল মোরে

বাহর ডোরে

নারিনু ভারে করতে মানা !!

( কাণসিংহ ও সাহেবসিংহের প্রবেশ )

সাহেব । এই যে আবু তোরাব সাহেব, একেবারে রঙের বর্ণায় সঁতার কাটছেন !

আবু । আন্সন, আন্সন দোস্ত !—ইনি ! ( কাণসিংহকে দেখাইল ) .

সাহেব । যার কথা ব'লেছিলাম,—আমাদের সেই পরম সুহৃদ্ কাণসিংহ ।

আবু । ( সাহেবকে মস্তদান )—আন্সন ( কাণসিংহকে ) চ'লবে ?

কাণ । আঙ্কে না—পানীয় বস্তুর চেয়ে ভোজ্য বস্তুর দিকেই আমার পক্ষপাতিত্ব একটু বেশী !

আবু । ( ভুড়ি দেখাইয়া ) ওই বুঝি তার সাক্ষ্য ?

কাণ । মশাইও ওতে কম যান না ! সাহেবসিংহ, আমি চ'ললাম ।

সাহেব । আহা, রাগ ক'রো না ; উনি আমাদের সঙ্গে দোস্তি ক'রেছেন, সেই অধিকারেই পরিহাস ক'রছেন । দোস্ত, আপনার খবর বলুন ?

আবু । বাঈজী এসেছে ?

কাণ । ওই দেখ, সব ফেলে গোড়াতেই বাঈজীর খোঁজ ! কেন ? এই গালপাটাওয়াল' ভাইজীদের দিকে কি নজর পড়ে না ? ওর নাম কি—হবু তালাক মিঞা ?

আবু । আমার নাম হবু তালাক নয়—আবু তোরাব ।

কাণ । ঐ হ'ল—আবু তোরাব—হবু তালাক—একই কথা ।

আবু । একই কথা !

কাণ । এক নয় ? এখন আছেন আবু তোরাব—বাঈজীকে না দেখেই তার জগ্রে অস্থির, কিন্তু বাঈজী আপনাকে দেখে বড় জোড় একটীবার অশ্লীল রকম তাকিরে আপনাকে ক'রবে বরখাস্ত—অর্থাৎ তালাক দেবে । তাই আপনাকে বলুন হবু তালাক !

আবু । আপনার সঙ্গীটা বেশ রসিক ত !

কাণ। ভেতরে রস টইটসুর ক'রছে ব'লেই আপনাদের মত পেয়ালা

ভ'রে আর রঙ্গিন রস পান ক'রতে হয় না। কিন্তু ওসব কথা থাক—

বলি, আপনার আমীর শাহসুজা কোথায় ?

আবু। যকের মত ধনদৌলত পাহারা দিচ্ছে।

সাহেব। তবে ?

আবু। ব্যবস্থা যা হয় আমি ক'রবই—কিন্তু মনে থাকে যেন—বিপুল

ঐশ্বর্য হাতে পেয়ে আমার ভুলবেন না তখন !

সাহেব। ছিঃ দোস্ত ! এতবড় বেইমান আমরা নই !

আবু। আমার অংশ মনে আছে ?

সাহেব। আছে, আছে।—অর্দ্ধেক তোমার, অর্দ্ধেক আমাদের।

কাণ। গাছে কাঁঠাল গোঁপে তেল ! ধনদৌলত আগে হাতে এনেই দাও

না, তখন দেব আমরা ঠিক—ভাল কথা, রস্তা কথার অর্থ জান মিঞা ?

আবু। না, আমরা আফগান !—রস্তা কি বস্তু সে ত কখনো দেখিনি !

কাণ। রস্তা একটা ভারী আশ্চর্য্য জিনিস মিঞা ! আগে টাকাকড়ি

আমাদের হাতে তুলে দাও—তখন রস্তা নামক ওই পরম উপভোগ্য

বস্তুটা তোমায় দেখিয়ে আমরা সিধা ঘরমুখো রওনা হব !

আবু। বেশ, বেশ ! টাকাকড়ি যা ব'লেছি তোমরা পাবেই ; কিন্তু

দেখ, যাবার সময় তোমাদের রস্তা নামক বস্তুটা দেখাতে ভুলো না

যেন !

কাণ। না মিঞা, না ! শুধু রস্তা ! তোমায় আমরা পক্ষ রস্তা দেখিয়ে

যাব !

আবু। চুপ, ওপরের বারান্দায় পায়ের আওয়াজ পাচ্ছি যেন !

( প্রহরীর প্রবেশ )

প্রহরী। আমীর বারান্দা দ্বিগে নীচে নেমে আসছেন !

আবু। ( প্রহরীকে প্রস্থানের ইঙ্গিত ) আপনারা আপাততঃ পার্শ্বের ঘরে যান! ওই আসছে, আমি আলো নিভিয়ে দিচ্ছি। যেন কাউকে দেখতে না পায়!

( সাহেব ও কাগসিংহের প্রস্থান—কক্ষ অন্ধকার হইল )

শাহ। ( নেপথ্যে ) কে? কে আলো নেভালে? আলো নেভালে কে? হুয়া পর কোন্ হুয়?

[ শাহমুজ্জার প্রবেশ ]

আবু। ( অভিবাদন ) হজরৎ, আপনার গোলাম আবু তোরাব।

শাহ। আবু, সব আলো এক সাথে নিভে গেল ভাই! মনে হ'চ্ছে অন্ধকারে বীভৎস পৃথিবী যেন লুক চোখ মেলে আমার পানে তাকিয়ে আছে! স্বার্থপর—ক্রুর—শয়তান যারা—অন্ধকারের ভেতর হাত বাড়িয়ে দিয়ে তারা ব'লছে “দাঁও, আমাদের ঐশ্বর্য্য দাঁও”—আমার যে বড় ভয় করে আবু!

আবু। ভয় কি হজরৎ! গোলাম আপনার পার্শ্ব আছে। নতুন ক'রে আলো জালিয়ে দিচ্ছি।

শাহ। আলো জালাবে! হাঁ, তাই জাল। প্রচুর আলো! বাইরের, মনের সব আঁধার ঘুচে যাক্, পৃথিবীর মলিনতা আলোর বস্ত্রায় ধুয়ে যাক্—আলো, আলো—( আলো জালিল ) আর নেই?

আবু। সব আলোই ত জালিয়েছি হজুর!

শাহ। কিন্তু এ ত হ'ল না! বাইরের আলো অন্ধকারকে তাড়া ক'রে যেন ভেতরে নিরে এল! এই আলোতে তুমি দাঁড়িয়ে আছ আবু.—তবু তোমায় এই স্বচ্ছ আলোর মাঝে পেরে কেন যেন মনে হয় তোমার মনে আঁধারের আর সীমা পরিসীমা নেই! কত মানি, কত অজ্ঞান, কত না প্রবঞ্চনা যেন তোমার মনের ভেতর বাসা বেঁধে আছে।



আবু। হজরৎ! ( চমকিয়া উঠিল )

শাহ। কিন্তু তুমি ত তা নও! পরম বিশ্বাসী হৃদ্বিনের বন্ধু আমার, কেন তবে এমন মনে হয়? পার, পার বন্ধু, আমার মনের এই বিকার দূর ক'রতে? পার আমার এমন কোন ঔষধ দিতে, যা পান ক'রে আমার হৃদয়ের এই অশ্বাস, এই হতাশা, এই গ্লানিপুঞ্জ দূর হ'য়ে যায়?

আবু। পারি হজরৎ। আপনার জীবনে আমি আনন্দের সন্ধান দিতে পারি। কিন্তু সে কি আপনি সত্যি চান?

শাহ। হ্যাঁ, হ্যাঁ, আনন্দ চাই। নিরাশ জীবনে আমার আজ আনন্দের বড় প্রয়োজন। চাই আনন্দ—উদাম, বলিষ্ঠ, উন্মদ আনন্দ!

( নৃত্য-ছন্দে মোহরার প্রবেশ )

অপূর্ব—অপূর্ব! কে তুমি নর্তকী?

মোহরা। হজরৎ, পরিতৃপ্ত?

শাহ। হ্যাঁ, আমি পরিতৃপ্ত!

মোহরা। আমার বক্শিশ্?

শাহ। কি চাই?

মোহরা। লাখে আশরফী!

শাহ। লাখে আশরফী! কোথায় পাব! আমি যে কপর্দকহীন পথের ভিখারী।

আবু। সে কি হজরৎ! গোলামকে হুকুম করুন, আমি এখনি কোষাগার থেকে নিয়ে আসছি।

শাহ। কিন্তু সে অর্থ ত আমার নয়! সে যে আমার আফগান প্রজার গচ্ছিত ধন!

আবু। কিন্তু ওই নজরানা ঠিক ক'রেই নর্তকীকে আনা হ'য়েছিল। সে

ত না দিবে পারব না। লুধিয়ানার এদের অশেষ প্রভাব প্রতিপত্তি।  
হজুর, অর্থদানে ইতস্ততঃ ক'রলে গোলযোগের সম্ভাবনা!

শাহ। তবে কেন আনলে এদের ডেকে? তুমি কি জান না আবু, ও  
অর্থ আমি দিতে পারব না!

মোহরা। হজুরৎ মেহেরবানি ক'রলেই পারেন।

শাহ। না—না—পারি না! নিরকোথ নর্তকী, সে ঐশ্বর্য যদি নিজের  
হ'ত তবে কি মাথার ওপরে সহস্র শত্রুর খঞ্জর ছলছে—প্রতি মুহূর্তে  
জীবন আমার বিপন্ন হচ্ছে—এ সম্বন্ধে আমি ওই অভিশপ্ত রক্ত  
মাণিক্যের বোঝা বহন ক'রে হিন্দুস্থানের পথে পথে বিচরণ করতাম!  
দীন দুঃখী আফগান প্রজার বুকের রক্ত জলকরা ঐ ঐশ্বর্য—দেশের  
রক্ষক ব'লে আমার হাতে তুলে দিয়েছিল। দেশে আজ অত্যাচার,  
উৎপীড়ন—তাই তাদের গচ্ছিত ধন আগলাতে আত্মগোপন ক'রে  
ফিরছি। কবে আবার দেশে ফিরব, কবে তাদের গচ্ছিত ধন  
তাদের হাতে ফিরিয়ে দেব!

আবু। কিন্তু ওরা সেকথা শুনবে কেন? ওই যা! নর্তকী বুঝি চ'লে  
যায়! শোন—শোন নর্তকী!

মোহরা। উহঁ—হজুরৎ যখন নাচ দেখে পারিশ্রমিক দিতে নারাজ,  
তখন আমরাও দেখি পারিশ্রমিক আদায় হয় কি না!—

( প্রস্থান )

আবু। সর্বনাশ! নর্তকীর দলের লোকেরা এখনি যে এসে প'ড়বে!

( নেপথ্যে কোলাহল )

শাহ। ও কিসের কোলাহল?

আবু। বুঝি ওরা হাজিমা বাঁধালো। দিন হজুরৎ, এখনো কোথাগারের  
চাবি ফেলে দিন!—নইলে জীবন আপনার বিপন্ন হবে।

শাহ। জীবন বিপন্ন হবে! শেষে এই হিন্দুস্থানে এসে চিরদিনের  
তরে—না, না, জীবনের অন্ত একি দুর্বলতা! যার বাক জীবন—  
তবু আমার প্রজার ঐশ্বর্যের এক কপর্দকও আমি দেব না!

আবু। ওই লুট-তরাজ আরম্ভ হ'ল— এখনও শুধু হজরৎ, জীবনের  
বিনিময়েও আপনি ঐশ্বর্য দেবেন না!

শাহ। না—না—না, জান কবুল, তবু ঐশ্বর্যের কণামাত্র আমি  
অনধিকারীকে বিলিয়ে দিতে পারব না। ও যে আমার আফগান  
ভাইদের বুকের রক্ত—টাটকা বুকের রক্ত!

আবু। তবে নিজের বুকের রক্ত দিয়ে তোমার এই নির্বুদ্ধিতার শাস্তি  
গ্রহণ ক'রতে হবে আমার শাহসুজা! ( বংশীধ্বনি )

( সশস্ত্র সৈনিকগণ আমীরকে বেঁটন করিল )

শাহ। একি! আমারি দেহরক্ষী সেনাদল, তোমার ইজিতে আমায়  
বেঁটন ক'রল!

( কাগসিংহ ও সাহেবসিংহের প্রবেশ )

কাগ। আমরাও প্রবেশ করলাম—দাঁড় টাকা, নইলে ঘটাং ক'রে কেটে  
ফেলব, ইয়া—

আবু। দস্যুদল লুট-তরাজ ক'রতে পুরী প্রবেশ ক'রেছে—এই শেষবার  
জিজ্ঞাসা ক'রছি, কোষাগারের চাবি দেবে কিনা?

শাহ। না—

আবু। না! তবে খোদাতাল্লাকে স্মরণ কর আমীর! তোমার  
জীবনের এই শেষ!

( গুলি করিতে উত্তত—সহসা ভেঞ্জুরার গুলিতে আবুর হাতের পিস্তল  
পড়িয়া গেল; আবু আমীরের পায়ের উপর পড়িল )

কাণ। ওরে বাবা, লাল ফিরিঙ্গী ! লালে লাল ক'রল ! পালাও—

পালাও—

( উভয়ের পলায়ন )

আবু। ওঃ—কে—কে গুলি ক'রে পিস্তল আমার হাত থেকে ফেলে  
দিলে ? কে ?—

( ভেঙ্কুরার প্রবেশ )

ভেঙ্কুরা। Your fate—টোমাব নসীব টোমাকে গুলি করিয়াছে—ইয়ে  
গোলাম, যো হাতমে হররোজ আমীর বাহাদুরকা জুতি সাফা  
করিয়াছে ও হাতকো একহি কাম আছে, উসিক ওয়াস্তে তেরা নসীব  
পিস্তল হাতসে মিট্টিমে ফেলিয়া দিল। আউর তেরা হাত আমীর  
বাহাদুরকা জুতিকা উপর রাখিয়া দিল।) এই, কাঁহা ভাগ্ জাতা !  
সাফা কর—জুতি সাফা কর ! ( ঘাড় ধরিল )

আবু। হজরৎ—হজরৎ ! গোস্তাকি মাফ কিজয়ে !

শাহ। ওঠো আবু ! বিদেশী বীর তোমার যেন কোথায় দেখেছি !—

ভেঙ্কুরা। Your Excellency, I am Colonel Ventura,  
Military Commander to His Majesty Ranajitsingh.

শাহ। মহারাজ রাজসিংহ ! কোথায় ?

( রাজসিংহের প্রবেশ )

রাজ। রাজসিংহ তোমার সম্মুখে ভাই !

শাহ। মহারাজা রাজসিংহ ! ( অভিবাদন )

রাজ। আমারি স্বদেশে আগমন ক'রেও তুমি লাহোরে আমার আতিথ্য  
গ্রহণ ক'রতে যাওনি, তাই লুধিয়ানার সৈন্যে উপস্থিত হ'লাম কাবুলের  
মহামান্য আমীর শাহসুজাকে আমার অভিনন্দন জ্ঞাপন ক'রতে।  
পেশোয়ারের সঙ্গে সন্ধি হ'য়েছে, আমি পেশোয়ারের অভ্যন্তর দিয়ে  
কাবুলে অভিযান ক'রব। যতদিন উচ্ছৃঙ্খল শাহমামুদকে শান্তি দান

ক'রে তোমার গ্ৰাঘ্য সিংহাসন তোমায় প্রত্যর্পণ ক'রতে না পারি, ততদিন আমার অতিথিরূপে লুধিয়ানার রাজপ্রাসাদে অবস্থান ক'রতে তোমার আপত্তি আছে আফগান-বীর ? অবশ্য যতদিন তুমি লুধিয়ানায় অবস্থান ক'রবে ততদিন লুধিয়ানার সম্পূর্ণ অধিকার তোমার, এবং লুধিয়ানার রাজস্ব, বার্ষিক পঞ্চাশ সহস্র মুদ্রার মধ্যে এক কপর্দকও আমার পাঞ্জাব সরকার তোমার নিকট হতে গ্রহণ ক'রবে না। বল আমীর শাহসুজা এ প্রস্তাবে তুমি স্বীকৃত ?

শাহ। স্বীকৃত। অসহায় বিপদাপন্ন পথের ভিক্ষুক আমি,—আমার প্রতি) এতখানি অস্বাচিত উপকার প্রদর্শন ক'রে জিজ্ঞাসা ক'রছ পাঞ্জাব কেশরী, আমি এতে স্বীকৃত কি না !

রণ। আমীর শাহসুজা !

শাহ। আজন্ম কারও দয়ার দান গ্রহণে অভ্যস্ত নই ; কিন্তু তবু হে মহাপ্রাণ পাঞ্জাবকেশরী ! তোমার এই দানের সঙ্গে বিজড়িত রয়েছে নিঃসহায় বিজ্ঞাতীরের প্রতি যে অসীম মমতা—তারই জগু প্রলুক হচ্ছি তোমার দান সসন্মানে মাথা পেতে গ্রহণ ক'রতে ।) এই স্নেহ-দানের বিনিময়ে গ্রহণ কর পাঞ্জাবকেশরী তোমার এই মুশ্লিম ভায়ের প্রীতির নিদর্শন কোহিনুর-শোভিত রাজমুকুট,—আর আমার মাথার পরিয়ে দাও তোমার ঐ বিরাট মনুষ্যত্ব-মণ্ডিত পবিত্র উষ্ণীষ ।

রণ। উষ্ণীষের বিনিময়ে জগতের শ্রেষ্ঠ রত্ন কোহিনুর ! আমীর শাহসুজা !

শাহ। নাও, গ্রহণ কর !

রণ। আমীর শাহসুজা !

শাহ। গ্রহণ ক'রবে না ? বুঝেছি, এই ভাগ্য বিড়ম্বিত হতভাগ্যের সঙ্গে মহারাজ রণজিৎসিংহ উষ্ণীষ বিনিময়ে অসম্মত। বিদায় মহারাজ, আদাব ! )

রণ । না, না,—দাঁড়াও ভাই ! উকীষ বিনিময় আমার ধর্মনিবিদ্ধ ।  
 আজন্ম সৈনিক আমি, উকীষের চেয়েও তরবারি আমার অধিক প্রিয় ।  
 এস তোমার উকীষের সঙ্গে আমার তরবারি বিনিময় করি । জগতের  
 শ্রেষ্ঠ মণি কোহিনুরের প্রলোভনে নয়,—কোহিনুরকা কিন্তুত তো  
 পাঁচ জুতি—শক্তি থাকলেই ও মণির অধিকার লাভ করা যায় । কিন্তু  
 যে মণিরত্ন শক্তি দিয়ে আয়ত্তে পাওয়া যায় না, সেই ভালবাসার  
 মাণিক বিনিময় ক'রছি আমরা আজ এই তরবারি ও উকীষ বিনিময়  
 করে । এ বিনিময় ভারতবর্ষের সঙ্গে আফগানিস্থানের হৃদয়ের  
 বিনিময় । ( উকীষ ও তরবারি পরিবর্তন )

## তৃতীয় অঙ্ক

### প্রথম দৃশ্য

লুধিয়ানায় মোহরার কক্ষ

নর্তকীদের নৃত-গীত

চঞ্চল সমীরণ মম্বর পায় !

মঞ্জুল বন ছায়

ছল করে মুছরায়

অঞ্চল টানি মুখ চুমিয়া পালায় !

শঙ্কিতা পরশনে কুণ্ঠতা কিশোরী

গুণ্ঠনে ঢাকি মুখ লাঞ্জে ওঠে শিহরি ;

সরসীর আরসিতে চুস্বন দাগ

যত দেখে মানিনীর তত বাড়ে রাগ

যত রাগে তত লাগে ঠোঁটে রাঙা ভাগ

লুকানো না-বলা-কথা গন্ধ বিলাহ !!

মোহরা। নাঃ!—এ আমার ভাগ লাগে না। এ গান বড় নিস্ত্রাণ!

কিছুতেই আমার প্রাণের ঝড় শান্ত ক'রতে পারছে না।

( নেপথ্যে চৈৎসিংহ—“বাজীন্দী মোহরা” )

মোহরা। কে ? চৈৎসিংহ!—

( চৈৎসিংহ ও খড়্গসিংহের প্রবেশ )

খড়্গ। না, না, আমি ষাট না! কেন তোমরা ছোর ক'রে আমার এখানে টেনে নিয়ে আসছ!

মোহরা। সুবরাজ খড়্গসিংহ!

খড়্গ। উ—পেশোয়ারী বুল বুল ডাকছে না!

কেন এলি বুল বুলি

মরু ভূঁয়ে পথ ভুলি

রৌদ্রে ঝড়ে চিতানলের শিখা

যা ফিরে যা ফুলের ভায়ে

সইবে না তোর নরম গায়ে

ঝলসে দেবে মরুর মরিচিকা!

চৈৎসিংহ, চল—

চৈৎ। কোথায় ষাটেন? অতিরিক্ত সুরাপানে আপনার দাঁড়াবার ক্ষমতা নেই—আপনি প্রমত্ত!

খড়্গ। প্রমত্ত! মাতাল! উহ, মদ খেয়ে আমি মাতাল হই না! কি হয় আমার জানো, চৈৎসিংহ! তুমি বিয়ে ক'রেছ? শুভদৃষ্টির সময় থেকে বাসর-শয্যার পূর্বেকণ পর্য্যন্ত মনের ভেতরটা কেমন করে, অনুভব কর! মদ খেলে আমার হয় সেই অবস্থা! তাই মদ এতো ভালো লাগে,—কিন্তু কোথায় পাবো মদ! দেবে বাজীন্দী। ( মস্তপান )  
আঃ, ফুরিয়ে গেল। আর আছে?—

মোহরা । আর থাকেন না ! অস্থস্থ হ'য়ে প'ড়বেন ।

খজা । বটে ! বার্জজীও আমার মদ খেতে নিষেধ করে । সৎ হ'তে উপদেশ দেয় । হাঃ হাঃ হাঃ ! আমি বড় গরীব, নইলে অনেক মদ কিনে খেতাম ।

চৈৎ । কে বলে আপনাকে গরীব ! আপনি লাহোরের সুবরাজ—  
খজা । হঁ ।—কিন্তু বলিতে হয় রাজ,

‘ ছোলা ভাজা খেয়ে বাঁচেন লাহোর সুবরাজ !

চৈৎ । কেন আপনার এই দুর্দশা ! কেন আপনি রাজভোগে বঞ্চিত !

খজা । সাধক'রে সই, সাধিনি বাদ  
লাহোর-দুর্গে প্রবেশ আমার ভীষণ অপরাধ !  
মায়ের হুকুম নির্বাসিত পথে—  
পথে পথেই বেড়াই তাই সওয়ার চরণ রথে !

চৈৎ । কিন্তু বিমাতার আদেশ আপনি কেন মানবেন ! লাহোর-দুর্গে আপনাকে প্রবেশ ক'রতে হবে !

খজা । বিমাতার আদেশ না মানি—কিন্তু দুর্গের বন্দুক-কাঁধে সেপাই-  
শাক্তী, তারা তো আমার বিমাতা নয় ! খোঁচা দেবে যে !

চৈৎ । সে ব্যবস্থা আমি ক'রছি ! শুধু সুবরাজ, আপনার পিতা  
মহারাজ রণজিৎসিংহ দু'এক দিনের মধ্যেই পেশোয়ারে যুদ্ধযাত্রা  
ক'রছেন । পেশোয়ারের ইয়ার খাঁ পেশোয়ার হ'তে বিতাড়িত !  
পেশোয়ার এখন দুর্দান্ত আফগান সেনাপতি আজিম খাঁর অধিকারে ।  
পেশোয়ারে ভয়ানক যুদ্ধ হবে ! জয়-পরাজয় অনিশ্চিত ! মহারাজ  
রণজিৎসিংহকে পেশোয়ার রণ-ক্ষেত্রে তাঁর সমস্ত সেনাবল সম্মিলিত  
ক'রতে হবে । লাহোর-দুর্গ থাকবে এক রকম অরক্ষিত !—

খজা । হঁ—তারপর !—



চৈৎ । আমাদের সর্বপ্রথম প্রয়োজন লাহোর-দুর্গ অধিকার করা । আমি  
বহু চেষ্টায় একদল সুশিক্ষিত সেনা সংগ্রহ ক'রেছি । তারা রণজিতের  
অবর্তমানে দুর্গ অবরোধ ক'রে আপনাকে আপনার অধিকারে  
সুপ্রতিষ্ঠিত ক'রবে । চলুন আমার সঙ্গে !—

মোহরা । না—না—চৈৎসিংহ ! তুমি যুবরাজকে আর বিপদের মধ্যে  
টেনে নিয়ে না !

খড়্গ । উ—আবার বাঈজীর অনুকম্পা ? সমবেদনা !

মোহরা । ভেবে দেখুন যুবরাজ, মহারাজ রণজিৎ যখন পেশোয়ার হ'তে  
প্রত্যাবর্তন করবেন !

চৈৎ । থামোনা বাঈজী ! পেশোয়ার-যুদ্ধ জয় ক'রে ফিরে আসা  
চাউখানি কথা নয়

মোহরা । কিন্তু চির অপরাজিত রণজিৎ জীবনে বহু অসম্ভবকে সম্ভব  
ক'রেছেন !

চৈৎ । তা যদি করেন—ক'রবেন ! দুর্গ অধিকারে এলে আমরাও দেখব  
তখন—কি ক'রে তিনি যুবরাজকে সেখান হ'তে অপসারিত করেন !

খড়্গ । দুর্গ অধিকার ! চৈৎসিংহ, সত্যই তোমার সেনাদল প্রস্তুত !

চৈৎ । নিশ্চয় ! শুধু আপনার আজ্ঞা অপেক্ষায় ।

খড়্গ । চলো—

মোহরা । যাবেন না যুবরাজ—মিনতি ক'রছি—যাবেন না !

খড়্গ । কেন ?

মোহরা । এ পিতৃদ্রোহ—

খড়্গ । না,—এ পিতৃদ্রোহ নয় ! পেশোয়ারী বাঈজী. খড়্গসিংহকে  
পিতৃভক্তি শেখাতে চেয়ে না । সৈন্ত নিয়ে আমি দুর্গ অবরোধ  
ক'রব । মুক্ত ক'রব বন্দিনী রাজমাতাকে । শুনব তাঁরই কাছে

কেন তাঁর এ বন্দীত্ব!—যদি বুঝি স্বার্থের বশে রণজিৎসিংহ তাঁর  
 মাতাকে বন্দিনী ক'রেছেন—তবে জেন, হনু রণজিৎ দিগ্বিজয়ী  
 পাঞ্জাবকেশরী, আসুন ফিরে তিনি পেশোয়ার হ'তে সুবিপুলসেনাদল  
 সমভিব্যাহারে—তবু জেন, খড়্গসিংহের দেহে একবিন্দু শোণিত  
 থাকতে লাহোর-দুর্গে আমি তাঁকে প্রবেশ ক'রতে দেব না। পিতৃ-  
 দ্রোহী হ'য়ে আমি মাতৃদ্রোহী রণজিৎসিংহকে উপযুক্ত প্রতিফল দান  
 ক'রব। এস চৈৎসিংহ চ'লে এস—! (প্রস্থান)

## দ্বিতীয় দৃশ্য

### লাহোর—রাজ-উদ্যান

#### চাঁদকোড়ের গীত

যোর প্রেমের দেউল তলে!

বিরহের মণি দীপ                      নিশিদিন জলে।

ধরিতে চাহিমু যারে

সে যে দূরে যায়—দূরে যায় বারে বারে।

নিভৃত বিজনে                      গোপন গহনে

একা ভাসি আঁখি জলে।

অতীত দিনের যত প্রথম প্রণয় কথা,

বলিতে কব না পুনঃ                      প্রাণে যদি লাগে ব্যথা,

হে পাষণ, আজি বল বল শুনি

আমারে কাঁদায় সুখী হবে তুমি,—

তাই যদি হয় সুখেতে কাঁদিব

এ জীবনে পলে পলে।

( ঝিন্দন কোড়ের প্রবেশ )

ঝিন্দন । চাঁদকোড় !

চাঁদ । মায়ি !

ঝিন্দন । মহারাজ প্রত্নাষে পেশোয়ার যুদ্ধে যাত্রা ক'রবেন—তুমি তাঁর পাশে থেকে যাত্রার সমস্ত আয়োজন ঠিক ক'রছিলে । ঋণিক বাড়ে দেখি তুমি নেই ! একা একা উদ্গানে কি ক'রছিলে মা !

চাঁদ । আমার একা থাকতে বড় ভাল লাগে মায়ি !

ঝিন্দন । কেন চাঁদকোড় ?

চাঁদ । বলতে পারি না মা । মহারাজের পরিচর্যা ক'রতে ক'রতে হঠাৎ কেন জানিনা মন বড় চঞ্চল হ'য়ে উঠল,—তাই এই উদ্গানে ছুটে এলুম ।

ঝিন্দন । চাঁদ !—

চাঁদ । মায়ি—

ঝিন্দন । একটি কথা আমার সত্যি ব'লবে মা ?

চাঁদ । কি ?

ঝিন্দন । বল লুকোবে না—আমার কাছে সত্য ব'লবে ?

চাঁদ । হ্যাঁ মা, কখনও কি কোন কথা তোমার লুকিয়েছি আজ পর্য্যন্ত ?

ঝিন্দন । তা জানি, আর জানি ব'লেই তো জিজ্ঞাসা ক'রছি ।

চাঁদ । কি ?

ঝিন্দন । তোমার মনে বড় কষ্ট—না মা ?

চাঁদ । মা ! ( অঞ্চল মুখ চাকিল )

ঝিন্দন । জানি, তোমার এ ছঃখের অন্ত আমি দায়ী । আমিই তোমার স্বামী খড়ঙ্গসিংহকে লাহোর-দুর্গ হ'তে বহিষ্কৃত করে দিয়েছি—আমিই তোমাদের জীবন-আকাশ বিখাদের কালো মেঘে ছেয়ে দিয়েছি ।

চাঁদ । না মা, তুমি যা ক'রেছ সে ত আমার স্বামীর মঙ্গলের জন্যই ক'রেছ ;

স্বামী সেবা ক'রতে পেলুম না সেজন্য দায়ী আমার মন্দ অদৃষ্ট ।

বিন্দন । খড়্গসিংহের হিতের জন্য যা ক'রেছিলাম তাতে তো কোন

সুফলই ফলল না । ভেবেছিলাম দুঃখের আগুনে পুড়ে খড়্গসিংহের

মনের ময়লা কেটে যাবে, সে আবার মানুষ হ'য়ে গৃহে ফিরবে ;—

কিন্তু লোকমুখে শুনি সে দিন দিন অবনতির ধাপে ধাপে নেমে

চ'লেছে । তার মঙ্গল হবে কেমন ক'রে ?

চাঁদ । একটা কথা বলব মা ?

বিন্দন । কি ?

চাঁদ । দেখ মা, আমার মনে হয়, তিনি মানুষ হ'তে পারেন, তুমি যদি

তাকে কাছে টেনে নাও । তুমি যাকে গ'ড়ে তুলতে না পারবে—কে

তাকে পথের সন্ধান দেবে বাইরের অচেনা পৃথিবীতে ! পাপের পথ

হ'তে আত্মরক্ষার স্থান এই দুর্গমধ্যে একমাত্র তোমারই পারের

তলায় মা,—দুর্গের বাইরে নয় !

বিন্দন । ঠিক ব'লেছিস মা ! সে আমার পুত্র, মা হ'য়ে আমি যদি

তাকে ধ্বংস হ'তে না বাঁচাতে পারি তবে কোথায় রইল আমার

মাতৃস্বের গৌরব ? চাঁদকোড়, আমি তাকে লাহোর-দুর্গে আশ্রয়

ক'রব ; মহারাজ পেশোয়ার যাত্রা ক'রলেই,—এই দুর্গমধ্যে আমার

বুকের অভয় দুর্গে তাকে আশ্রয় দেব । দেখি খড়্গসিংহকে কে

সেখান হ'তে পাপের পথে ছিনিয়ে নিয়ে যায় ।

চাঁদ । মায়ি—মায়ি—

বিন্দন । যাও মা, গৃহে ফিরে যাও,—তোমার নিরুদ্দিষ্ট স্বামীকে নূতন

জীবনের পথে নূতন ক'রে অভ্যর্থনা করবার জন্যে প্রস্তুত হওগে ।

( প্রণামান্তে চাঁদকোড়ের প্রস্থান )

( রণজিৎসিংহ ও নও নিহালসিংহের প্রবেশ )

রণ। অভ্যর্থনা কর মহারাণী, লাহোরে নূতন কেল্লাদারকে অভ্যর্থনা কর !

ঝিন্দন। লাহোরের নূতন কেল্লাদার !

রণ। পেশোয়ার রণক্ষেত্রে সম্মিলিত আফগানশক্তির সঙ্গে যুদ্ধে এবার হবে রণজিৎসিংহের ভাগ্য পরীক্ষা ; সমস্ত সেনাদল সম্মিলিত ক'রে যাত্রা করছি পেশোয়ার অভিমুখে। অরক্ষিত লাহোর-দুর্গ রক্ষার জন্তু তাই নূতন দুর্গ-স্বামী নিযুক্ত ক'রতে হ'ল। সেই দুর্গ-স্বামী বালক নও নিহালসিংহ। কেমন—তুমি স্বীকৃত নও নিহাল ?

নও। মহারাজের প্রদত্ত এ বিপুল গৌরব আমি মাথা পেতে গ্রহণ করলুম। কিন্তু মহারাজ, আমার মনে বড় সাধ ছিল আপনার সঙ্গে পেশোয়ারের রণক্ষেত্রে গমন ক'রব। দুর্দর্ষ আফগান জাতির সঙ্গে আমার অস্ত্র-শিক্ষার পরীক্ষা দেব। কিন্তু আপনি আমার সে আশা সফল হ'তে দিলেন না। লাহোরের কেল্লাদার ! লাহোর তো আপনার সুশাসনে শান্তিময়। কেল্লাদার হ'য়ে একবার যে অস্ত্র ধারণ ক'রব সে সুযোগও আর উপস্থিত হবে না।

রণ। বলা যায় না। শাস্তি রাজ্যেও তো অশান্তির ঝড় উঠতে পারে ! আমি থাকবো বহদুর পেশোয়ারে ; গুপ্ত শত্রু—যারা এখন আমার ভয়ে মাথা নীচু ক'রে আছে—তারা যে তখন মাথা তুলবে না, তাইবা কে ব'লতে পারে। তখন ?

নও। মাথা তোলে ত কি ক'রে কাল সাপের ফণা মুইয়ে দিতে হয় সে শিক্ষা নও নিহালসিংহের আছে মহারাজ ! আপনি নিশ্চিত থাকুন !

ঝিন্দন। তাহ'লে এস নূতন কেল্লাদার, দুর্গবাসীর পক্ষ থেকে আমি তোমায় মঙ্গল অভিনন্দন জ্ঞাপন করি। ( শিরশ্চূষন )

( মোকামচাঁদের প্রবেশ )

মোকাম । মহারাজ—

রুগ । কে ! মোকামচাঁদ ! কি সংবাদ—

মোকাম । British political agent Captain Wed মহারাজের  
সাক্ষাৎ প্রার্থী ।

রুগ । আবার Political Agent কেন ! আমরা কি আবার কোন  
নূতন ইংরেজ রাজত্ব আক্রমণ করেছি মোকামচাঁদ ?

মোকাম । না । সাহেব বললেন—তবুও কি গুরুতর প্রয়োজন ।

রুগ । আচ্ছা, এই উদ্ভানেই নিরে এস । গুরুতর রাজনীতি তবু এই  
উদ্ভানের ঠাণ্ডা হাওয়ার একটু হাঙ্গা হবে ।

( মোকামচাঁদের প্রস্থান )

বিন্দন । আমি তা হলে আসি মহারাজ !

রুগ । নও নিহাল আমার পার্শ্বে থাক । আর শোন রাণী বিন্দন কোড়,—  
একটা কথা বলেছিলাম তোমাকে...শতক্র হতে পেশোয়ার পর্য্যন্ত  
অখণ্ড শিখরাজ্য স্থাপন করব । প্রতিজ্ঞা আমার প্রায় সম্পূর্ণ ;  
এবার পেশোয়ার অবশিষ্ট । পেশোয়ার বিজয়ের পর—

বিন্দন । জানি মহারাজ,—দেশ-মাতার মুক্তি—মারি রাজকৌড়ের  
কারামুক্তি । আপনার প্রত্যাশ্বর্তনের পূর্ব হতেই আমরা সে শৃঙ্খল  
মোচন উৎসবের জগু প্রস্তুত থাকব মহারাজ । ( প্রস্থান )

রুগ । হাঁ—শৃঙ্খল মোচন উৎসব—জননীর শৃঙ্খল মোচন উৎসব ।

( Captain Wed-এর প্রবেশ )

Wed । Good evening Maharaja Bahadur, good evening  
Prince Nao Nihal !

রুগ । আইয়ে—বৈঠিয়ে সাব, তসুরিফ লাইয়ে !

Wed। Maharaja Bahadur, I come again—হামি আবার আসিয়াছে মহারাজার হিচ্ছা জানিটে ।

রণ। কিসের ইচ্ছা ?—

Wed। About treaty, শান্তির প্রস্তাব । হাপনি লোক শটলেজ নদীর দক্ষিণে রাজ্য বিস্তার করটে পারিবে না ।

রণ। কেন পারব না শতক্রুর দক্ষিণে রাজ্য বিস্তার করতে !

Wed। No no...সে একডম্ হোবে না ।

রণ। কেন, এবার কি তাহ'লে ইংরেজ সরকার রণজিৎ সিংহকে ভন্ন দেখাতে আপনাকে প্রেরণ করেছেন লাহোরে ?

Wed। No, not at all ! বৃটিশ গভর্নমেন্ট মহারাজকে বয় ডেকাইটে চাহে না—বন্ধুটা করিটে চাহে । Please see, here is the Map of India, this is the Punjab—এই পাঞ্জাব...এই শটলেজ river । মহারাজ নদীর এপার তক্ আসিয়াছেন...আউর এপারে আসিলে বৃটিশ সীমান্ন আসিটে হইবে । ও কাম উচিট হইবে না ।

রণ। না, ইংরেজের সঙ্গে অনর্থক বাদ বিসম্বাদ করে আমিও শক্তি ক্ষয় করতে চাই না । বিশেষতঃ গুরুতর পেশোয়ার যুদ্ধ আমার সম্মুখে । আমি এ প্রস্তাবে স্বীকৃত ; শতক্রু নদীর দক্ষিণ অংশে আমি প্রবেশ করব না, কিন্তু সেই সঙ্গে বৃটিশ সরকারকেও প্রতিশ্রুতি দিতে হবে... তাঁরাও শতক্রু পার হয়ে আমার রাজ্য মধ্যে প্রবেশ করবেন না ।

Wed। উ ত ঠিক বাৎ । বন্ধুটা হইলে British surely শটলেজ নদীর উটুরে আপনার রাজ্য ছুঁইবে না । That's all...ব্যস্ এই বাট ঠিক রহিল । I shall inform the Government to this effect and a letter of treaty must be prepared. সন্ধি letter কোখন sign করিটে হইবে ?

রণ। রণজিৎ সিংহের মুখের কথাই সন্ধি পত্র সাহেব ! আমার জীবনের শেষ দিন পর্য্যন্তও আমার কথার খেলাপ হবে না। তবু যদি সন্ধি পত্র রচনা করতে চাও সে সন্ধি পত্র স্বাক্ষরিত হবে আমি পেশোয়ার হতে প্রত্যাবর্তন করলে।

Wed। All right ! All right ! I wish this river Sutlej will run forever as the eternal witness of our friendship.

রণ। ভাল কথা সাহেব, তোমার এই মানচিত্রে ওই লাল রঙের জায়গা গুলো কি ?

Wed। This red indicates British possession in India—ব্রিটিশ গভর্ণমেন্টের যোগ্য জায়গা আছে...লাল রঙে দেখান হইয়াছে।

রণ। এই ?—

Wed। Bengal.

রণ। এই ?

Wed। Madras.

রণ। এই ?

Wed। Bombay Presidency.

রণ। হুঁ—

Wed। Now good bye Maharaja Bahadur, good bye Prince Nao Nihal (প্রস্থান)

রণ। দেখেছ নওনিহাল, ভারতবর্ষের মানচিত্রের প্রধান প্রধান বন্দর-গুলিতে কেমন লাল রঙের ছোপ লেগেছে ! বাণিজ্য করতে এসে এই ভারতবর্ষে এরই মধ্যে কত নিপুণতার সঙ্গে ইংরেজ বণিক কত দেশ জয় করে ফেলেছে ! কেবলই লাল...কেবলই লাল !



নও। আমাদের জন্মভূমি পাঞ্জাব তো লাল হয়নি মহারাজ !

রণ। হয়নি লাল ! একথা নিশ্চয় জানি, যতদিন রগজিৎসিংহ বাঁচবে ততদিন পাঞ্জাবের গায়ে লালের ছোপ পড়বে না। কিন্তু রগজিৎসিংহের অবর্তমানে ?

নও। নওনিহালসিংহ বেঁচে থাকতেও সে হবে না।

রণ। না হক—তবু মনে হয় আমি যেন দিব্যদৃষ্টিতে দেখতে পাচ্ছি নওনিহাল, বহদুর ভবিষ্যতে—না না বহদুর নয়—অদুর ভবিষ্যতে ওই লাল রঙে বস্ত্রের মত সমস্ত ভারতের মানচিত্রকে প্রাণিত করে দেবে ! হয়ত আমার জন্মভূমি পাঞ্জাবও সে প্রাণিত হতে রক্ষা পাবে না ! সব লাল হো য়গা নওনিহাল,—সাবি হিন্দুস্থান লাল হো য়গা।

## তৃতীয় দৃশ্য

### লাহোর রাজপথ

( শিখ নরনারীদের জাতীয় সঙ্গীত )

জয় যাত্রায় চল বীর

রণধীর, চল বীর নারী

চল চল মহাবীর ॥

খরতর সূর্য্য, ঘোরতর তুর্ঘ্য বাজাল সুগস্তীর ।

বিপুল পৃথ্বীর অঙ্গ, দলিতা যেন কি ভূঅঙ্গ

উগরে গরলধার।

উছলে ঝলকে প্রলয়ঙ্গ রঙ্গে

তরঙ্গ ফেনিল নীল পারাবার ।

উদ্দাম ভৈরব ডাকে ওই  
 দুর্দম বৈশাখী হাঁকে ওই  
 দুর্লভ বৈভব আসে ওই  
 বন্ধন মুক্তির ॥

যারা রণবেশে মরণের দেশে চলে গেল নাহি ভয় ।  
 দুর্গম মহামরণ-দুর্গ তাহারা করেছে জয় ।

যদি বাঁচি গাব জীবনের জয়  
 মরি যদি হবে মরণ বিজয় ।  
 এস এস চলি অরিকুল দলি  
 গাহি জয় মুক্তির ।

(প্রস্থান)

৩

### চতুর্থ দৃশ্য

লাহোর দুর্গের সম্মুখভাগ

রাণী বিন্দনকোড় ও চাঁদ-কোড়

বিন্দন । সমস্ত সৈন্য মহারাজের সঙ্গে পেশোয়ার যাত্রা করল । আজ এই  
 সেনাদলের মনে যে উল্লাস...যে উদ্দীপনা ওদের ওই সূর্য্য-করোজ্জ্বল  
 মুক্ত কৃপাণের মত ঝলমল করছে...পেশোয়ার যুদ্ধ জয় করে ঠিক এমনি  
 উল্লাস নিয়ে ওরা যেন একদিন লাহোরে ফিরে আসে ! সেই পরম  
 মুহূর্ত্তে দেশজননী হবে শৃঙ্খল মুক্তি, মাতা রাজকোড়ের হবে রত্ন-  
 সিংহাসনে প্রতিষ্ঠা !—

চাঁদ । চলো মা,—সেই শুভদিনের প্রতীক্ষায় আমরা মায়ি রাজ-কোড়ের  
 কারা-মন্দিরে বসে থাকে আমাদের স্বাধীনতার সঙ্গীত শোনাই ।—

ঝিন্দন । চলো চাঁদ কোড় ( নেপথ্যে কাড়ানাকাড়া বাজিয়া উঠিল )  
 ✓ একি, হঠাৎ কাড়া বেজে উঠল কেন ? কারা ছুটে আসছে উন্নতের  
 মত নগর পথ দিয়ে !

( প্রহরীর প্রবেশ )

প্রহরী । শীঘ্র দুর্গে প্রবেশ করুন মায়ি, উচ্ছৃঙ্খল জনতা এই কেল্লার দিকে  
 ছুটে আসছে ! কেল্লা অধিকার করাই বুঝি তাদের উদ্দেশ্য—

ঝিন্দন । কেল্লা অধিকার করবে ! মহারাজ রণজিৎসিংহের লাহোর  
 কেল্লা ! এত দুঃসাহস কার...কে সেই দুর্ঘটি ?

প্রহরী ! বলতে কুণ্ঠায় আমার বাকরোধ হয়ে যায় । বিদ্রোহীদের নামক—

ঝিন্দন । কে ?

প্রহরী । স্বয়ং যুবরাজ খড়্গসিংহ !

ঝিন্দন । খড়্গসিংহ !

প্রহরী । ঐ কোলাহল আরও নিকটবর্তী মায়ি ! বোধ হয় তারা এসে  
 পড়ল । কেল্লা মধ্যে প্রবেশ করুন ! আমি ফটক বন্ধ করে দিই—

চাঁদ । চল মা—আমরা কেল্লা মধ্যে যাই—

ঝিন্দন । খড়্গসিংহ আসছে লাহোর দুর্গে প্রবেশ করতে ! আমার পুত্র  
 খড়্গসিংহ—মহারাজ রণজিৎসিংহের পুত্র খড়্গসিংহ !

( খড়্গসিংহ—সৈয়দসিংহ এবং সশস্ত্র শিখ নাগরিকদের প্রবেশ )

খড়্গ । হ্যাঁ—হ্যাঁ—মহারাজ রণজিৎসিংহের পুত্র খড়্গসিংহ লাহোর দুর্গে  
 তার শাস্য অধিকার বাহুবলে গ্রহণ করতে এসেছে— ! আজ আর  
 কারু সাধ্য নাই মহারাণী, তাকে বাধা দান করে—

ঝিন্দন । কেন বাধা দেব ! আমার গৃহহারা পুত্র এতদিনে যদি তায়  
 ঘরে এসেছে...মা হয়ে আমি কি তাকে বাধা দিতে পারি ! আর  
 অভিমানী পুত্র, দ্বার উন্মুক্ত...তোমার গৃহে আয় ।

১৮৭। চলো চলো...তোমরা দুর্গ মধ্যে প্রবেশ করবে চলো—

ঝিন্দন। তোমরা কি চাও ?

খড়্গ। ওরা আমার বিজয়ী সেনাদল ; ওরাও আমার সঙ্গে দুর্গে প্রবেশ করবে !

ঝিন্দন। সে কি খড়্গসিংহ !

১৮৭। হাঁ। আমরা দুর্গ অধিকার করে যুবরাজের দেহরক্ষী রূপে এই দুর্গ মধ্যেই অবস্থান করব।

ঝিন্দন। না ঐ হবে না ! লাহোর দুর্গ দ্বার উন্মুক্ত শুধু যুবরাজ খড়্গসিংহের জ্ঞে। তোমাদের কারুর সেখানে প্রবেশ অধিকার নাই !

খড়্গ। আমি যদি ওদের প্রবেশ অধিকার দেই !

ঝিন্দন। তুমি দেবে ?

খড়্গ। হ্যাঁ, আমিই দেব সে অধিকার। বিজয়ী বীরের ন্যায় সসৈন্তে প্রবেশ কর্তে চাই এই লাহোর দুর্গে—

ঝিন্দন। তা হ'লে যেন খড়্গসিংহ, দুর্গ প্রবেশ তোমার পক্ষেও নিষিদ্ধ হবে !

খড়্গ। নিষিদ্ধ হবে ! কে নিষেধ করবে ? কারু নিষেধের অপেক্ষা রাখব বলে কি এই সেনাদল নিয়ে দুর্গপানে ধৈর্যে এসেছি ! এসো বন্ধুগণ, আমরা বিজয়োল্লাসে দুর্গ অধিকার করি—

ঝিন্দন। সাবধান খড়্গসিংহ, আর এক পদ অগ্রসর হয়ো না। পাঞ্জাব-কেশরী রুগজিৎসিংহের চির অপরাজের লাহোর দুর্গে কোন বিজয়ী আজ পর্যন্ত প্রবেশ করতে পারেনি—যারা প্রবেশ করতে চেয়েছে তারা এসেছে অবনত মস্তকে রুগজিৎসিংহের বশুতা স্বীকার করে ! তোমাকেও এ দুর্গে প্রবেশ করতে হলে—আসতে হবে—অবনত মস্তকে—মহারাজ রুগজিৎসিংহের সেবকরূপে—বিদ্রোহীরূপে নয়—

খড়্গ। সেবকরূপে ! কার সেবক ! মহারাজ রুগজিৎসিংহের ?

নিরপরাধিনী মাতাকে যিনি এই লাহোর দুর্গ মধ্যে লৌহ কারাগারে আবদ্ধ রেখেছেন—সেই মাতৃদ্রোহী রগজিৎসিংহের? না—না সে হবে না! বিজয়ীর মত দুর্গে প্রবেশ করে আমি মাতা রাজকোড়কে শৃঙ্খলমুক্ত করব!—

বিন্দন। মাতা রাজ কোড়ের শৃঙ্খলমুক্তি আজ নয় খড়্গসিংহ। সেই শৃঙ্খল মুক্তি উৎসব সেই দিন...যেদিন জননী জন্মভূমির অঙ্গ হতে সমস্ত শৃঙ্খল অপসারিত হবে। স্বাধীন পাঞ্জাবের স্বর্ণ সিংহাসনে সেই দিন—সেই দিন হবে মাতা রাজ কোড়ের পুণ্য অভিষেক!—

খড়্গ। মাতা রাজ কোড়ের অভিষেক!

বিন্দন। মাতা রাজ কোড় সাধারণ বন্দিনী নন্ খড়্গসিংহ! তিনি বন্দিনী-দেশ-জননীরই বেদনার প্রতীক! ওই শৃঙ্খলিতা মাতার মূর্তি রগজিৎকে দিয়েছে কন্ঠের প্রেরণা—ওই শৃঙ্খলিতা মাতার শৃঙ্খল বনবনা রগজিৎের হৃদয়ে দিয়েছে বন্ধন মুক্তির দুর্বার প্রতিজ্ঞা! সেই প্রতিজ্ঞা নিয়ে দেশ দেশান্তরে রগজিৎ ধাবিত হচ্ছেন আর্ন্তের উদ্ধারে...দুর্কলের বেদনা মোচনে। পেশোয়ার বিজয়ে হবে রগজিৎের প্রতিজ্ঞা পূরণ...জননী রাজ কোড়ও হবেন চিরমুক্তা।

খড়্গ। সে কি কথা মা, রগজিৎসিংহের জীবন ইতিহাসের এ যে এক বিচিত্র অধ্যায় তুমি আমার সম্মুখে উন্মুক্ত করলে! মাতা রাজ কোড় বন্দিনী হয়েছেন তবে—

বিন্দন। তোমারই জ্ঞে—খড়্গসিংহ! অমৃতসরে শত্রু শিবির হতে তোমায় মুক্তি দেবার জ্ঞে মাতা রাজ কোড় দ্বার উন্মুক্ত করেছিলেন! নতুবা নিশ্চিত জেনো, ক্রোধক্ষুব্ধ রগজিৎসিংহের তরবারি সেদিন পুত্র শোণিতে রঞ্জিত হত! শুধু দেশদ্রোহী...রাজদ্রোহী তোমাকে বাঁচাতে গিয়েই—শৃঙ্খল বরণ করে নিলেন মাতা রাজ কোড়!

খড়্গ। অঁ্যা—এও কি সম্ভব ! চৈৎসিংহ—

চৈৎ। মিথ্যা কথা ! শুনবেন না যুবরাজ, এ শুধু আপনাকে বিচলিত করবার জন্তে এক অপূর্ব চক্রান্ত। বিশ্বাস না হয়—আমুন আমরা লাহোর দুর্গ অবরোধ করি। বন্দিনী মাতা রাজ কোড়ের মুখ হতেই সত্য ইতিহাস শ্রবণ করি। এ হতে পারে না—এ সম্পূর্ণ মিথ্যা ! অরক্ষিত লাহোর দুর্গ আপনার গ্রাসচ্যুত করবার উদ্দেশ্যে এ এক সুন্দর আখ্যায়িকা—

খড়্গ। সত্য বলেছ চৈৎসিংহ, এ হতে পারে না ! আমি দুর্গ প্রবেশ করব, দুর্গ অধিকার করে মহারাজ রগজিতের পাপের প্রায়শ্চিত্ত করব।  
বিন্দন। খড়্গসিংহ—খড়্গসিংহ, এখনও বলছি রগজিৎসিংহের পুত্ররূপে অবনত মস্তকে অগ্রসর হও...নতুবা দুর্গদ্বার পরিত্যাগ কর।

খড়্গ। না—না—আমি চাই বিজয়ীর গৌরব—আমি চাই বাহুবলে স্বাধিকার প্রতিষ্ঠা। সসৈন্তে এই লাহোর দুর্গ আমি অধিকার করব। দেখি, কে আমার বাধা দান করে !

বিন্দন। খবরদার ! যেখানে দাঁড়িয়ে আছ ঐখানেই দাঁড়াও খড়্গসিংহ। যদি দুর্গ প্রবেশের চেষ্টা কর...পুত্র বলে ক্ষমা করব না ! বিন্দন কোড়ের মাতৃমূর্তিই দেখেছ নিকেরোধ,—ভৈরবী মূর্তি দেখনি। মুক্ত খড়্গর হাতে দুর্গ দ্বার অবরোধ করে দাঁড়াল সেই মৃত্যুরূপা ভৈরবী। পাঞ্জাবের দৃপ্তসিংহ আজ পাঞ্জাবে নেই ; কিন্তু পাঞ্জাবের সিংহিনী বিন্দন কোড় এখনও আগ্রত রয়েছে। আয়—আয়—দেখি কার এমন স্পর্ধা, সেই সিংহিনীকে অতিক্রম করে—লাহোর দুর্গে প্রবেশ করে !

চৈৎ। থমকে দাঁড়ালে কেন যুবরাজ,—ওই অস্ত্রকে তোমার ভয় ?

খড়্গ। অস্ত্রে ভয় নয়—ভয় আমার থাকে। চল ফিরে যাই—

চৈৎ । ফিরে যাবে ! কে...কে—তোমার মাতা—? মহারানী বিন্দন কোড়, উগত তরবারি নিয়ে দাঁড়িয়েছ খড়্গসিংহকে বধ করতে । খড়্গসিংহ তোমার পথের কণ্টক, সরিয়ে ফেলতে পারলেই বলীৎসিংহের পথ নিষ্কণ্টক ।

খড়্গ । চৈৎসিংহ—চৈৎসিংহ— !

চৈৎ । স্পষ্ট কথা বলতে দাও যুবরাজ,—মহারানী বিন্দন কোড়ের ভৈরবী মূর্তিকে আমরাও প্রণাম কর্তাম...সত্যই যদি তিনি খড়্গসিংহের গর্তধারিণী জননী হতেন ! কিন্তু খড়্গসিংহকে লাহোর দুর্গ প্রবেশে যিনি বাধা দিচ্ছেন—এমন কি বধ কর্তেও যিনি খড়্গ তুলেছেন তিনি খড়্গসিংহের মাতা নন—বিমাতা ।

( বিন্দন কোড়ের হাতের তরবারি পড়িয়া গেল )

বিন্দন । ওঃ—বিমাতা ! বিমাতা ! খড়্গসিংহ, তুমি দুর্গ প্রবেশ কর—আমি বাধা দেব না ।—

চাঁদ । না—না—সে হবে না মা,—ওরা কিছুতেই দুর্গ প্রবেশ করতে পারবে না !—

বিন্দন । চুপ—কথা কস্মনে চাঁদ কোড় ! ওরে, ওদের বাধা দিলে—আজ যে আমার লজ্জার সীমা পরিসীমা থাকবে না ! বুঝি জগদীশ্বরের অভিপ্রায়, খড়্গসিংহ লাহোর দুর্গে বিদ্রোহীর মত প্রবেশ করুক ! ঈশ্বরের অন্ত অভিপ্রায় থাকলে আমি খড়্গসিংহের গর্তধারিণী মাতা হতাম ! কিন্তু আমি—আমি যে ওর বিমাতা ! যাও খড়্গসিংহ, স্থানুর মত দাঁড়িয়ে আছ কেন ? পথ মুক্ত, দুর্গ প্রবেশ কর—

চৈৎ । চলো যুবরাজ, জার মুহূর্ত বিলম্ব নয় । তোমার বিমাতার এ দুর্বল মুহূর্তের সুযোগে—চলে এসো আমার সঙ্গে—তোমার বিমাতার কোনো অধিকার নেই আমাদের বাধা দিতে ( দুর্গে প্রবেশোত্ত )

( পিস্তল হস্তে নও নিহাল সিংহের প্রবেশ )

নও । অপেক্ষা !

চৈৎ । কে ! নও নিহাল সিংহ !

নও । মহারানী বিন্দন কোড় খড়্গসিংহের বিমাতা বলে তাঁর অধিকার না থাকতে পারে—কিন্তু খড়্গসিংহের পুত্রের অধিকার আছে তাঁকে দুর্গ প্রবেশে বাধা দিতে । সাবধান !—

চৈৎ । তুমি—তুমি খড়্গসিংহের অবাধ্য পুত্র,—তোমারও অধিকার নেই !—

নও । পুত্ররূপে অধিকার না থাকে...তবু মহারাজ রঞ্জিৎসিংহ কর্তৃক নির্বাচিত লাহোর দুর্গস্বামী আমি ! সেই দুর্গস্বামীরূপে আদেশ করছি আমি...ফিরে যাও তোমরা ।—

চৈৎ । যুবরাজের এ বিজয় বাহিনী তোমার আদেশের অপেক্ষা রাখে না বালক ! যুবরাজ খড়্গসিংহ বর্তমানে কোন অধিকারে তুমি দুর্গস্বামী নিযুক্ত হয়েছ ? এ দুর্গের সমস্ত অধিকার...সমস্ত দায়িত্ব যুবরাজ খড়্গসিংহের !

নও । যুবরাজ কি সেই অধিকারই দাবী কর্তে এসেছেন ?

চৈৎ । হ্যাঁ !

নও । তবে দিতে হবে তাঁকে সেই অধিকার ?

চৈৎ । হ্যাঁ হবে ।

নও । অধিকার না পেলে তিনি কিছুতেই ফিরবেন না ?

চৈৎ । কিছুতেই না, জীবন পণ...লাহোর দুর্গের অধিকার আমরা কিছুতেই ছাড়ব না !—

নও । উত্তম, পাবেন সে অধিকার তা হলে । কিন্তু স্মরণ রাখবেন সকলে, সে অধিকার পেতে হলে যুবরাজকে যে ব্যক্তি পাপের পিচ্ছিল পথে



টেনে নেয়...বার কুট চক্রান্ত যুবরাজকে পিতৃদ্রোহী...দেশদ্রোহী...  
জাতীয়তার পরম বিদ্রোহী করে তুলতে চায়—যে স্বার্থান্বেষী গণ্ড এই  
স্নেহধারা বিগলিতা বাৎসল্যময়ী জননী বিন্দন কোড়কে পর্যন্ত অপমান-  
কুঁকা করতে সাহসী হয়—যুবরাজকে আজ লাহোর দুর্গের অধিকার  
গ্রহণ করতে হলে সেই নীচাত্মা শয়তানকে চিরতরে পরিবর্জন কর্তে  
হবে। বলুন, প্রস্তুত সকলে? দুর্গদ্বার আমি আপনাদের সবার জন্তে  
মুক্ত করে দিচ্ছি...বলুন, রাজী আছেন আপনারা এ কর্তে?

সকলে। হ্যাঁ—আমরা রাজী! বলুন কেল্লাদার, কোথায় সেই শয়তান?  
নও। সে শয়তান ঐ চৈৎসিংহ!—

চৈৎ। না—না—আমি নই—আমি নই—

নও। ওই সেই শয়তান—ঐ দুর্নতি চৈৎসিংহকে বিতাড়িত করুন,  
দুর্গদ্বার আপনাদের সবার জন্তে অব্যাহত!—

সকলে। হ্যাঁ—হ্যাঁ—আমরা ঐ চৈৎসিংহকে—

চৈৎ। বিতাড়িত করবে? প্রয়োজন হবে না তার বন্ধুগণ, আমি নিজেই  
এখান থেকে চলে যাচ্ছি; যুবরাজ খজ্ঞাসিংহ যদি তাঁর হৃত  
অধিকার ফিরে পান—স্বৈচ্ছায় সানন্দচিত্তে শুধু আমার আবালা  
সুহৃদের হিতের জন্তে আমি দুর্গদ্বার হ'তে চিরবিদায় নিচ্ছি। যাও  
—যাও বন্ধু খজ্ঞাসিংহ, বিপুল উল্লাস কলরোলে তুমি তোমার  
পিতৃদুর্গে প্রবেশ কর। আমি শুধু দূর হতে সেই আনন্দটুকু উপভোগ  
করে আমার জীবন সাধনা সফল বলে মানব! (প্রস্থান)

খজ্ঞা। চৈৎসিংহ—চৈৎসিংহ—

( চৈৎসিংহের পুনঃ প্রবেশ )

নও। পিতা!—

খজ্ঞা। না, না, তুমি যাও—তুমি যাও—

[ চৈৎসিংহের প্রস্থান ]

খজা। নও নিহালসিংহ...লাহোর দুর্গস্বামী !

( নও নিহাল খজাসিংহের পদতলে বসিল )

নও। গ্রহণ করুন পিতা, গ্রহণ করুন মহামান্য লাহোর সুবরাজ, আপনার পিতৃদত্ত তরবারি। তরবারি নিয়ে এইবার সগৌরবে প্রবেশ করুন আপনার মহান পিতার প্রাসাদ দুর্গে!—

খজা। না—নও নিহালসিংহ, পাঞ্জাব কেশরীর ওই পবিত্র তরবারির যোগ্য অধিকারী আমি নই...ও তরবারির মর্যাদা রক্ষিত হবে তোমারই হস্তে। লাহোর দুর্গে আর বিজয়ীর গর্ভ নিয়ে প্রবেশ কর্তে পারবো না আমি। প্রবেশ কর্তে চাই, অবনত শিরে...ঐ আমার জননী বিন্দন কোড়ের অযোগ্য সন্তান আমি...শুধু এই লজ্জা নিয়ে—এই গৌমব নিয়ে।

## চতুর্থ অঙ্ক

### প্রথম দৃশ্য

[ নৌ সেরার রণক্ষেত্র। এক পার্শ্বে কাবুল নদ, দূর নদীবক্ষে সেতুর আকারে সজ্জিত নৌ শ্রেণী...নৌকার উপর দিয়া অজস্র শিখ সৈন্য বন্দুকের গুলিতে শত্রু বাহ ভেদ করিয়া এপার আসিতে ছিল...রণক্ষেত্রে ইতঃস্তত হতাহত সৈন্য...আর্তনাদ ...গুলিবর্ষণ...রণদামামা ধ্বনি। ]

( আহত মোকামচাঁদের প্রবেশ )

মোকাম। অন্ধকারে সাতার কেটে কাবুল নদ পার হয়েছি...অন্ধকারেই শত্রুপক্ষের কামান কোশলে অধিকার করেছি। সেই কামানের

গোনার নোসেরার দুর্গ প্রাচীর অর্ধ ভগ্ন। এই অবসরে—এই অবসরে যদি কাবুল নদের নোসেতুর ওপর দিয়ে—হ্যাঁ ঐ—ঐ শিখ সৈন্ত নদী পার হচ্ছে !

( নেপথ্যে অরধ্বনি )

অর মহারাজ রণজিৎসিংহের অর, পাঞ্জাব কেশরী রণজিৎসিংহের অর !

মোকাম । মহারাজ রণজিৎসিংহের অর ! পাঞ্জাব কেশরী রণজিৎসিংহের অর ! কিন্তু আর তো দাঁড়াতে পারি না...বড় পিপাসা—জল—জল—( নিপতিত হইলেন ) ।

ভেঙ্কুরা । ( নেপথ্যে ) কোন পানি মাজ্ তা ! এ কিস্কা আওরাজ—তুম্ কোন্ !

মোকাম । কর্নেল ভেঙ্কুরা;—জল !

ভেঙ্কুরা । Oh Mary ! মোকাম চাঁদ,—মেরে ভেইয়া ! ঠার যানা, আভি পানি লে আতা ভেইয়া—

( টুপি খুলিয়া তাহাতে নদীর জল লইয়া

আসিয়া মোকামচাঁদের মুখে দিল )

মোকাম । আঃ—

ভেঙ্কুরা । মোকাম চাঁদ, you are terribly wounded বহুৎ অখম ছয়া ! বহুৎ খুন নিক্ লাতা ! Merciful Heaven ! Where shall I get a Doctor...a Doctor ( বাইতেছিল )

মোকাম । দাঁড়াও কর্নেল ! নৌ সেরার যুদ্ধ অর সম্পূর্ণ !

ভেঙ্কুরা । Yes General, almost finished. নোসেরা লড়াই জিটিয়া কেবল নোসেরা অর হইল না...এ লড়াই জিটিয়া হামাদের পেশোয়ার যুদ্ধভি বিলকুল খতম হইয়া গেল ! হামলোক পেশোয়ার দখল করিলাম ।

মোকাম । পেশোয়ার বিজয় ! পেশোয়ার বিজয় ! আঃ—পাঞ্জাব  
কেশরীর দিগ্বিজয় সম্পূর্ণ...পেশোয়ার পর্য্যন্ত অথগু শিখরাজ্যের  
প্রতিষ্ঠা হল !

ভেঙ্কুরা । কেবল টোমহারই লিয়ে ভেইয়া, টুমহি নদী পার হইয়া কেলা  
ভাঙ্গিয়া দিলে ! The enemy became terror-stricken  
and in the meantime হামি লোক সব Boat মে আকর  
নোসেরা কেলার ডখল নিলাম । টুমহি মহারাজকো victory  
ডিয়াছে—

মোকাম । মহারাজ কোথায় কর্ণেল—

ভেঙ্কুরা । লাহোরমে চিঠি দিচ্ছেন ! বহুং ভারী দরবার হইবে ! মায়ি  
রাজ কোড়কো—এবার দরবার মে নোতুন অভিষেক হইবে !—

মোকাম । মায়ি রাজ কোড়ের মুক্তি—মায়ি রাজ কোড়ের অভিষেক !  
কিন্তু...কিন্তু বড় দুর্ভাগ্য আমি, সে বিজয় উৎসব আর দেখতে  
পেলাম না—

ভেঙ্কুরা । কেন ভেইয়া,—টুমহি ভাল হইবে !

মোকাম । ভাল হব ! ওঃ—( অব্যক্ত আর্তনাদ )

ভেঙ্কুরা । মোকামচাঁদ—মোকামচাঁদ—

মোকাম । গুলি পাঞ্জর ভেদ করেছে ! আর বেশী দেবী নেই কর্ণেল !  
যদি যাবার পূর্বে একবার—শুধু একবার—মহারাজকে দেখতে  
পেতাম, তা হলে জীবনে আমার কোন দুঃখ থাকত না ।—

ভেঙ্কুরা । হামি ডেখছে ভেইয়া, মহারাজকো হামি খবর ডিচ্ছে—এক  
মিনিট ঠ্যারো—এক মিনিট ঠ্যারো— ( ভেঙ্কুরার প্রশ্নান )

মোকাম । সাহেব বিলম্ব করতে বলে গেল ! কিন্তু মৃত্যু-দূত বুঝি  
আমার চোখের সামনে দাঁড়িয়ে—সেতো কারো অনুরোধ শোনে

না! তবু তবু—যদি পার হে মৃত্যুদূত, একটু অপেক্ষা কর—  
হাসতে হাসতে আমি তোমার সঙ্গী হবো। শুধু একবার মহারাজ  
রগজিৎকে শেষ বিদায় জ্ঞাপন করে...ওঃ মহারাজ—মহারাজ  
রগজিৎসিংহ!—

( রগজিৎের প্রবেশ )

রগ। মোকাম চাঁদ...মোকাম চাঁদ, নোসেরার যুদ্ধ বিজয়ী শ্রেষ্ঠ বন্ধু  
আমার,—পেশোয়ারের বিজয়-লক্ষ্মী আমার অর্পণ করে তুমি এ  
কোথায় চললে বন্ধু?

মোকাম। মহারাজ, আবার আসবো...আবার আপনার পার্শ্বে এসে  
দাঁড়াবো। জন্মভূমি পাঞ্জাবের সেবা করে এখনো আমার তৃপ্তি  
হয়নি। আবার আসব—মহারাজ—যাই...বিদায় ( মৃত্যু )

রগ। মোকাম চাঁদ—মোকাম চাঁদ—

( ভেঞ্জুরার প্রবেশ )

ভেঞ্জুরা। মোকাম চাঁদ...মোকাম চাঁদ...একি! Tears! Your  
majesty, আপকো আঁখমে পানি!

রগ। চোখে জল! মাতাকে একদিন—বন্দি কয়েক...জ্যেষ্ঠ পুত্রকে  
রাজ্যহারা করেছি—তবু—তবু এ নীরস চক্ষুতে কখন জল আসেনি।  
আজ—আজ এ অবাধ্য চোখে এত জল কোথা হতে আসে ভেঞ্জুরা?

ভেঞ্জুরা। Your majesty!

রগ। কর্নেল ভেঞ্জুরা, নোসেরার যুদ্ধে বিজয়ী হয়ে আমার এই কোহিনুর  
শোভিত শিরঞ্জাণ রক্ষা পেয়েছে। কিন্তু তার পরিবর্তে আমি যে  
রত্ন হারালেম—সারা উনিয়ান তার তুলনা নেই! সহস্র কোহিনুরের  
বিনিময়ে সে রত্ন জীবনে আর ছুটি মিলবে না!

—

## দ্বিতীয় দৃশ্য

লাহোর দুর্গ অভ্যন্তরস্থ উদ্যান

ঝড়ের রাত্রি

চাঁদ কোড়ের গীত

ঝঞ্জা ঝাঁঝর বাজে

ঝন ঝন রোলে ।

মৃদঙ্গ গস্তীর ঘন ঘন বোলে ॥

এলায়িত বেণী যেন ফণী বনভূমি নাচে দাপটে  
নাচে হিন্তাল তাল তাল-বেতাল ঝঞ্জা নটীরে সাপটে ।

অতি তুরন্ত ছোটে তুরঙ্গ

দুরন্ত রব তোলে ॥

গগণের ঘন ঘোর ক্রকুটী ক্রভঙ্গে

ঝলকে ঝলকে দামিনী চমকে

অসি নাচে যেন রঙ্গে ।

ছকারি ফেরে উন্মাদ ঝায়

শঙ্কিত মৃদু দীপ নিভে যায়

জীবন লুটায় অন্ধকারায়

মরণের কোলে ॥

( ঝঞ্জাঙ্গিৎহের প্রবেশ )

খঞ্জা । চাঁদ কোড় !

চাঁদ । কে, প্রভু !

খঞ্জা । একি গান গাইছ চাঁদ কোড়, আজ আনন্দ রজনীতে তোমার  
কণ্ঠে একি বিষাদের গান !

চাঁদ । আনন্দ রজনী !

খড়্গ । হ্যাঁ, মহারাজ রগজিৎসিংহ শতক্র হতে পেশোয়ার পর্যন্ত অথও শিখ সাম্রাজ্য স্থাপন করেছেন...তাই দীর্ঘ কারাবাসের পরে আজ মায়ি রাজ কোড়ের শৃঙ্খল মুক্তি উৎসব এবং সে শৃঙ্খল মোচনের অপূর্ব সম্মান বহন করব আমি ।

চাঁদ । তুমি—তুমি মায়ি রাজ কোড়ের শৃঙ্খল মোচন করবে !

খড়্গ । একদিন শুধু আমারি জগ্রে—শুধু আমাকে বাঁচাতে গিয়ে মায়ি রাজকোড় শৃঙ্খল বরণ করেছিলেন । তাঁর সে শৃঙ্খল মোচনের ভার পিতাকে অনুরোধ করে আমি নিজে গ্রহণ করেছি । মহাপাপী আমি...হয়ত আজ আমার পুঞ্জীভূত অপরাধের অনেকখানি প্রায়শ্চিত্ত হবে চাঁদ কোড় ।

চাঁদ । প্রভু!

খড়্গ । অমৃতসরে হয়েছিলেন মায়ি শৃঙ্খলিতা...অমৃতসরেই অনুষ্ঠিত হবে মায়ির শৃঙ্খল মোচন উৎসব । সুসজ্জিত দরবার মণ্ডপে তাঁকে রত্ন সিংহাসনে অধিষ্ঠিত করতে মহারাজ রগজিৎসিংহ অপেক্ষা করছেন । আমি যাই, কারামন্দির হতে স্বর্ণ চতুর্দোলায় চাপিয়ে রাজমাতাকে অমৃতসরে নিরে যাই ।

চাঁদ । প্রভু, তুমি যেও না !

খড়্গ । চাঁদ কোড় !

চাঁদ । দেখছ না...কারা-মন্দিরের প্রতি দীপশিখা থর থর করে কাঁপছে !

খড়্গ । কাঁপছে !

চাঁদ । ভয় হয়, তোমার পশ্চাতে ঘেন এক করাল ছায়া ওই দীপের আলোকে গ্রাস করতে চাইছে ! সব আলো নিভে যাবে—সব অন্ধকার হয়ে যাবে ! না—না—তুমি কারা-মন্দিরে যেওনা ! মায়ির

মুক্তি যজ্ঞের হোতা পাঞ্জাব কেশরী রঞ্জিতসিংহ—তুমি নও!—এস,  
আমার সঙ্গে ফিরে এস!

খড়্গা। চাঁদ কোড়...চাঁদ কোড়, তোমার মনে আজ একি দুর্বলতা!  
আমার বধুরূপে এই সংসারে এসে অনেক দুঃখের দহনে জলেছ...  
অনেক চোখের জল ফেলেছ...তাই বুঝি আনন্দ দীপালি রচনা  
করতেও তোমার অনভ্যস্ত হাত কেঁপে ওঠে চাঁদ কোড়—

চাঁদ। তাইকি!

খড়্গা। জীবনের পরম লগ্ন উপস্থিত চাঁদ কোড়,...আমার সীমাহীন  
অপরাধের আজ হবে চির অবসান।

( নেপথ্যে নহবৎ বাজিল )

ওই—ওই নহবৎ বেজে উঠলো! যাও, আনন্দ কর—উৎসব কর—  
মাগ্নির মাঙ্গল্য রচনা কর। আমিও যাই, কারা-মন্দিরে গিয়ে মাগ্নির  
শৃঙ্খল মোচন করি।

( চাঁদ কোড়ের প্রস্থান )

( খড়্গাসিংহ প্রস্থানোত্তত, পশ্চাৎ হইতে চৈৎসিংহের প্রবেশ ও  
খড়্গাসিংহকে ডাকিল )

চৈৎ। বন্ধু খড়্গাসিংহ!

খড়্গা। কে! একি! চৈৎসিংহ, তুমি দুর্গে প্রবেশ করলে কি করে!

চৈৎ। কেন? আজ যে দুর্গ দ্বার সবার জগ্ন অবারিত।

খড়্গা। সত্য—সত্য; মাগ্নি রাজ্য কোড়ের শৃঙ্খল মুক্তি উৎসব আজ, তাই  
লাহোর দুর্গে আজ সবার প্রবেশাধিকার!

চৈৎ। সবার সঙ্গে দুর্গ-নির্কাসিত আমি—আমিও আনন্দে আত্মহারা  
হয়ে দুর্গে প্রবেশ করলাম খড়্গাসিংহ! শুধু এই একটা রজনী...মাগ্নি  
রাজ্য কোড়ের মুক্তি উৎসবে সমস্ত পাঞ্জাব আজ আনন্দে মাতোয়ারা



...এ রাত্রিটিতে আমার এই দুর্গ প্রবেশে...বল বন্ধু...তুমি অসন্তুষ্ট হওনি! অগতের চোখে সহস্র অপরাধে অপরাধি হই—তবুও তো আমি এই দেশেরই সন্তান...মারি রাজ কোড় তো আমারও মাতা! তাঁর শৃঙ্খল মুক্তির রজনীতে আমার কি তুমি অপরাধী বলে দূরে সরিয়ে রাখবে খড়্গসিংহ!

খড়্গ। না—না—চৈৎসিংহ, তুমি জানন্দে পাঞ্জাবের এই মুক্তি উৎসবে যোগদান কর।

চৈৎ। পাঞ্জাবের মুক্তি উৎসব! রগজিৎ সিংহের মাতার আজ মুক্তি উৎসব! রগজিৎসিংহের বুক আজ আনন্দে নাচছে—বড় উৎসব হবে, বড় আনন্দ হবে! ওরে অপমানিত...লাঞ্ছিত চৈৎসিংহ, তোরই অন্ত-শত্রুর মহলে আজ—

খড়্গ। চৈৎসিংহ!

চৈৎ। ওঃ—অন্ত-শত্রু বুঝলেনা বন্ধু! আমি অপরাধী...পাপী; রগজিৎসিংহ পুণ্যাত্মা...তাই তিনি আমার শত্রু। শত্রুরূপে আমার শাস্তি দিয়েছিলেন অনুতাপের তুষানল। সেই আঁগুনে হৃদয়ের অঞ্জলি পুড়ে গেল; চৈৎসিংহ মরে গেল। যে বেঁচে রইল...সে এক কোমলপ্রাণ, দেশবৎসল—স্বজাতি বৎসল, মাতৃভক্ত শিখ। মায়ের মুক্তি উৎসবে তাই হৃদয় নেচে উঠল। বন্ধু, বড় সাধ তোমার সঙ্গে কারাগারে গিয়ে শৃঙ্খল মুক্তি দেখব।

খড়্গ। তুমি কারাগৃহে যাবে?

চৈৎ। হৃদয়ে যদি পাপের অঙ্কুর মাত্র বেঁচে থাকে...মুক্তি উৎসব দেখে সে পাপের শেষ প্রারশ্চিত্ত করব। আমার এ সুযোগ হবে না খড়্গসিংহ!

খড়্গ। চৈৎসিংহ!

চৈৎ । জানি, সে অধিকার দেবে না ! আমি মহাপাপী, আমার বিশ্বাস করবে কেন ?—যাই, হৃদয়ের আশা হৃদয়ের তলে বিলীন করে দূরে চলে যাই ! শুধু হুঃখ, মায়ের পায়ে মাথা রেখে এ জীবনে একটীবার কাঁদতে পেলাম না—চোখের জলে মায়ের পা ধুইয়ে নিয়ে পাপের প্রায়শ্চিত্ত করতে পারলাম না ।

( প্রস্থানোত্ত )

খড়্গ । দাঁড়াও চৈৎসিংহ, কৃত অপরাধের প্রায়শ্চিত্ত করতে আমি চলেছি মাতার শৃঙ্খল মোচন করতে । আমি যদি প্রায়শ্চিত্তের সুযোগ পাই—সে সুযোগ তুমিও পাবে । এস বন্ধু, আমার সঙ্গে মায়ি রাজকোড়ের কারাকক্ষে এস !

( উভয়ের প্রস্থান )

### তৃতীয় দৃশ্য

[ অমৃতসরে সুসজ্জিত দরবার মণ্ডপ । মধ্যস্থলে মায়ি রাজকোড়ের অন্ত্রে স্থাপিত রত্নসিংহাসন । চারি পার্শ্বে শিখ সর্দার এবং আমন্ত্রিত ইংরেজ ও ফরাসীগণ । নেপথ্যে তুমুল আনন্দসূচক ষন্ত্রধ্বনি হইতেছিল । একজন তরুণ নর্তক অসিনৃত্য দেখাইতেছিল । সমবেত জনমণ্ডলীর মধ্যে থাকিয়া থাকিয়া হর্ষধ্বনি ! ]

শিখগণ । বহবা...সাবাস ।

ইংরেজ }  
ফরাসী } ব্রেভো—হুঃ—

সকলে । জয় পাঞ্জাব কেশরী মহারাজ রুগঞ্জিসিংহের জয় ।

( রুগঞ্জিতের প্রবেশ )

রুগ । না, না, আজ আমার জয়ধ্বনির দিন নয় বন্ধুগণ । আজ মাতা

রাজকোড়ের মুক্তি-উৎসব, যুবরাজ খড়্গসিংহ মাতাকে লাহোর হতে স্বর্ণ চতুর্দোলায় বহন করে আনছেন অমৃতসরের এই দরবার মণ্ডপে । যুবরাজের আগমন লগ্ন প্রায় সমাগত । মাতা আগমন করলে ওই পবিত্র রত্ন-সিংহাসনে আপনাদের সবার সম্মুখে আজ হবে তাঁর পুণ্য-অভিষেক । এদিনে আমার অয়ধ্বনি নয় বন্ধুগণ । অয়ধ্বনি করুন আপনারা আমারি সঙ্গে সমস্বরে—শৃঙ্খল-মুক্তা মায়ি রাজকোড়ের ।

সকলে । অয় মায়ি রাজকোড়, অয় মায়ি রাজকোড় ।

( রক্তাক্তদেহে খড়্গসিংহের প্রবেশ )

খড়্গ । কার অয়ধ্বনি কচ্ছেন পিতা ? সব শেষ হয়ে গেছে !

রণ । একি, খড়্গসিংহ ! তোমার দেহ রক্তাক্ত... হস্তে মুক্ত কুপাণ...

সর্বদেহ কম্পিত ! কি হয়েছে খড়্গসিংহ ? কোথায় মাতা রাজকোড় ?

খড়্গ । মাতা রাজকোড় নেই—

রণ । নেই !

খড়্গ । কারাগৃহে তিনি নিহত ।

রণ । নিহত ! মায়ি রাজকোড় নিহত ! সেই রক্ত সর্বাঙ্গে মেখে—

আমার মায়ের রক্তে কুপাণ রঞ্জিত করে—তুমি আমারি সম্মুখে

এসেছ—আমায় মাতৃহত্যার কাহিনী শোনাতে !

খড়্গ । না পিতা, যত নৃশংস পিশাচ হই—তবু আমি মায়ি রাজকোড়ের

পবিত্রদেহে কুপাণ স্পর্শ করিনি !

রণ । তবে ! কে—কে সেই হত্যাকারী ?

খড়্গ । মায়ির হত্যাকারী চৈৎসিংহ ।

রণ । চৈৎসিংহ !

খড়্গ । প্রতারিত হয়েছিলাম তার ছলনায় । সঙ্গে করে নিয়ে গিয়েছিলাম

তাকে মায়ির শৃঙ্খল মুক্তি দেখাতে লাহোর কারাগারে । (স্বহস্তে মুক্ত

কচ্ছি সেই শৃঙ্খল—এমন সময় পাঞ্জাব কেশরীর প্রতি) প্রতিহিংসা  
পরায়ণ সেই পশু পশ্চাৎ হতে গুপ্তঅস্ত্রে—

রগ। —মায়িকে নিহত করলে? আর সেই রক্ত এসে রঞ্জিত করল  
তোমারই বসন। কলঙ্কিত করল তোমার কৃপাণ, কেমন? খড়্গসিংহ,  
এত বড় পাপ সাধন করে অনায়াসে নিস্তার পাবে ভেবেছ মূর্থ?  
প্রস্তুত হও... মায়ী রাজকৌড়ের নিৰ্ম্মম হত্যার জন্তে) শান্তি গ্রহণে  
প্রস্তুত হও, খড়্গসিংহ।

খড়্গ। শান্তি গ্রহণে আমি প্রস্তুত পিতা; তবে তার পূর্বে শুধু আপনাকে  
এই সহজ সত্য কথাটা জানিয়ে যেতে চাই যে খড়্গসিংহ যত নীচে  
নেমে আসুক, তবু সে মহাপ্রাণ রগজিৎসিংহের পুত্র; মায়ী রাজ-  
কৌড়কে সে হত্যা করতে পারে না। এ রক্ত আততায়ী চৈৎসিংহের  
রক্ত...এ কৃপাণ রঞ্জিত হয়েছে সেই নীচাশয় চৈৎসিংহের বক্ষে আমূল  
বিদ্ধ হয়ে!—

রগ। চৈৎসিংহ হত্যাকারী! তুমি অপরাধী নও—চৈৎসিংহই মায়ী  
রাজকৌড়কে...না—না তবু শান্তি নিতে হবে খড়্গসিংহ! দুর্ভাগ্য  
চৈৎসিংহ তোমারই সঙ্গীরূপে লাহোর কারাগারে প্রবেশ করে  
রগজিৎসিংহের জীবন সাধনা নিৰ্ম্মমভাবে ব্যর্থ করে দিয়েছে।  
জননীর উৎসবের পবিত্র বেদী সে আমার জননীরই বক্ষরক্তে রঞ্জিত  
করেছে! এত বড় অপরাধ শুধু কি চৈৎসিংহের রক্তে ধুয়ে মুছে  
যাবে? খড়্গসিংহ,—প্রস্তুত হও, শান্তি গ্রহণের জন্ত প্রস্তুত হও।—

খড়্গ। আমি প্রস্তুত পিতা!

রগ। কর্ণেল ভেঙ্কুরা—

ভেঙ্কুরা। Your majesty.

রগ। অপরাধীকে শান্তি দাও।

ভেঙ্কুরা। What punishment !

রণ। মৃত্যু—মৃত্যু—মায়ের জীবনের বিনিময়ে পুত্রের জীবন ! গুলি কর  
• খড়্গসিংহকে !

ভেঙ্কুরা। All right your majesty.

( চাঁদ কোড়ের প্রবেশ )

চাঁদ। পিতা—পিতা।

( পদতলে পড়িল )

রণ। কে চাঁদ ! ও ! কিন্তু না আজ আর আমি কোন কথা শুনবো  
না। মায়ের শৃঙ্খল আমাকে কর্তব্যচ্যাত করতে পারে নি—পুত্রবধুর  
অশ্রুজলের কাতরোক্তিতেও আমাকে বিচলিত করতে পারবে না।  
সরে যাও।

খড়্গ। ওঠ চাঁদ। কাতরতা দেখিয়ে আমাকে হাশ্রাস্পদ করো না।  
জীবনে বহু অপরাধে অপরাধী আমি...অপদার্থ আমি...কিন্তু একবার  
এই শেষ বারের জন্ত আমার বীরের মত মর্ত্যে দাও। পিতা, আমি  
প্রস্তুত।

রণ। কর্ণেল ভেঙ্কুরা, আদেশ পালন কর !—

ভেঙ্কুরা। Your majesty, here is the pistol, ( পদতলে রাখিল )

রণ। পারবে না !

ভেঙ্কুরা। Excuse me your majesty, this is the first  
instance that colonel Ventura disobeys the command  
of his master.

রণ। উত্তম, দাও তবে পিস্তল, স্বচক্ষেই—খড়্গসিংহ, কি ভাবে মৃত্যু  
চাও ! যুদ্ধ করবে ?

খড়্গ। অপরাধির শাস্তি যুদ্ধে হয় না মহারাজ, আপনি আমার পিস্তলের  
গুলিতে বধ করুন !

ঝিন্দন । ( নেপথ্যে ) খড়্গসিংহ, খড়্গসিংহ !

রণ । প্রস্তুত !

খড়্গ । আমি প্রস্তুত !

ঝিন্দন । ( নেপথ্যে ) খড়্গসিংহ, খড়্গসিংহ ।

রণ । কে !

খড়্গ । কেউ নয়, কারু ডাক আমি শুনি না কাণে জাগে শুধু মৃত্যুর  
বজ্রগস্তীর আহ্বান... গুলি করুন পিতা—

( খড়্গসিংহ বুক ফুলাইয়া দাঁড়াইলেন... রঞ্জিত পিস্তল

তুলিলেন, ছুটিয়া ঝিন্দন কোড়ের প্রবেশ )

ঝিন্দন । রক্ষা করুন মহারাজ, খড়্গসিংহকে রক্ষা করুন ।

রণ । রাণী ঝিন্দন কোড় ! আমার রাজকার্য্যে হস্তক্ষেপ করতে এসো না ।

ঝিন্দন । আমি আপনার পদতলে পড়ে যুক্ত করে খড়্গসিংহের প্রাণ-  
ভিক্ষা চাইছি মহারাজ ! খড়্গসিংহ ত অপরাধী নয় ; অপরাধী  
চৈৎসিংহ ! ) একের অপরাধে অপরকে কেন অনর্থক বধ করবেন  
মহারাজ ?

রণ । অনর্থক নয় ঝিন্দন কোড় ! খড়্গসিংহের মত যারা জীবনে  
কুসঙ্গীকে প্রশ্রয় দেয়... কুসঙ্গীর পাপের শাস্তি তাদেরও ভোগ করতে  
হয় । চৈৎসিংহের পাপ খড়্গসিংহতেও সংক্রামিত হয়েছে । যাও,  
আমি প্রাণ চাই, আমার মায়ের প্রাণের বিনিময়ে খড়্গসিংহের প্রাণ !

ঝিন্দন । প্রাণের বিনিময়ে প্রাণ নিতেই হবে মহারাজ ?

রণ । ই্যা হবে !

ঝিন্দন । এই কি আপনার অটুট সঙ্কল্প ?

রণ । ই্যা... সরে যাও । )

ঝিন্দন । কিন্তু অভাগিনী ঝিন্দন কোড়কে আপনি যে পুত্রহারা করছেন !

রুণ । (রাজধর্মের প্রয়োজনে তোমার এই একটা মাত্র পুত্র থাকলেও আমি তাকে বধ করতাম বিন্দন কোড় ! কিন্তু তোমার সৌভাগ্য, খড়্গসিংহ তোমার একমাত্র পুত্র নয়...সে তোমার স্বপত্তী পুত্র । সে নিহত হলেও তোমার গর্ভজাত পুত্র দলীপ সিংহ বর্তমান থাকবে ।

বিন্দন । কিন্তু খড়্গসিংহ লাহোরের যুবরাজ । তাকে হারালে আমি ভবিষ্যৎ রাজ মাতার গৌরব হতে বঞ্চিত হব !

রুণ । দলীপ সিংহ আজ হতে লাহোরের যুবরাজ...যাও বিন্দন কোড় তুমি রাজ-মাতৃত্বের গৌরব হতে বঞ্চিত হবে না—

বিন্দন । দলীপ সিংহ লাহোরের যুবরাজ ! যুবরাজের সকল দায়িত্ব—  
সকল কর্তব্য, আজ হতে দলীপ সিংহের !—

রুণ । হ্যাঁ—

বিন্দন । খড়্গসিংহের সমস্ত প্রাপ্য অধিকার দলীপ সিংহ পাবে ?—

রুণ । পাবে—

বিন্দন । আমার গর্ভজাত সন্তান দলীপ সিংহ মহারাজের নিকট হতে সমস্ত শুভাশুভ কার্যের ফল আমার স্বপত্তী পুত্র ওই খড়্গসিংহের পরিবর্তে দাবী করতে পারবে !

রুণ । হ্যাঁ হ্যাঁ পারবে । আমি প্রতিশ্রুতি দিচ্ছি বিন্দন কোড় । এইবার স্থান ত্যাগ কর । অপরাধী খড়্গসিংহকে মৃত্যুদণ্ড দিতে দাও !

বিন্দন । যাচ্ছি মহারাজ ! শুধু আর একটা আবেদন আছে । দলীপসিংহ !

( দলীপ সিংহের প্রবেশ )

দলীপ । মাগ্নি—!

বিন্দন । ( দলীপকে খড়্গ সিংহের সম্মুখে দাঁড় করাইয়া ) এখানে স্থির হয়ে দাঁড়াও দলীপ সিংহ, এইবার গুলি করুন মহারাজ !

রুণ । গুলি করব ! দলীপ সিংহকে !

কিন্দন । হ্যাঁ—হ্যাঁ...যুবরাজের সমস্ত অধিকার নিয়ে বুক কুলিয়ে  
দাঁড়িয়েছে ওই আমার বালক পুত্র দলীপ সিংহ । লাহোর যুবরাজের  
সমস্ত দায়িত্ব আজ হতে দলীপসিংহের...খজাসিংহের সকল প্রাপ্য  
বস্তুর সমান অধিকারী করেছেন আপনি আমার ওই বালক সন্তানকে !  
প্রাণের বিনিময়ে যদি প্রাণ নিতেই হয় মহারাজ, তবে আমার  
স্বপত্নী পুত্র খজাসিংহের প্রতিনিধিরূপে আপনার পিস্তল মুখে অর্পিত  
হল, ওই আমার গর্ভজাত সন্তান দলীপসিংহ । বধ করুন মহারাজ,  
পাঞ্জাব সিংহের পার্শ্বে দাঁড়িয়ে পাঞ্জাবের সিংহিনী স্বচক্ষে তার  
শাবক হত্যা দেখবে । চোখে পলক পড়বে না...শাবক তার  
মৃত্যুকে ভয় করবে না !—

দলীপ । নেহি মারি, মেরা কুছ ডর নেহি ! সহিদ হো ষায়গা...ম্যার  
সহিদ হো ষায়গা !

কিন্দন । হ্যাঁ হ্যাঁ, সহিদ হো ষায়গা । শুনুন মহারাজ,—সিংহ শিশু  
আনন্দে গর্জন করে উঠেছে...মৃত্যুকে ভয় করে সে সহিদ হবে...সে  
মৃত্যুঞ্জয়ী হবে ! আর অপেক্ষা কেন মহারাজ,—বধ করুন ! আমার  
দলীপ সিংহকে বধ করুন !—

রণ । বধ করব ! রাণী কিন্দন কোড়, স্বপত্নী পুত্রের জন্মে এক মাত্র  
গর্ভজাত সন্তানকে দান করবার তোমার এই অপূর্ব মাতৃ-শোঁধা  
আজ চির অপরাজিত রণজিৎসিংহকেও পরাজিত করল। (সাধা  
কি আমার দলীপ সিংহের কেশস্পর্শ করি ! ) ( দলীপকে বুক টানিয়া  
লইলেন ) দেখছ কি খজাসিংহ ! মাতৃদেহের বর্ষ আজ রণজিৎসিংহের  
অঙ্গ হতেও তোমার অভেদ্য করে তুলেছে ! তাই সহস্র অপরাধে  
অপরাধী হলেও তুমি মুক্ত...তুমি মুক্ত !

যবনিকা







